1 పూర్వాతె ఈ లోకమ్ తుంగోక ముస్నె మాట ఇందనోండు ఒరొ మత్తొ. ఆ మాట థేమండుతోటె మత్తొ. ఆ మాట థేమండాసి మత్తొ. 2 ఆ మాట ఈ లోకమ్ తుంగోక మున్స్టెనొయంగ థేమండుతోటె మత్తొ. 3 ఓని థొరింపిసె థేమండు ఈ లోకాతె మందనవంత తుంగ్తో. ఈ లోకాతె మంథాని బాతోరోటిగూడ ఓండు ఇల్లకుండ తుంగిల్లొ. 4 ఓనమటె అంథోరిని బతికిసాని జీవమ్ మత్తె. ఆ జీవమ్ మనుసుర్కింకి పెలుంగాసి మత్తె. <mark>5</mark> ఆ పెలుంగు ఈకడ్దె మెర్సోంథె. గోని ఈకడి పెన్ని లతిని బయుథికి తురసాలిల్లె. 6 థేమండు రోత్తకాడె వత్త ఒరొ యేపారి మత్తొ. ఓని పెథేరు యోవాను. 7 పెన్నిలాసి మందనోనిని అంథోరు నమ్మవాలె ఇంజి ఓనిని గురుంచి సాచ్సెమ్ కెత్తనాంకి ఓండు వత్తో. 8 ఓండు ఆ పెలుంగు అయ్యో గోని ఆ పెలుంగు గురుంచి సాచ్చెమ్ కెత్తనాంకి వత్తో. 9 లోకాతె మంథాని మనుసుర్కింకి పెలుంగు ఈదనాంకి వాథాని నిజమత్త పెలుంగు ఇథ్దె. 10 ఓండు ఈ లోకాతె పూర్వతెనుంచి మత్తొ. ఈ లోకతిని ఓండు తుంగ్తస్కెడ్కిని ఈ లోకాతె మంథాని మనుసుర్కు ఓనిని పున్నిల్లోరు. 11 ఓండు ఓని సొంత జనాతగ్గ వత్తొ గోని ఓని సొంత జనాకు ఓనిని దగ్గడ్కి తీస్కుండిల్లోరు. 12 గోని బేనోరతుకు ఓనిని దగడ్కి తీసి ఓని పెథేటిని హిం్రో నమ్మకమ్ తాసిత్తోరొ ఓరంథోరు థేమటె పిల్లాకు ఆదనాంకి ఓని పెద్దరికతిని ఓరికి ఇత్తో. 13 ఓరు సెత్తురుతోటె అయ్యోక, మనుసుర్కిని ఆసతోట అయ్యోక, మనుసుర్కిని యెసనకిన్తోటె అయ్యోక థేమటె థోరింపిసె పుట్తోరు. 14 ఆ మాట ఇందనద్దు మనుసుని తిస్తె మన నడుమ వాస్తి, సంపూర్న దయ నిజమ్ కలియు బతక్తో. మమ్మ ఓని గొప్పతనతిని ఊడ్తామ్. అద్దు థేమటె ఒరోండె మర్రింకి మంథాని గొప్పతనమాసి మత్తె. 15 యోవాను ఓనిని గురుంచి ఈలా సాచ్చెమ్ కెత్తో: నా పెరికె వాదనోండు నాక్కన్న ముస్సెటోండాసి మందనోండు గాబట్టి ఓండు నాక్కన్న

గొప్పవాండాసి మీనో ఇంజి నన్న కెత్తదు ఈండె ఇంజి కేయు కెత్తో. 16 ఓండు సంపుర్నంగ దయగలవాండాసి మినొ గాబట్టి ఓని దయతిని పెయుసి మనాని దనమంతుర్కిన తుంగోరె మీనొ. 17 బేలాయుతుకు థేమండు మోసె మూలంగ ఆగ్నియూకు ఇత్తొ. గోని థేమండు యేసిని మూలంగ ఓని దయతిని నిజతిని తోపిస్తో. 18 బేనోగూడ థేమటిని బెస్కె ఊడిల్లొడ్ గోని తప్పె బొక్కతె మంథాని ఒరోండె మర్రి థేమటిని తోపిస్తో. 19 యెరుసలేంతె మత్త యూదుర్కిని పెద్దాకు, పూజార్కిని పూజార్కింకి సాయమ్ తుంగాని లేవిర్కిని యోవాన్తగ్గ రోచి, నిమ్మ బేనోండు ఇంజోరె ఓనిని తలపనాంకి ఓనగ్గ రోత్తోరు. 20 థానికి యోవాను: నన్న కిరిస్తుని అయ్యోన్ ఇంజి ఒప్పుకునుంజి సేన తేటంగ గెట్టింగ సాచ్చెమ్ కెత్తో. <mark>21</mark> థానికి ఓరు: ఆలాయుతుకు నిమ్మ బేనొన్? నిమ్మ ఏలియతినె ఇంజి తలపకాడె, ఓండు: నన్న ఓనిని అయ్యోన్ ఇంజోరె కెత్తొ. థానికి ఓరు: ఇల్లుకు, కిరిస్తు వాదంథాని గురుంచి కెత్తనాంకి వత్తోండు నిమ్మేనా ఇంజోరె తలపకాడె, థానికి ఓండు: నన్న ఓనిని గూడ అయ్యోన్ ఇంజోరె కెత్తొ. 22 చివరత్కి, నీ గురుంచి నిమ్మ బాత కెయుతిని? మామిని రోత్తోరికి మమ్మ జవాబు కెత్తనాంకి నిమ్మ బేనోండు ఇంజి మాకు కెల్లా ఇంజోరె ఓనిని తలప్తోరు. 23 థానికి యోవాను: ""పూర్వాతె థేమండు-కెత్త-మాట కెత్త యేసాయూ ఈలా కెత్తో: పెబుని దగడ్కి తీస్కుంటత్కి మీ రుదయతె అర్రిథిని సథిరి మంథాటి ఇంజి ఎడారితె ఒరొ లేంగు కేయు కెత్తొ; ఆ లేంగు నన్నె" ఇంజోరె కెత్తొ. 24 అస్కె పరిసేయుర్కిని కయుథె రోత్తస్ట్రోరు ఓనిని ఊడి, 25 నిమ్మ కిరిస్తుని అయ్యోన్ ఇంజనీన్, ఏలియూన్ అయ్యోన్ ఇంజనీన్, థేమండు-కెత్త-మాట కెత్తనోండు గూడ అయ్యోన్ ఇంజనీన్. ఆలాయుతుకు నిమ్మ బారి బాప్తిసమ్ ఈసనీన్ ఇంజోరె ఓనిని తలప్తోరు. 26 థానికి ఓండు: నన్న యేతె బాప్తిసమ్ ఈసనాన్. గోని మీరు పున్నో వాండు మీ నడుమ మీనొ. 27 ఓండు నాకన్న పెరికె వత్కన్న నాకన్న గొప్పవాండుగ మినొ. ఓని యెరుపుకిన్ వారు లేత్తటాంకి గూడ

నన్స్టమేలోన్ ఇంజి ఓరితోటె కెత్తొ. 28 యోవాను బాప్తిసమ్ ఈనోరె మత్త యోర్దాను వాంగిని అబ్బెరి తూర్పు పక్కాతె మంథాని బెత్తానియ నాటె ఈ మాటాక్కంత జరగ్తా. 29 మర్పటి రోజు యేసు యోవానగ్గ వాదనస్కె యోవాను ఓనిని ఊడి: ఇద్దొ, లోక పాపొతిని తీసి వాటనాంకి థేమడు రోత్తకాడె వత్త గొర్రె పిల్ల ఈండే. 30 నా పెరికె ఒరొ మనుసుండు వాసనోండు. గోని ఓండు నాక్కన్న గొప్ప వాండాసి మినొ ఇంజి నన్న కెత్తదు ఈండే. 31 ఓండు బేలాంటోండొ ఇంజి నన్న గూడ పున్నకుంటె మత్తాన్. గోని థేమటె జనమత్త జ్రసయేలింకి ఓనిని తోపిసనాంకి నన్న వాసి యేత్తె బాప్తిసమ్ ఈసనాన్ ఇంజి కెత్తో. 32 అస్కె సుబ్బరంగ మంథాని ఆత్మా ఒరో పమరమ్ తిస్తె ఆకాసతెనుంచి డిగ్గి వాసి యేసినితోటెె మత్తథాని గురుంచి ఓండు సాచ్చెమ్ కెత్తొ. 33 ఓండు బేలాంటోండొ ఇంజి నన్న గూడ పున్నకుంట మత్తాన్. గోని యేతె బాప్తిసమ్ ఈదనాంకి నానిన్ రోత్త థేమండు ఈలా కెత్తో: బేనోని ఏొం్ౕరో సుబ్బరమ్ మంథాని ఆత్మా డిగ్గి వాసి ఓనితోటె మందనద్దు నిమ్మ ఊడితినొ ఓండే సుబ్బరమ్ మంథాని ఆత్మాతోటె బాప్తిసమ్ ఈత్తో. 34 థేమండు కెత్తదు ఈనమటె జరగ్తె ఇంజి నన్న ఊడి, ఈండే థేమటె మర్రి ఇంజి నన్న సాచ్చెమ్ కెచ్చనాన్. 35 ఆలాకె మలబలిగ యోవాను ఓని సిసూర్కు ఇరుమరిన్తోటెె నిచ్చి మత్తస్కె, <mark>36</mark> అ అరిథె థాయని యేసునాకె ఊడి: ఇద్దొ థేమటె గొర్రె పిల్ల ఈండే ఇంజోరె కెత్తొ. 37 ఓండు కెత్త మాటకిని ఆ ఇరుమరు సిసూర్కు కేంజి యేసిని పెరికె అత్తోరు. 38 ఓరు ఓని పెరికె వాదనద్దు యేసు గిరుడ్డి ఊడి: మీరు బాల్దాని మెక్కనీరి ఇంజోరె ఓరిని తలప్తో. థానికి ఓరు: రబి నిమ్మ బెగ్గ తావరమ్ మినీన్ ఇంజి ఓనిని తలప్తోరు. (రబి ఇంథాని మాటత్కి బోథిసనోండు ఇంథాని అర్దమ్). 39 అస్కె ఓండు: వాసి ఊడాటి ఇంజోరె కెత్తొ. ఓరు అంజి ఓండు తావరమ్ మంథాని నొటిని ఊడి అ రోజంత ఓనగ్గ మత్తోరు. బారిత్కు అస్కెటికె ములుపె నాలుగు గంట ఆసి మత్తె. 40 యోవానిన్ మాట కేంజి యేసుని పెరికె అత్త అ ఇరుమరమటె ఒరోని పెథేరు అంథ్రేయ. ఈండు సిమోను

పెతురుంకి తమ్మాల్ అయుతొ. 41 అంథ్రేయ మొథోటి ఓని సొంత అన్సాల్ అత్త సీమోనిన్ కలియు మమ్మ మేసియూని (కిరిస్తు) ఊడ్తామ్ 42 ఇంజోరె కెచ్చి, ఓనిని యేసునగ్గ తీసి తత్తో. యేసు ఓనాకె గిరుడ్డి ఊడి: నిమ్మ యోనానిన్ మర్రి అత్త సీమోను గథా? ఇంక నీనిని కేప ఇంజి కరింగిత్తోరు. (కేప ఇంథాని మాటత్కి బండా ఇంథాని అర్దమ్). 43 మలబలిగ యేసు గలిలేయ థాయవాలింజి అనుకునుంజి పిలిపుని ఊడి: నా పెరికె వర్ర ఇంజి ఓనికి కెత్తొ. 44 ఈ పిలిపు, ఆంథ్రేయ పేతురు కాపరమ్ తుంగాని బెత్సాయుథా నాటిన్ చెంతోండు. <mark>45</mark> ఆపాయ పిలిపు నతనియెలిని ఊడి: మోసె మల్ల థేమండు-కెత్త-మాట-కెత్తోరు బేనోని గురుంచి థేమటె పుస్తకాతె రాసి మత్తోరొ ఓనిని మమ్మ ఊడ్తామ్. ఓండే యేసేపుని మర్రి అత్త నజరేయుండు అత్త యేసు ఇంజోరె ఓనితోటె కెత్తోరు. <mark>46</mark> థానికి నతనియెలు: నజరేతెనుంచి బాతన్న మంచిథి వాదగలిగిత్తె ఇంజి ఓరిని ఆచ్చరింగ తలప్తో. థానికి పిలిపు: వాసి ఊడా ఇంజి ఓనితోటె కెత్తొ. <mark>47</mark> నతనియెలు యేసుని దగ్గడికి వత్తస్కె, యేసు ఓనిని ఊడి: ఇద్దొ, ఈండు నిజంగ ఇ్రసయేల్కినోండు. ఈనమటె బాత కుల్లు ఇల్లె ఇంజి కెత్తొ. 48 థానికి నతనియెలు: నిమ్మ నానిన్ బేల పున్ని మినీన్ ఇంజోరె తలపకాడే. థానికి యేసు: నీనిన్ పిలిపు కరెంగోక మున్నె నిమ్మ అంజురపు మారాతె ఇడుఏొ మత్తస్కె నన్న నీనిన్ ఊడ్తాన్ ఇంజోరె ఓనితోటె కెత్తొ. 49 థానికి నతనియెలు: బోదకుండ నిమ్మ థేమటె మర్రిని. జ్రసయెలు జనాకిని పాఠిసాని గొప్ప రాజు ఇంజోరె కెత్తొ. 50 థానికి యేసు: నన్న నీనిన్ అంజురపు మారాతె ఇడుఏొ ఊడ్తాన్ ఇంజి కెత్తంథాని పెయుసి నిమ్మ నమ్మనీసె? ఇంకా వీటికన్న గొప్ప పనుంగిని ఇమ్మ ఊడితిని ఇంజి ఓనితోటె కెత్తో. 51 మల్ల ఓండు ఈలా కెత్తో: ఆకాసమ్ వీడి మందనద్దు మీరు ఊడితీరి. మనుసుని మ్రరితగ్గనుంచి థేమటె దూతాకు తర్రి మల్ల ఓనగ్గ డిగ్గి వీదనద్దు మీరు ఊడితీరి ఇంజి మీతోటె నిజంగ కెచ్చనాన్.

1 రొండు రోజ్కు అత్తపాయ గలిలేయతె మంథాని కానా ఇంథాని నాటె ఒరొ పెల్లి జరగ్తె. అగ్గ యేసుని యవ్వగూడ మత్తె. 2 యేసు నిసె ఓని సిసూర్కిని గూడ అ పెల్దికి కరెంగి మత్తోరు గాబట్టి ఓరు గూడ అగ్గ మత్తోరు. 3 థాచ్చ రసమ్ ఆసి థాయనస్కె యేసుని యవ్వ ఓనిని ఊడి: ఓరికి థాచ్చ రసమ్ ఇల్లె. అంత ఆసి అత్తె ఇంజోరె కెత్తె. 4 థానికి యేసు: యవ్వ, నన్న బాత తుంగవాలొ నిమ్మ నాకు కెత్తాని అక్కరిల్లె. నా గొప్పతనతిని తోపిసాని సమయమ్ నాకు ఇంక వాథిల్లె ఇంజోరె కెత్తొ. 5 అస్కె ఓని యవ్వ పని మనుసుర్కిని ఊడి: ఓండు మీకు కెత్తనవంత మీరు తుంగాటి ఇంజోరె కెత్తె. 6 యూదుర్కిని మత అలవాటిన్ పెయుసి కయుకు కాల్కు నొరదనాంకి ఆరు రాయుకిన్ బానా అగ్గ వాటి మత్తోరు. ఒరోరొ బానాతె థాథాపు మూడు కుండ ఏరు తొనొచ్చు. 7 యేసు పని మనుసుర్కిని ఊడి: బానాకినె నిండ ఏరు తొస్సాటి ఇంజోరె కెత్తొ. ఓరు వాటి నిండ ఏరు తొన్తోరు. <mark>8</mark> అస్కె ఓండు ఓరిని ఊడి: ఇంజె మీరు ఏరు తోరి బంతి ఊడాని పెద్దాతగ్గ తీసి అన్నుటు ఇంజోరె కెత్తొ. ఓరు ఆలాకె తీసి ఒత్తోరు. 9 బంతి ఊడాని పెద్దా, థాచ్చ రసంగ మార్త అ ఏత్తిని నంజి ఊడ్తో. అ రసమ్ బెగ్గనుంచి వత్తె ఇంజి ఓనికి తెలియొ. (గోని అ రసమ్ బెగ్గనుంచి వత్తె ఇంజి ఏతిని తత్త పని మనుసుర్కింకె తెలుసు). గాబట్టి ఓండు పెల్లి కోకుండిని కరెంగి, 10 ఓనితోటెె ఈలా కెత్తొ: జనాకు అంథోరు మంచిగ ఉండవాలింజి అంథోరు మొథోటి మంచి థాచ్చ రసతిని బంతి వాటితోరు. ఆలా ఓరు మంచిగ ఉట్లపాయ మాముల్ రసతిని పెరికె సీరు తొస్సిత్తోరు. గోని నిమ్మబోనొ మంచి రసతిని ఇచ్చొ జేలు తాసి మత్తీన్. 11 ఈలా యేసు గలిలేయతె మంథాని కానా ఇంథాని నాటె ఈ మొథోటి గొప్ప పనుంగు తుంగి ఓని గొప్పతనతిని తోపిస్తో. ఓని సిసూర్కు ఓని హిం్రో నమ్మకమ్ తాస్తోరు. 12 ఆపాయ యేసు, ఓని యవ్వ, ఓని తమ్ముస్కు,

ఓని సిసూర్కు అంథోరు కపెర్నమమ్ ఇంథాని నాటెంకి అంజి అగ్గ కొథ్ది రోజుకు మత్తోరు. 13 ఆపాయ పస్కా ఇంథాని యూదుర్కిన్ పండుమ్ దగ్గర వత్తె. అస్కె యేసు యెరుసలేమ్ పటనతికి అత్తొ. 14 అగ్గ థేమటె గుడిథె బయుథె కోనా, గొర్రె, పమరమ్ అమ్మనోరు, అగ్గ డబ్బు మార్సనోరు కుథి మందనద్దు ఊడి, 15 తాడుతె ఒరొ సెర్స్ కోల తుంగి అగ్గ మత్త గొర్రె, కోనా అన్నిటిని గుడిథె బయుథ్కి తోల్త్తో. డబ్బు మార్సనోరి బల్లాకిని ఇడుపొ అచ్చిసి, ఓరి డబ్బుకంత సిల్లగోలరమ్ తుంగ్తో. 16 పమరమ్ అమ్మనోరిని ఊడి: వీటిని మీరు ఇగ్గనుంచి తీసి అన్నుటు. నా తప్పెని లోతిని ఏపారమ్ తుంగాని సంతబజారు తిస్తు తుంగ్కీరి ఇంజోరె కెత్తొ. 17 అస్కె, నీ లోతె గురుంస్త పట్టుదల కిస్గె తిసె నానిన్ ఏొత్తోరె మత్తె ఇంజి రాసి మత్తె ఇందంథాని ఓని సిసూర్కు గురుతు తుంగ్తోరు. 18 అస్కె యూదుర్కిని పెద్దాకు ఓనిని ఊడి: నిమ్మ బేని అథికారతిన్ పెయుసి వీటిని తుంగనీన్ ఇందంథాని ఒరొ గురుతు పెయుసి మాకు తోపిసా ఇంజోరె తలప్తోరు. 19 థానికి యేసు: ఈ గుడిథిని మీరు పగల్దెంకు, నన్న థానిని మూడు రోజ్కిసె మల్ల తొత్తితాన్ ఇంజోరె కెత్తొ. 20 అస్కె యూదుర్కిని పెద్దాకు: ఈ గుడిథిని తొత్తనాంకి నలపయు ఆరు ఏండుకు అత్తె గథా. ఆలా అతుకు నిమ్మబోనొ థీనిని మూడు రోజ్కిసె తెయుథిస్తాన్ ఇంజోరె కెచ్చనీన్ ఇంజోరె కెత్తోరు. 21 గోని ఓండుబోనొ ఓని ఒల్లు ఇంథాని గుడిథిని గురుంచి కెత్తొ. 22 ఓండు సామతెనుంచి గిరుడ్డి త్యాతపాయ ఓండు ఈలా కెత్తవాంటిని ఓని సిసూర్కు గురుతు పెయుస్తి, థేమటె పుస్తకతిని, యేసు కెత్త మాటకిని నమ్తోరు. 23 పస్కా ఇంథాని పండుంతె యేసు యెరుసలేంతె మత్తస్కె ఓండు తుంగ్త గొప్ప పనుంగిని థీబెమంథి ఊడి ఓని పొం్ౕరొ నమ్మకమ్ తాస్తోరు. 24 గోని యేసు ఓరిని నమ్మనాంకి ఒప్పుకుండిల్లొ బారితుకు మనుసుర్కు అంథోరు బేలాంటోరొ యేసు పున్ని మత్తో. 25 బేనో గూడ మనుసుర్కిని గురుంచి ఓనికి కెత్తాని అక్కరిల్లె బారితుకు మనుసుర్కు ఓరి రుదయతె బాత అనుకునుంజనోరొ యేసు పున్ని

3

1 యూదుర్కింకి పెద్దవాండు అత్త నికొథేము ఇంథాని ఒరోండు మత్తో. ఓండు పరిసేయుర్కిని గుంపింకి చెంత్తోండుగ మత్తొ. 2 ఓండు ఒరొ రోజు నరక యేసుని దగ్గడికి వాస్తి, రబ్లి, నిమ్మ థేమటగ్గనుంచి వత్త బోదకుండు ఇంజోరె మాకు తెలుసు. థేమండు తోడాసి మత్కె గోని బేనోగూడ నిమ్మ తుంగాని గొప్ప పనుంగిని తుంగాలొ. 3 థానికి యేసు ఓనితోటె: ఒరోండు కొత్తగ పుడ్తుకె గోని థేమండు పాలిసాని థేసాతికి థాయూలో ఇంజి నిజంగ నీకు కెచ్చనాన్ ఇంజోరె కెత్తో. 4 థానికి నికొథేము: ముక్కాలు అత్త ఒరోండు బేలా పుట్టితొ? ఓండు ఓని యవ్వాని డొక్కాత్కి అంజి రొండొవ సారి పుట్టాలితోండా ఇంజోరె తలప్తో. 5 థానికి యేసు: ఒరోండు ఏత్తె థోరింపినె నినె ఆత్మా థోరింపినె పుడ్తుకె గోని థేమండు పాలిసాని థేసాతికి థాయూలో ఇంజోరె నీతోటె నిజంగ కెచ్చనాన్. 6 మనుసుని డొక్కాతె మనుసుండె పుట్టితొ గోని సుబ్బరంగ మంథాని ఆత్మా థోరింపినె పుట్తోనితోటె సుబ్బరంగ మంథాని ఆత్మా మంతె. 7 మీరు కొత్తంగ పుట్టవాలె ఇంజి నన్న నీకు కెత్తంథాని పెయుసి ఆచర్యపర్తకిన్. 8 గాలి అన్ని సోట తోలోంథె; నిమ్మ థాని రవి కేంజనీన్. అత్కన్న అద్దు బెగ్గనుంచి వాస్తోంథె బెగ్గ అంజోంథె ఇంజి నీకు తెలియొ. ఆలాకె సుబ్బరమ్ మంథాని ఆత్మా గూడ తుంగనొ. 9 థానికి నికొథేము: ఇవ్వంత బేల జరిగితె ఇంజోరె ఓనిని తలప్తో. 10 యేసు ఓనిని ఊడి: నిమ్మ ఇ్రసయేలు జనాకింకి పెథ్దె బోదకుండాసి మినిన్; అత్కన్న ఇద్దు నీకు తెలియొ? 11 మాకు తెలియుతథ్దె మమ్మ కెచ్చనామ్; మమ్మ ఊడ్తథె మీకు సాచ్చెమ్ కెచ్చనామ్. అత్కన్న మమ్మ కెత్తంథాని మీరు నమ్మటమ్ ఇల్లీర్ ఇంజోరె నీతోటె నిజంగ కెచ్చనాన్. 12 ఈ లోకాతె జరగాని కబుర్కిని గురించి నన్న మీతోటె కెత్తస్కె మీరు వాంటిని నమ్మిల్లీరి.

ఆలాయుతుకు పరలోకతికి చెంత కబుర్కిని నన్న కెత్కు బేలా నమ్మితీరి? 13 బేనొగూడ థేమండు మంథాని జేగతికి తేథి థాయుల్లొ. గోని పరలోకాతె మత్త మనుసుని మర్రి అత్త నన్నై ఇడుఏొ డిగ్గి వత్తాన్. 14 పూర్వతె ఎడారితె మోసె ఇత్తడితోటె పామ్తిని తుంగి గుంజతె పొం్ౕరొ బేలా తర్పిస్తోండొ ఆలె మనుసుని మర్రి అత్త నానిని గూడ గుంజతె పొం్ౕరొ తర్పిసిత్తోరు. <mark>15</mark> బారిత్కు బేనోండతుకు నానిన్ నమ్కుంటోండొ ఓండు డొల్లకుండ బెస్కెటికి బతికి మంథాని జీవిని ఏంథితో. 16 థేమండు ఈ లోకాతె మంథాని మనుసుర్కిని బెచ్చొ పేమిసనొ. అంత్కాటె ఓని ఒరోండే మర్రిని మనాంకి ఇత్తొ. బేనొ అతుకు ఓని ఏొం్ౕరొ నమ్మకమ్ తాసిత్తోండొ, ఓండు పాడాసి థాయకుంట బెస్కెటికి బతికి మంత్తో. 17 మనుసుర్కిని తీర్పు తుంగనాంకి థేమండు ఓని మర్రిని ఈ లోకతికి రోతిల్లో. గోని ఓని థోరింపిసె ఈ లోకతె మంథాని మనుసుర్కిని కాపాడనాంకి ఓనిని రోత్తొ. 18 బేనొ అతుకు ఓనిని నమ్మితోండొ ఓనికి థేమటె తీర్పు మన్నొ. గోని బేనొ అతుకు ఓనిని నమ్మిల్లోండొ ఓండు థేమటె ఒరోండే మర్రిని నమ్మిల్లొ గాబట్టి ఓని ఏొం్ౕరో థేమటె తీర్పు ఇంతక మున్స్ వాటి మత్తె. 19 థేమటగ్గనుంచి ఈ లోకతికి పెన్నిల వత్తె. గోని మనుసుర్కు సెడ్డ పనుంగు తుంగనోరాసి పెన్నిలత్కన్న ఈకటిని యెక్కువ పేమిసనోరు గాబట్టి థీని పెయుసి థేమండు ఈ లోకతిని తీర్పు తుంగితొ. 20 పాపమ్ తుంగనోండు పెన్నిలతిని ఎడంగ తురసనొ. ఓండు పెన్నిలాతగ్గ వం్ౕరో బారిత్కు ఓని సెడ్డ పనుంగు బయుథె అర్ధకుండ మందవాలె ఇంజోరె ఓండు ఇస్టపర్సనొ 21 గోని నిజాయుతితె నడదనోండు థేమటె పెన్నిలతగ్గ వాసనొ. బారిత్కు ఓండు తుంగాని పనుంగు అంథోరికి తెలియుతాటు థేమండు కోర్తథె తుంగనొ ఇంజి కెత్తొ. 22 ఆపాయ యేసు ఓని సిసూర్కినితోటె యెరుసలేమ్ విడిసి యూథేయూ పరాంతతికి అంజి అగ్గ కొథ్ది రోజుకు మంజి బాప్తీసమ్ ఇత్తొ. 23 అస్కె యోవాను గూడ సాలిమ్ ఇంథాని నాటెంకి దగ్గర మత్త అయునోన్ ఇంథాని జేగతె థీబె ఏరు మత్తె గాబట్టి అగ్గ బాప్తీసమ్

ఈనోరె మత్తో. జనాకు ఓనగ్గ వాసి బాప్తీసమ్ ఏంతోరు. 24 అస్కెటిథాకా యోవానిన్ జెయుంథె వాటిల్లోరు. <mark>25</mark> అస్కె యోవాని సిసూర్కు, ఒరొ యూదుడినగ్గ ఏత్తె సుబ్బరొమ్ తుంగాని ఓని మత అలవాటిని గురుంచి వాథి వాట్తోరు. 26 ఓరు యోవానగ్గ వాసి: బోదకుండ, యోర్గాను వాంగిన్ అబ్బెటె నిమ్మ కలియుత కిరిస్తు, ఓనిని గురుంచి నిమ్మ గూడ సాచ్చెమ్ కెత్తిన్ గథా, ఓండు బాప్తీసమ్ ఈసనొ. సేన మంథి ఓనగ్గ అంజనోరు ఇంజోరె కెత్తోరు. <mark>27</mark> థానికి యోవాను: థేమండు ఇత్తుకె గోని బేనొ గూడ బేదు గూడ ఏంథాల్లోరు. 28 నన్న కిరిస్తు అయ్యోన్. గోని ఓనిసెంకా జనుర్కిని తయూర్ తుంగనాంకి ఓనికన్న ముస్సె థేమండు నానిన్ రోత్తో ఇంజి మీతోటె నన్న కెత్తన్ గథా; థానికి మీరె సాచ్చిగ మినీరి. 29 కోకాటిని పెల్లి ఆడనోండు కోకుండు. పెల్లి కోకిని జతగాండు పెల్దే ఓనికి సాయమ్ తుంగనోండయుతో. ఓండు కోకుండిన్ మాట కేంజి కుసేల్ఫరిత్తొ. ఆలాకె నన్న గూడ ఇంజె పూర్తిగ కుసేల్దె మినాన్. 30 ఓండు పతి థాంటె గొప్ప ఆదవాలె నన్న తగ్గి థాయవాలె. 31పరలోకతెనుంచి వత్త ఓండు అంథోరికన్న గొప్పవాండుగ మినో. ఈ లోకాతెనుంచి వత్తోండు ఈ లోకతికి చెంత్తోండు గాబట్టి ఈ లోకతికి చెంతథాని గురుంచే తిరియనొ. పరలోకతెనుంచి వత్తోండే అన్నిటికన్న గొప్పవాండుగ మినో. 32 ఓండు పరలోకతె ఊడ్తథాని గురించి కేంజ్తథాని గురించె కెచ్చనొ. అత్కన్న థీబెమంథి ఓండు కెత్త మాట ఒప్పుకుండిల్లోరు. 33 బేనోండత్కు ఓండు కెత్తాని మాటని నమ్ముకుంటోండొ ఓండు, థేమండు నిజాయుతి మందనోండు ఇంజోరె గెట్టింగ సాచ్చెమ్ కెచ్చనొ. 34 థేమండు రోత్కాడె వత్త ఒరొండు థేమటె మాటకె కెచ్చనొ బారితుకు థేమండు ఓని ఆత్మతిని నిండుగ ఓనికి ఈసనొ. 35 మన తప్పె అత్త థేమండు ఓని మర్రిని పేమిసనొ గాబట్టి ఓని కయుథె అథికారమ్ అంత ఒపగిస్తో. 36 బేనొ అతుకు మర్రిని పొం్ౕరొ నమ్మకమ్ తాసనోండొ ఓనికి బెస్కెటికి మంథాని బతుకు మంత్తె. గోని బేనొ అతుకు మర్రిని పొం్ౕరొ నమ్మకమ్ తాసకుండ మంతోండొ ఓనికి బెస్కెటికి మంథాని బతుకు

4

1 యోవానుకన్న యేసు ఎకువమంథితిని సిసూర్కిన తుంగి ఓరికి బాప్తీసమ్ ఈసనొ ఇంజి పరిసేయుర్కు కేంజ్తోరు ఇంజి ఓండు తెలుస్కునుంజి, 2 ఓండు యూథేయూతిని విడిసి మల్ల గిరుడ్డి గలిలేయతికి అత్తో. 3 (అత్కన్న, యేసు బాప్తీసమ్ ఈథిల్లొ గోని ఓని సిసూర్కే ఇత్తోరు). 4 ఓండు గలిలేయ థాయనాంకి సమరియ నాటిని అర్రి పెయుసి థాయవలసి వత్తె. 5 సమరియతె సుకార్ ఇంథాని నాటింకి వత్తొ. అగ్గ యూదుర్కింకి ముత్త తాతాలు అత యూకోబు ఓని మర్రి అత్త యోసెపింకి ఇత్త బూమి మత్తె. 6 అగ్గ యూకోబిని నుయు మత్తె. యేసు నడిసి నడిసి అలిసి అత్తో గాబట్టి అ నుయుతగ్గ కుథి మత్తో. అస్కె పొడుదు సెత్తితికి వాసి మత్తె. 7 అస్కె ఒరొ సమరియ నాటోడి ఏరు తోరి ఓదనాంకి ఆ నుయుతగ్గ వత్తె. అస్కె యేసు థానిని ఊడి: నాకు డొప్పెనోంథె, ఏరు ఇమ్ ఇంజోరె థానిని తలప్తో.  $oldsymbol{8}$ అస్కె ఓని సిసూర్కు థోడ అస్సటాంకి నాటెంకి అంజి మత్తోరు. 9 థానికి అ నాటోడి: సమరియ నాటోటె అత్త నాయగ్గ యూదుండు అత్త నిమ్మ ఉండనాంకి ఏరు కావాలింజి బేల తలపనీన్ ఇంజోరె కెత్తె. బారిత్కు యూదుర్కు సమారియుర్కినితోటె బేంథాంటెగూడ పొత్తు వాట్టోరు. 10 థానికి యేసు: థేమండు ఈథాని బమమానతిని నిమ్మ తెలుస్కునుంజి మతుకు, నాకు ఉండనాంకి ఏరు ఇయుమ్ ఇంజి నీనిన్ తలపనోండు బేనోడింజి నిమ్మ తెలుసుకునుంజి మతుకు, నిమ్మె ఓనిని తలిపి మత్తిన్. అస్కె ఓండు బెస్కెటికి మంథాని బతుకు ఈథాని ఏత్తిని నీకు ఈసి మంత్తో ఇంజి కెత్తో. 11 థానికి ఆ నాటోడి: అయ్య తోరనాంకి నీయగ్గ సేంద ఇల్లె. నుయు గూడ లోతుగ మింథె. ఆలా మతుకు బెస్కెటికి బతుకు ఈథాని ఏరు నీకు బేలా థొర్కితె. 12 మన ముత్త తాతలు అత్త యూకోబు ఈ నుయుథిని మాకు

ఇత్తొ. ఓండు, ఓని మర్కు ఓని మంద అంతా ఈ నుయుథె ఏరు ఉట్లోరు. ఆలా మన్సంగ నిమ్మ యూకోబింకన్న గొప్పవానిసె ఇంజోరె తలప్తె. 13 థానికి యేసు: బేనొ అతుకు ఈ ఏరు ఉంటోండొ, ఓనికి మల్ల డొప్పెసితె. 14 గోని బేనోండతుకు నన్న ఈథాని ఏరు ఉంటోండొ ఓనికి బెస్కె డొప్పెనొ. నన్న ఈథాని ఏరు ఓనమటె ఊర్త జల తిస్తె మంజి బెస్కెటికి బతుకు ఈథాని ఏరునిన ఓనికి పానతిని ఈతె ఇంజోరె థానితోటెె కెత్తొ. 15 థానికి అ నాటోడి ఓనిని ఊడి: అయ్య నాకు డొప్పెసకుంటా నన్న ఏరు తోరనాంకి ఇగ్గ వర్రకుంటా అ ఏరు నాకు ఇము ఇంజోరె తలప్తె. 16 యేసు థానిని ఊడి: నిమ్మ అంజి నీ ముత్పాని ఇగ్గ తీసి తర్ర ఇంజోరె కెత్తొ. <mark>17</mark> థానికి అ నాటోడి: నాకు ముత్పాలు ఇల్లె ఇంజోరె కెత్తె. అస్కె యేసు థానిని ఊడి: నాకు ముత్తపాలు ఇల్లె ఇంజి నిమ్మ కెత్త మాట సరె. 18 బేలాయుతుకు, నీకు అయువిరు ముత్పలోరు మత్తోరు. ఇంజె మందనోండు నీ ముత్పాలు అయ్యో. నిమ్మ నిజంగ కెత్తిన్ ఇంజోరె కెత్తొ. 19 అస్కె ఆ నాటోడి ఓనిని ఊడి: అయ్య నిమ్మ థేమండు-కెత్త-మాట కెత్తనోండు ఇంజోరె అనుకునుంజనాన్. 20 మా ముత్త తాతాలోరు ఈ మెట్టాతె మొడక్తోరు. గోని యూదుర్కు అత్త మీరు యెరుసలేంతె మొడకవాలె ఇంజోరె కెచ్చనీర్ గథా ఇంజోరె కెత్తె. 21 థానికి యేసు: యవ్వ, నన్న కెత్తాని నా మాటాని నమ్ముకున్. ఒరొ సమయమ్ పెయుతె. అస్కె జనాకు ఈ మెట్లతె పొం్ౕరొ గోని యెరుసలేంతె గోని అయ్యోక అన్ని సోటి తప్పెని మొడికితోరు. 22 సమారియుర్కత్త మీరు బేనోని మొడకనీరొ మీకు తెలియొ. గోని యూదుర్కు అత్త మమ్మ తెలియుతథానిసె మొడకనామ్. బారిత్కు జనాతిని రచ్చిసనోండు యూదుర్కినమటెనుంచి పెయుతో. 23 తప్పెని నిజంగ మొడకనోరు, ఆత్మాతోటె నిజాయుతితోటె మొడకాని సమయమ్ పెయుతె. అ సమయమ్ ఇంజె వాసి మింథె. ఓనిని మొడకనోరు ఆలాంటోరాసి మందవాలింజి తప్పె కోరనొ. 24 థేమండు ఆత్మ ఆసి మినొ. ఓనిని మొడకనోరు ఆత్మాతోటె నిసె నిజాయుతితోటె ఓనిని

మొడకవాలె ఇంజోరె కెత్తొ. 25 థానికి ఆ నాటోడి: మెసియ ఇంథాని కిరిస్తు పెయుతొ. ఓండు వత్తస్కె మాకు అన్ని తెలియ కెయుతో ఇంజోరె మాకు తెలుసు ఇంజోరె ఓనితోటె కెత్తె. 26 థానికి యేసు: నీతోటె తిరియూని నన్స్టె ఓండు ఇంజోరె కెత్తొ. 27 అ సమయతె ఓని సిసూర్కు నాటెనుంచి వాసి ఓండు ఒరొ నాటోడితోటె తిరియంథాన్ని ఊడి ఆచర్యపర్తోరు. గోని బాత కావాలె ఇంజి, బారి థానితోటె తిరియనీన్ ఇంజి బేనొ గూడ ఓనిని తలిపిల్లోరు. 28 అస్కె ఆ నాటోడి థాని కుండతిని విడిసి వాటి నాటింకి అంజి జనాకిని ఊడి: 29 నన్స్త్ర తుంగ్తవంత ఒరొ మనుసుండు నాకు తెలియ కెత్తొ. వాసి ఓనిని ఊడాటి. ఓండు ఒక వేల కిరిస్తాసి మంథొచ్చు ఇంజోరె కెత్తె. 30 అస్కె ఓరు నాటెనుంచి థెమ్మిరి ఓనగ్గ వత్తోరు. 31 ఈలా మన్నంగ ఓని సిసూర్కు ఓనిని ఊడి: బోదకుండా, థోడా తిన్ను ఇంజోరె బతిమలాడోరె మత్తోరు. 32 థానికి ఓండు: నన్న తిందనాంకి మీకు తెలియొ థోడా ఒరోటి నాకు మింథె ఇంజోరె ఓరికి కెత్తొ. 33 అస్కె ఓని సిసూర్కు: బేనోండన్న ఓనికి థోడా తీసి తత్తోండొబోనొ ఇంజోరె ఒరోంకొరొ తిరియుకుట్టోరు. 34 అస్కె యేసు ఓరిని ఊడి: నానిన్ రోత్తోనిన్ ఇస్టతిని తుంగి ఓండు నాకిత్త పనిథిని పూర్తిగ సెరవేర్సటమె నా థోడ ఆసి మింథె. 35 విత్తన వీచి నాలు సెల్కు అత్తపాయ కోత కొయుతాడ్ ఇంజి మీరు కెచ్చనీర్ గథా. ఇద్దొ, నన్న మీకు కెచ్చనాన్. కొయుదనాంకి ఇంజె పొలాతె పంట పండి మింథె ఇంజి పార్గతమ్ ఊడాటి. 36 పంటతిని కొయుదనోండు ఓని కూర్దిని ఏంచి పంటతిని బెస్కెటికి మంథాని బతుకినిసెంక తాసితొ. ఈలా విత్తన వీతనోండు పంట కొయుదనోండు ఇరుమరు కలియు కుసేల్గె మంత్తోరు. 37 ఈలా ఒరొ విత్తంథాని ఇంకొరొండు కొయుతొ ఇంథాని మాట నిజమ్ ఇంజి తెలియుతె. 38 మీరు వీతిల్లొథాన్ని కొయుదనాంకి నన్న మీమిని రోచ్చనాన్. పేరెవారు కస్టబరిసి పని తుంగ్తోరు గోని మీరుబోనొ ఓరి కస్టాకిన్ పలిత్తమ్ అనుబగిసనీర్ ఇంజోరె కెత్తొ. 39 నన్న ఇంజెడ్దాకా తుంగ్తవంత నాకు తెలియ కెత్తొ ఇంజి ఆ నాటోడి కెత్త మాట

పెయుసి సేనమంథి సమారిర్కు ఓని ఏొం్ౕరొ నమ్మకమ్ తాస్తోరు. 40 గాబట్టి ఓరు ఓనగ్గ వాసి ఓరి నాటె మందవాలె ఇంజోరె కోరుకుట్టోరు. అస్కె ఓండు రొండు రోజ్కు అగ్గ ఆంగ్తో. 41 అగ్గ ఓని బోద కేంజ్త థీబెమంథి ఓనిని నమ్ముకుట్టోరు. 42 అస్కె ఓరు ఆ నాటోటిని ఊడి: నిమ్మ కెత్త మాటాని పెయుసి అయ్యో గోని మమ్మ ఓని మాటా కేంజి నిజంగ ఓండు లోకతిని కాపాడనోండు ఇంజి నమ్మనామ్ ఇంజోరె కెత్తోరు. <mark>43</mark> రొండు రోజుకు అత్తపాయ ఓండు అగ్గటనుంచి మల్ల గిరుడ్డి గలిలేయతికి థెమ్మిరి అత్తో. 44 థేమండు-కెత్త-మాట కెత్తాని ఒరో పనివానికి, ఓని సొంత నాటె మరియూద మన్స్తో ఇంజి యేసు కెచ్చి మత్తో. 45 గలిలేయుర్కు గూడ యెరుసలేంతె జరగాని పండుంతికి అత్తోరు. అగ్గ యేసు తుంగ్త పనుంగంత ఓరు ఊడ్తోరు గాబట్టి యేసు గలిలేయ వత్తెస్కె ఓనిని దగ్గర తీస్కుట్టోరు. 46 ఏతిని థాచ్చ రసంగ తుంగ్త గలిలేయతె మత్త కానా నాటెంకి యేసు మల్ల గిరుడ్డి వత్తొ. అగ్గ ఒరొ అథికారి మత్తో. ఓని మర్రి కపెర్నమంతె జబ్బుసె అరిసి మత్తో. 47 యేసు యూథేయూతెనుంచి గలిలేయతికి వత్తో ఇంజి ఈ మనుసుండు తెలుస్కునుంజి, యేసునగ్గ అంజి, డొల్లాని పరిస్తితితె మంథాని ఓని మర్రిని బాగు తుంగనాంకి వాదవాలె ఇంజి ఓనిని బతిమిలాడ్తో. 48 అస్కె యేసు ఓనిని ఊడి: మీరు ఆచర్యపర్ధాని గొప్ప పనుంగు ఊడకుంట మతుకు నమ్మీరి ఇంజోరె కెత్తొ. 49 థానికి ఆ అథికారి: అయ్య నా మర్రి డొల్లొక మున్నై వర్ర ఇంజోరె బతిమిలాడ్తో. 50 యేసు ఓనిని ఊడి: నిమ్మ అన్ను, నీ మర్రి బతికితొ ఇంజోరె కెత్తొ. అస్కె ఆ మనుసుండు యేసు కెత్త మాటా నమ్మి థెమ్మిరి అత్తొ. 51 ఓండు అంజోరె మన్నంగ ఓని జీతగాకు ఓనికి యెదురుంగ వాసి, నీ మర్రి బతక్తో ఇంజోరె కెత్తొరు. 52 అస్కె ఓండు బేని గంటతె ఓండు బాగు పర్తో ఇంజి ఓరిని తలప్తో. అస్కె ఓరు: నిస్నె పయూల ఒంటి గంటాతికి ఓని యెడికి విడిసి అత్తె ఇంజోరె కెత్తోరు. 53 నీ మర్రి బతికితొ ఇంజి యేసు ఓనితోటె కెత్త గంటగూడ అద్దె ఇంజి తెలుస్కునుంజి అస్కెటినుంచి ఓండు ఓని లోత్తోరు యేసుని నమ్తోరు. 54

యూథేయూతెనుంచి గలిలేయతికి గిరుడ్డి వత్తపాయ యేసు ఈ రొండోవ ఆచర్యపర్ధాని పనుంగు తుంగ్తో.

5

1 ఆపాయ యూదుర్కిన్ పండుమ్ ఒరోటి వత్తె. అస్కె యేసు యెరుసలేమ్ థెమ్మిరి అత్తో. 2 యెరుసలేంతె గొర్రెకు థాయూని డొంక దగ్గర ఎ్రబి బాసాతె బెదస్తా ఇంథాని ఒరొ ఎరుమ మత్తె. అగ్గ అయుదు మండఏొమ్ మత్తా. 3 వాంటె గుడ్డివారు, కుంటివారు, ఊస కాల్కు కయుకినోరు, రక రక జబ్బు మంథాని థీబెమంథి జనాకు బెస్కె ఏరు కథిలితె ఇంజి యెదురూడోరె గుంపుగ అరిసి మత్తోరు 4 బారిత్కు అస్కె అస్కె థేమటె దూతా ఒరోండు ఎరువిన్ డిగ్గి ఏతిని కదలిసితొ. ఏతిని కదలిస్తస్కె బేనోండతుకు థాంటె మొథోటి డిగ్గితోండొ ఓండు బేలాంటి జబ్బు మందనోండత్కన్న ఓనికి బాగయుతె. 5 ముప్పయు ఎనిమిథి ఏండుకు జబ్బినితోటె మత్త ఒరొ మనుసుండు అగ్గ మత్తో. 6 అరిసి మత్త ఓనిని యేసు ఊడి, ఓండు సేన ఏండ్కు జబ్బిని మినొ ఇంజి తెలుసుకునుంజి ఓనిని ఊడి: నిమ్మ బాగు పరదవాలె ఇంజి నీకు ఇస్టమ్ మింథె ఇంజోరె తలప్తో. <mark>7</mark> థానికి అ జబ్బిని మందనోండు: అయ్యూ, ఏరు కదలిస్తస్కె నానిస్ ఎరువిసె డిప్పనాంకి నాకు బేనొగూడ ఇల్లొ. నన్న థాయని సమయతె ఇంకొరోండు నాకన్న ముస్సె డిగ్గనొ ఇంజోరె కెత్తొ. f 8 యేసు ఓనిని ఊడి: నిమ్మ తేథి నీ గుడా పెయుసి అన్స్టు ఇంజోరె కెత్తో. 9 జపుసె అ మనుసుండు బాగుపరిసి ఓని గుడా పెయుసి నడిసి అత్తొ. అ రోజు సొక్కు రోమని రోజు ఆసి మత్తె. 10 గాబట్టి యూదుర్కు, బాగత్తోనిని ఊడి: సేండు సొక్కు రోమని రోజు గథా? నిమ్మ నీ గుడా పెయుసి థాయటమ్ నీకు తగ్గొ ఇంజోరె కెత్తోరు. 11 థానికి ఓండు: నానిన్ బాగు తుంగ్తోండు నీ గుడా పెయుసి నడుమ్ ఇంజోరె నాకు కెత్తొ ఇంజోరె ఓరికి జవాబిత్తో. 12 థానికి ఓరు: నీ గుడా పెయుసి నడుమ్ ఇంజోరె నీకు కెత్త అ

మనుసుండు బేనొ ఇంజోరె ఓనగ్గ తలప్తోరు. 13 గోని ఓండు బేనోండొ ఇంజి బాగు అత్తోనికి తెలియుల్లె. అగ్గ థీబెమంథి కూడి మత్తోరు గాబట్టి యేసు థెమ్మిరి అత్తో. 14 ఆపాయ యేసు ఓనిని గుడిథె ఊడి: ఇద్దొ నిమ్మ బాగు అత్తిన్. ఎక్కువ కీడు నీకు వాదకుండ మందనాంకి ఇంక పాపమ్ తుంగొద్దు ఇంజోరె కెత్తొ. 15 ఓండు అంజి: నానిన్ బాగు తుంగ్తోండు యేసు ఇంజి యూదుర్కిని పెద్దాంకి కెత్తో. 16 యేసు వీటిని నొక్కు రోమని రోజు తుంగ్తో గాబట్టి యూదుర్కు ఓనికి బాద వాటి ఓనిని అమకవాలె ఇంజోరె ఊడ్తోరు. 17 గోని యేసు, నా తప్పె మంచి పని తుంగోరె మత్తాటు నన్న గూడ మంచి పని తుంగనాన్ ఇంజోరె జవాబిత్తొ. 18 గాబట్టి యూదుర్కు ఓనిని అమకవాలె ఇంజి ఇంక గెట్టింగ తీర్మానిస్తోరు. బారిత్కు ఓండు సొక్కు రోమని రోజిని తుంగాలొ పనుంగు తుంగటమె అయ్యోక థేమండు ఓని తప్పె ఇంజి కెచ్చి ఓనిని థేమటింకి సమానంగ తుంగ్తో ఇంజోరె ఓరు అనుకుట్టోరు. 19 థానికి యేసు: నన్న నిజంగ కెచ్చనాన్, థేమటె మర్రి అత్త నన్న, నాకు నన్నె బాత తుంగోను, గోని తప్పె తుంగంథానిసే మర్రి అత్త నన్న గూడ ఆలాకె వాటిని తుంగనాస్. 20 మర్రి అత్త నానిన్ తప్పె పేమిస్కి ఓండు తుంగ్తవంత నాకు తోపిస్తో. వీటికన్స్టగొప్ప పనుంగిని తోపిసిత్తొ. అస్కె మీరు వాటిని ఊడి సేన ఆచర్యపరిత్తీరి. 21 డొల్లి అత్తోరిని తప్పె, మల్ల తేథిసి పానమ్ ఈదనాటు మర్రి గూడ ఓనికి ఇస్టమ్ మందనోరికి పానమ్ ఈసనొ. 22 అంథోరు తప్పెని గొప్ప తుంగనాటు మర్రిని గూడ గొప్ప తుంగవాలె ఇంజోరె తప్పె బేనోని గూడ సొంతంగ తీర్పు తుంగకుండ తీర్పు తుంగాని అథికారతిని మర్రింకి ఒపగిసి మీనొ. 23 బేనొ అతుకు మర్రిని గొప్ప తుంగకుండ మంతోండొ, ఓండు మర్రిని రోత్త తప్పెని గూడ గొప్ప తుంగకుండ మందనోండాసి మంత్తో. 24 బేనొ అతుకు నా మాట కేంజి లోబరిసి నానిస్ రోత్తోనిని నమ్ముకుంటోండొ ఓండు బెస్కెటికి బతికిత్తొ. ఓండు సావిని తీర్పినుంచి తప్పిసి బెస్కెటికి మంథాని బతుకిని ఏంథితొ ఇంజి నన్న నిజంగ కెచ్చనాన్. 25 డొల్లి

అత్తోరు థేమటె మర్రిని మాట కేంజాని సమయమ్ పెయుతె. అ సమయమ్ ఇంజె వాసి మింథె. థానిని కేంజి నమ్ముకుండనోరె బతికితోరు ఇంజి నిజంగ మీకు కెచ్చనాన్. 26 బారిత్కు తప్పె అత్త థేమండు బతుకిని మూల కారనమాసి మందనాటు, మ్రరి గూడ బతుకిని మూల కారనంగ మందనాటు తుంగ్తో. 27 ఓండు మనుసుని మర్రి గాబట్టి తీర్పు తుంగాని అథికారతిని గూడ ఓనికె ఇత్తో. 28 నన్న కెత్తని మాటని గురుంచి మీరు ఆచర్యపర్తకీరి, బారితుకు డొల్లి అత్తోరంథోరు నా లేంగు కేంజి తేథి వాథాని రోజు పెయుతె. <mark>29</mark> అస్కె మంచి పనుంగు తుంగ్తోరు మల్ల బెస్కెటికి బతకనాంకి తేథిత్తోరు. చెడ్డ పనుంగు తుంగ్తోరు సిచ్చ ఏందనాంకి గిరుడ్డి తేథి పెయుతోరు. 30 నన్న నొయంగ బాత తుంగోను. తప్పె నాకు కెత్తాటు నన్న తీర్పు తుంగనాన్ గాబట్టి నా తీర్పు నిజాయుతిగ మంత్తె. బారిత్కు నన్న నా ఇస్టతిని ఊడకుండ, నానిస్ రోత్త తప్పెని ఇస్టతిని తుంగనాన్. 31 నా గురుంచి నన్న సాచ్చెమ్ కెత్కు అద్దు నిజంగ మన్నొ ఇంజి మీరు అనుకుండొచ్చు. 32 గోని నా గురుంచి సాచ్చెమ్ కెత్తనాంకి తప్పె మినొ. ఓండు నా గురుంచి ఈథాని సాచ్చెమ్ నిజంగ మంత్తె ఇంజి నాకు ఎరక్కె. <mark>33</mark> మీరు యోవాను దగ్గడికి కొంతమంతిని రోచ్సి నా గురుంచి తలప్తీర్. ఓండు నా గురుంచి నిజంగ సాచ్చెమ్ కెత్తొ. 34 మనుసుర్కు నా గురుంచి సాచ్చెమ్ కెత్తవాలె ఇంజి అయ్యో గోని మీరు థేమటె థోరింపిసె రచ్చన ఏందవాలింజోరె నన్న వీటిని మీకు కెచ్చనాన్. 35 యోవాను గొప్ప పెన్నిల ఈథాని థీపెమ్ తిస్తె మంత్త. మీరు కొంత కాలమ్ పెన్నిలాసి మంథాని ఓని మాటతె కుసేలిగ మందనాంకి ఇస్టపర్తీర్. 36 గోని నా గురుంచి యోవాను ఇత్త సాచ్చెమ్కన్న గొప్ప సాచ్చెమ్ నాకు మింథె. అద్దు, నన్న తుంగాని పనుంగే నా గురించి సాచ్చెమ్ కెచ్చనా. ఆ పనుంగిని నన్న పూర్తిగ తుంగవాలింజి తప్పె నాకు ఇత్తో. తప్పె నానిన్ రోత్తొ ఇందంథానికి ఆ పనుంగే నా గురుంచి సాచ్చెమ్ ఈసనా. 37 ఇంక నానిన్ రోత్త తప్పె గూడ నా గురుంచి సాచ్చెమ్ ఈసనొ. మీరు బెస్కెగూడ ఓని మాట అర్ధమ్

తుంగిల్లీరి. ఓండు బేలాంటోండొ ఇంజి ఓని రూపు గూడ మీరు ఊడిల్లీరి. 38 ఓండు కెత్త మాట మీ రుదయతె తాసిల్లీరి బారితుకు తప్పె రోత్తకాడె వత్త నానిన్ మీరు నమ్మి ల్లీరి. 39 మీరు థేమటె మాటతిని జాగర్తగ సదవాటి. బారిత్కు వాటిని సదవటమ్వల్ల మీకు బెస్కెటికి మంథాని బతుకు మింథె ఇంజోరె సరిగానె అనుకునుంజనీర్. ఆ మాటా నా గురుంచె సాచ్చెమ్ ఈస్ోంథె. 40 అత్కన్న బెస్కెటికి మంథాని బతుకిని ఏందనాంకి నాయగ్గ వాదనాంకి మీకు ఇస్టమ్ ఇల్లె. 41 నా గురుంచి మనుసుర్కు గొప్పంగ తిరియవాలె ఇంజి నన్న కోరిల్లాన్. 42 గోని థేమటె పేమ మీ రుదయతె ఇల్లె ఇంజి నాకు తెలుసు. <mark>43</mark> నన్న నా తప్పెని అథికారతె వత్తాన్. అత్కన్న మీరు నానిన్ తురసిత్తీర్. బేనోండన్న ఒరోండు ఓని సొంత అథికారతె వతుకు ఓనిని లోప వాటితీర్. 44 థేమటె థోరింపినె వాథాని గొప్పతనతిని మీరు ఎదురూడకుంట మనుసుర్కు మీమిని గొప్పంగ తిరియవాలె ఇంజి కోరాని మీరు బేలా నమ్మితీర్? <mark>45</mark> మీ పొం్ౕరొ నన్న తప్పెని దగ్గర తప్పు వాటిత్తాన్ ఇంజి మీరు అనుకుండకీర్. నన్న అయ్యో గోని, మీకు సాయమ్ తుంగిత్తో ఇంజి మీరు నమ్త మోసే మీ పొం్ౕరొ తప్పు వాటిత్తొ. 46 మీరు నిజంగ మోసేని నమ్మ నీరితుకు నానిస్ గూడ మీరు నమ్తీర్. బారిత్కు ఓండు నా గురుంచి రాసి మత్తొ. 47 గోని ఓండు రాస్తవాంటిని మీరు నమ్మి ల్లీరి. ఆలాయుతుకు నా మాటకిని బేలా నమ్తీరి ఇంజోరె కెత్తొ.

6

1 ఆపాయ యేసు తిబెరియ సముద్రమ్ ఇంథాని గలిలేయ సముథ్రాతె అబ్బెడికి అత్తొ. 2 ఓండు జబ్బు మందనోరిని బాగు తుంగాని గొప్ప పనుంగిని థీబెమంథి జనాకు ఊడ్తోరు గాబట్టి ఓని పెరికె అత్తోరు. 3 యేసు ఒరొ మెట్ట తర్రి అగ్గ ఓని సిసూర్కినితోటె కుత్తో. 4 (అస్కె యూదుర్కిని పస్క పండుమ్ దగ్గర వత్తె). 5 యేసు

ఓని కండ్కిని తేచి, థీబెమంథి జనమ్ ఓనగ్గ వాదనద్దు ఊడి, పిలిపుతోటె: ఈరు తిందనాంకి ఆరి బేల మనాడ్ అస్సితాడ్ ఇంజోరె తలప్తో. 6 ఓండు తుంగవలస్తదు బాతొ యేసు పున్ని మత్తొ. అత్కన్న పిలిపిని పరిచ్చ తుంగవాలె ఇంజి ఈలా తలప్తో. 7 అస్కె పిలిపు: ఈరికి పతివానికి కొద్ది కొద్దిగ ఇత్తుకన్న, రోండు వందల యెండి డబ్కింకి ఆరి అస్తకన్నగూడ అమ్వ ఈరికి సుమారయ్యోగథా ఇంజోరె కెత్తొ. 8 అస్కె ఓని సిసూర్కినె ఒరోండు, సిమోను పెతురుని తమ్ముండత్త ఆంథిరేయ, యేసిని ఊడి: 9 ఇగ్గ ఒరొ పేకాలు మినొ. ఓనగ్గ అయుదు యవల ఆరి, రొండు కీకెకు మినా. అత్కన్న అమ్ప ఇచ్చొమంథి జనాతికి బేమ్రాతమ్ సరి థెయుతె ఇంజోరె కెత్తొ. 10 అస్కె యేసు: జనాకిని ఇడుఏొ కుపిసాటి ఇంజోరె కెత్తొ. (అ జేగాతె థీబె పచ్చ గడ్డి మత్తె). బంతితె అగ్గ కుథి మత్తోరమటె మనుసుర్కు మట్టింకి థాథాపు అయుదు పేలమంథి మత్తోరు. 11 యేసు అ ఆరిని ఏంచి, థేమటింకి దండాకు వాటి, సిసూర్కినికి ఇత్తొ. సిసూర్కుబోనొ అంథోరికి బంతి వాట్తోరు. ఆలే ఓండు కీకె ముక్కకిని గూడ తీసి ఓరికి కావలస్తమటింకి ఇత్తో. 12 ఓరు డొక్క నిండ తిత్త పాయ, ఓండు ఓని సిసూర్కిని ఊడి: బాతగూడ పాడాసి థాయకుంట మిగల్త మంచి ముక్కకిని కూడిపిసాటి ఇంజోరె కెత్తొ. 13 ఆలాకె ఓరు తిత్తస్కె అయుదు యవల ఆరితె మిగల్త ముక్కకిని పస్నెండు గంపకిన్ నిత్తోరు. <mark>14</mark> యేసు తుంగ్త అ గొప్ప పంథిని ఆ మనుసుర్కు ఊడి: ఈండు నిజంగ లోకతికి వాథాని థేమండు-కెత్త-మాట కెత్తనోండు ఇంజోరె కెత్తోరు. 15 ఓరు వాస్కి ఓనిని దమర్జనంగ పెయుసి రాజుగా తుంగవాలె ఇంజి ఓరు అనుకునుంజనోరు ఇంజి యేసు తెలుస్కుట్టొ గాబట్టి ఓరిని విడిసి అంజి ఒంటరిగ మెట్టాతె పొం్ౕరొ తం్ౕతో. 16 ములుపటెత్తు సమయూతె ఓని సిసూర్కు సముద్ర ఒడ్డింకి అంజి, 17 పడవ తర్రి సముథ్రాతె అబ్బెటె మంథాని కపెర్నమమ్ నాటెంకి తిన్నంగ అత్తోరు. అస్కె సీకడి అత్తె. గోని యేసుబోనో ఓరగ్గ వాదకుండ మత్తో. 18 అస్కె పెద్ద గాలి వీనోరె మత్తె గాబట్టి సముథ్రాతె తల్కు

ఏొం్ౕరొడికి తెయుతా. 19 ఓరు థాథాపు మూడు నాలుగు కొసుర్కు దూరమ్ పడవతిని తోలోరె అత్తస్కె యేసు సముథ్రాతె పొం్ౕరొ నడిసి పడవ దగ్గడికి వాదనద్దు ఊడి ఓరు పెం్ౕతోరు. 20 ఓండు ఓరిని ఊడి: నన్నై పెర్రతకీరి ఇంజోరె కెత్తొ. 21 అస్కె ఓనిని పడవతె తీస్కుండనాంకి ఇస్టపర్తోరు. జపుసె పడవ ఓరు థాయని ఒడ్డింకి పెయుతె. 22 మరసట్ రోజు సముథ్రాతె అబ్బెరి ఒడ్డిన్ మంథాని జనుర్కు ఓని సిసుసూర్కు తర్రత అ ఒరోటె పడవ తప్ప ఇంక పేరె పడవ అగ్గ ఇల్లె ఇంజోరె తెలుస్కుట్టోరు. మల్ల యేసు ఓని సిసూర్కినితోటె పడవ తర్రి థాయకుండ, ఓని సిసూర్కు మటింకె అత్తోరు ఇంజి తెలుస్కుట్టోరు. 23 తిబెరియతెనుంచి పేరె పడవాకు, పెబు దండాకు వాటి జనుర్కు ఆరి తిత్త అ జేగ దగ్గడికి వత్తా. 24 అస్కె యేసు, ఓని సిసూర్కు అగ్గ ఇల్లోరు ఇంజి జనుర్కు ఊడి, జపుసె అ పడవకిసె తర్రి యేసుని మెక్కోరె కపెర్నమమ్ వత్తోరు. 25 అస్కె ఓరు సముథ్రాతె అబ్బెటె ఓనిని ఊడ్తస్కె: రబీ బెస్కె నిమ్మ ఈ జేగ వత్తిన్ ఇంజోరె తలప్తోరు. 26 అస్కె యేసు ఓరిని ఊడి: మీరు నన్న తుంగ్త గొప్ప పనుంగిని ఊడ్తథాని పెయుసి అయ్యో గోని మీరు డొక్క నిండ ఆరి తిత్తథాని పెయుసె నానిస్ మెక్కనీరి ఇంజోరె నిజంగ మీకు కెచ్చనాన్. 27 పాడాసి థాయని థోడతెసెంక అయ్యో గోని బెస్కెటికి మంథాని బతుకిని ఈథాని థోడతెసెంక పని తుంగాటి. మనుసుని మర్రి థానిని మీకు ఈతొ. థానిసెంక తప్పె అత్త థేమండు ఓనిని అంగికరిసి ఒప్పుకుట్టొ ఇంజోరె కెత్తొ. 28 అస్కె ఓరు ఓనిని ఊడి: థేమండు కోర్త పనుంగిని తుంగనాంకి మమ్మ బాత తుంగవాలె ఇంజోరె తలప్తోరు. 29 థానికి యేసు: ఓండు రోత్తోనిని మీరు నమ్మవాలె ఇందనద్దె థేమండు కోర్త పనుంగాసి మీంథె ఇంజోరె ఓరితోటె కెత్తొ. 30 థానికి ఓరు: ఆలాయుతుకు మమ్మ నీనిస్ నమ్మనాంకి మమ్మ ఊడనాటు నిమ్మ బాత గురుతు మాకు ఊపిసనీన్? బాత గురుతిని నిమ్మ తుంగితిని? 31 మోసె తిందనాంకి ఓరికి ఆకాసతెనుంచి ఆరి ఇత్తో ఇంజి రాసి మత్తాతటు, మన ముత్త తాతలోరు ఎడారితె

మన్నా ఇంథాని థోడతిని తిత్తోరు. నిమ్మ బాల్దాన్ని తుంగితిని ఇంజోరె తలప్తోరు. 32 యేసు ఓరిని ఊడి: మోసె మీకు ఆకాసతెనుంచి వత్త ఆరిని ఈథిల్లొ. గోని నా తప్పే ఆకాసతెనుంచి వత్త నిజమత్త ఆరిని మీకు ఈసనొ ఇంజోరె నిజంగ మీకు కెచ్చనాన్ 33 గాబట్టి థేమండు ఈథాని ఆరి ఆకాసతెనుంచి డిగ్గి వాసి లోకతె మంథాని మనుసుర్కింకి బెస్కెటికి మంథాని పానమ్ ఈతె ఇంజోరె కెత్తో. 34 అస్కె ఓరు ఓనిని ఊడి: అయ్య, అ ఆరిని బెస్కెటికి మాకు ఈదవాలె ఇంజోరె కెత్తొరు. 35 యేసు ఓరిని ఊడి: నస్నె పానమ్ ఈథాని ఆరి. నాయగ్గ వాదనోనికి బేమ్రాతమ్ కరుపెనొ. నాయగ్గ నమ్మకమ్ మందనోనికి బేమ్రాతమ్ డొప్పేనొ. 36 మీరు నానిస్ ఊడి మినీరి, అత్కన్న నమ్మకుండ మినీరి ఇంజి మీకు కెత్తాన్. 37 తప్పె నాకు ఈత్తోరంథోరు నాయగ్గ పెయుతోరు. నాయగ్గ వాదనోరిని నన్న బేమ్రాతమ్ బయుథికి గెర్మోను. 38 నా ఇస్టమ్ అయ్యో గోని నానిన్ రోత్తోనిన్ ఇస్టతిని తుంగనాంకె నన్న ఆకాసతెనుంచి డిగ్గి వత్తాన్. 39 ఓండు నాకు ఇత్తోరిని బేనొగూడ మాపకుండ ఆకరి థినాతె ఓరిని మల్ల తేత్తటమె నానిన్ రోత్తోనిన్ ఇస్టమ్ ఆసి మింథె ఇంజోరె కెత్తొ. 40 బేనొ అతుకు మర్రి అత్త నానిన్ తెలుస్కునుంజి నా పొం్ౕరొ నమ్మకమ్ తాసితోండొ ఓండు బెస్కెటికి మంథాని బతుకిని ఏంచి మల్ల నన్న ఓనిని ఆకరి థినాతె సావినుంచి తేత్తటమె నానిన్ రోత్త తప్పెని ఇస్టమ్ ఆసి మింథె ఇంజోరె కెత్తొ. <mark>41</mark> నన్న ఆకాసతెనుంచి వత్త ఆరి ఇంజి ఓండు కెత్తంథాని పెయుసి యూదుర్కు ఓని గురుంచి గొలంగిస్కి 42 ఈండు యోసేపిని మర్రి అత్త యేసు గథా. ఈని తప్పె తల్లుర్కింకి మనాడ్ పుంజి మినాడ్ గథా? ఆలా మన్నంగ, నన్న ఆకాసతెనుంచి డిగ్గి వత్తాన్ ఇంజి ఈండు కెత్తటమ్ బేలా ఇంజోరె కెత్తోరు. 43 యేసు ఓరిని ఊడి: మీయమటె మీరు గొలంగొద్దు. 44 నానిస్ రోత్త తప్పె, ఒరోని నాయగ్గ నడదకుండ మతుకు ఓండు నయగ్గ వం్ౕరొ. ఆకరి థినాతె నన్న ఓనిని తెథిసితాన్. <mark>45</mark> అంథోరికి థేమడె బోథిసనో ఇంజి థేమండు-కెత్త-మాట-కెత్తనోరిన్ పుస్తకాతె రాసి

మింథె. గాబట్టి బేనో అతుకు తప్పెనగ్గ కేంజి సేర్పుకునుంజనోండొ ఓండు నాయగ్గ వాసనొ. 46 థేమటగ్గనుంచి వత్తోండె గోని ఇంక పేరె బేనో గూడ తప్పెని ఊడిల్లొ. ఈండె తప్పెని ఊడ్తో. 47 నాయగ్గ నమ్మకమ్ మందనోనికి బెస్కెటికి మంథాని పానమ్ మింథె ఇంజి నిజంగ మీకు కెచ్చనాన్. 48 నన్నె పానమ్ ఈథాని ఆరి. 49 మీ ముత్త తాతలోరు ఎడారితె మన్స్టా ఇంథాని థోడ తిత్కన్న గూడ ఓరు డొల్లి అత్తోరు. 50 గోని థీనిని తిందనోండు డొల్లి డాయకుండ మందనాంకి ఆకాసతెనుంచి డిగ్గి వత్త ఆరి ఇద్దె. 51 నన్నె ఆకాసతెనుంచి డిగ్గి వత్త పానమ్ ఈథాని ఆరి. ఈ ఆరిని తిందనోండు బెస్కెటికి బతికితొ. నన్న ఈథాని ఆరి లోకాతె మంథాని మనుసుర్కిని పానతినిసెంక ఈథాని నా ఒల్లాసి మింథె ఇంజోరె కెత్తో. 52 అస్కె యూదుర్కు: ఈండు ఓని ఒల్దిని బేలా మనాంకి తిందనాంకి ఈతొ ఇంజి ఓరమటె ఓరు వాథి వాట్తోరు. 53 అస్కె యేసు ఓరిని ఊడి: మీరు మనుసుని మర్రిని ఒల్దిని తిందకుండ ఓని సెత్తురుతిని ఉన్నకుండ మతుకు మీయమటె బెస్కెటికి మంథాని పానమ్ ఇల్లె ఇంజి నిజంగ మీకు కెచ్చనాన్. 54 నా ఒల్దిని తింజి, నా సెత్తురుతిని ఉండనోనికి బెస్కెటికి మంథాని పానమ్ మింథె. ఆకరి థినాతె నన్న ఓనిని సామతెనుంచి తేవిస్తాన్. 55 బారిత్కు నా ఒల్లు నిజమత్త థోడా ఆసి మింథె. నా సెత్తురు నిజమత్త పానమ్ ఆసి మింథె. 56 నా ఒర్దిని తింజి నా సెత్తురుతిని ఉండనోండు నాయమటె నిచ్చి మినొ. నన్న గూడ ఓనమటె నిచ్చి మినాన్. 57 నానిన్ రోత్త తప్పె బతికి మందనాటు నన్న గూడ ఓని సకితి థోరింపిసె బతికి మినాన్. ఆలాకె నానిన్ తిందనోండు గూడ నా సకితి థోరింపిసె బతికితో. 58 నన్న మల్ల కెచ్చనాన్; ఆకాసతెనుంచి డిగ్గి వత్త ఆరి ఇద్దె. మీ ముత్త తాతలోరు తిత్త మన్స్తా తిస్తె ఇద్దు మన్నొ. బారిత్కు ఓరు అంథోరు డొల్లి అత్తోరు గథా. గోని ఈ ఆరి తిందనోండు బెస్కెటికి బతికి మంత్తో ఇంజోరె కెత్తొ. 59 కపెర్నమంతె మంథాని పాదన గుడిథె ఓండు బోథినోరె ఈటిని కెత్తొ. థీబెమంథి సిసూర్కు యేసుని విడిసి అత్తోరు 60 ఓని

సిసూర్కినమటె థీబెమంథి ఈటిని కేంజ్తస్కె ఈ మాటాకంత సేన కటినంగ మినా. బేనొ వీటిని కేంజితోరు ఇంజోరె కెత్తోరు. 61 సిసూర్కు థానిగురుంచి గొలంగనోరు ఇంజి యేసు ఓనమటె తెలుస్కునుంజి ఓరిని ఊడి: ఇద్దు మీకు ఆడ్డుగా మింథె? 62 ఆలాయుతుకు మనుసుని మర్రి ఓండు ఇద్దువరికి మత్త జేగత్కి తర్రి థాయనద్దు మీరు ఊడుకు బేలా మంత్తె? 63 థేమటె ఆత్మా పానమ్ ఇత్తె. గోని మనుసుని సకితి బాల్దానికి గూడ పంథికి వం్ౕరొ. నన్న మీకు కెత్తాని మాటాకు ఆత్మా నిసె పానమ్ మందనద్దు. 64 అత్కన్న, మీయమటె కొంతమంథి నమ్మోవారు మినోరు ఇంజోరె కెత్తొ. ఓనిని నమ్మ్మెవారు బేనొ ఇంజి, మల్ల ఓనిని ఒపగిసిత్తోరు బేనొ ఇంజి యేసు మొట్ట మొథొటినుంచి పున్ని మినొ గాబట్టి మల్ల ఓండ 65 ఒరోండు నా తప్పెని దయతిన్ ఏందకుండ మతుకు నాయగ్గ వాథాలొ ఇంజి థీని పెయుసి మీకు కెత్తాన్ ఇంజోరె కెత్తొ. 66 అస్కెటినుంచి ఓని సిసూర్కినమటె థీబెమంథి ఓనితోటె థాయకుండ పెరికెటికి అత్తోరు. 67 అస్కె యేసు పన్నెండు మంథి సిసూర్కిని ఊడి: మీరు గూడ విడిసి థాయవాలె ఇంజి అనుకునుంజనీరె ఇంజోరె తలప్తో. 68 థానికి సీమొను పెతురు: పెబువా, మమ్మ బేనోనగ్గ థెయుతామ్? బెస్కెటికి మంథాని బతుకింకి కావలస్త పానమ్ ఈథాని మాటాకు నీయగ్గ మింథె గథా? 69 నిమ్మ, బెస్కెటికి బతికి మంథాని థేమటె మర్రి అత్త కిరిస్తు ఇంజి మమ్మ నమ్మి, పున్ని మినామ్ ఇంజోరె కెత్తొ. 70 యేసు ఓరిని ఊడి: పన్నెండు మంథి అత్త మీమిని నన్న తెలుస్కుట్టాన్ గథా? అత్కన్న మీయమటె ఒరోండు థెయ్యమ్ ఆసి మీనో ఇంజోరె కెత్తొ. 71 సీమోంతె మర్రి అత్త యూథా స్కారియోతు పన్నెండు మంథితె ఒరోండాసి మంజి ఓనిని ఒపగిసితొ ఇంజి యూథా స్కారియోతు గురుంచి ఈలా కెత్తొ.

7

1 ఆపాయ యూదుర్కు యేసిని అమకవాలె ఇంజి పయత్తనమ్ తుంగ్తోరు గాబట్టి,

ఓండు యూథేయతె మందనాంకి ఇస్టపరవొక గలిలేయతికి పయనమాసి వత్తో. 2 అస్కె యూదుర్కిని డేర పండుమ్ దగ్గర వత్తె. 3 అస్కె ఓని తమ్ముస్కు ఓనిని ఊడి: నిమ్మ తుంగాని పనుంగిని నీ సిసూర్కు ఊడనాటు తుంగనాంకి ఈ జేగా విడిసి యూథేయూ అన్ను. 4/b> గొప్పంగ మందవాలె ఇంజి కోరాని బేనొగూడ బాత పనుంగిని సాటినె తుంగోగథా? నిమ్మ ఈలోంటి పనుంగు అంథోరు ఊడనాటు తుంగ్కు లోకాతె మందనోరు నీనిని తెలుసుకుంటోరు ఇంజోరె కెత్తోరు. 5/b> ఓని తమ్ముస్కు గూడ ఓనిని నమ్మిల్లోరు గాబట్టి ఈలా కెత్తోరు. 6/b> యేసు ఓరిని ఊడి: నా సమయమ్ ఇంక వాథిల్లె. గోని మీకు అతుకు బెస్కెటికి సమయమ్ తయూరుగ మింథె. <mark>7</mark>/b> లోకాతె మందనోరు మీమిని కసి బెయుసి మన్స్టోరు. గోని ఓరు తుంగాని పనుంగు సెడ్డగ మింథె ఇంజి నన్న సాచ్చెమ్ కెచ్చనాన్ గాబట్టి ఓరు నా ఏొం్ $\circ$  కసి పెయుసి మినోరు.  $\circ$ b> మీరు ఈ పండుంతికి అన్నుటు. నా సమయమ్ ఇంక వాథిల్లె గాబట్టి నన్న ఈ పండుంతికి ఇంజె అన్నోను ఇంజోరె కెత్తొ. 9/b> ఈటిని ఓరితోటె $^\circ$  కెచ్చి ఓండు ఇంక కొద్ది రోజ్కు గలిలేయతె ఆంగ్తో. 10 ఓని తమ్ముస్కు పండుంతికి అత్త పాయ ఓండు గూడ అత్తొ. గోని ఓండు అంథోరు ఊడనాటు థాయకుండ సాటినె పండుంతికి అత్తో. 11 పండుంతె యూదుర్కిని పెద్దాకు ఓనిని మెక్కోరె ఓండు బెగ్గ మినొ ఇంజోరె తలప్తోరు. 12 జనాకు ఓని గురుంచి గుస గుస తిరియుత్తోరు. కొంతమంథి ఓండు మంచివాండు ఇంజోరె కెత్తోరు. ఇంక కొంతమంథి ఆలా అయ్యో, ఓండు జనాకిని బొక్కిసనొ ఇంజోరె కెత్తోరు. 13 ఓరు యూదుర్కింకి పెర్రతోరు గాబట్టి బేనొగూడ ఓని గురుంచి దయుర్ననంగ బయుథె తిరియుల్లో. 14 సగమ్ పండుమ్ అత్తెస్కె యేసు థేమటె గుడిథె వాకిర్దికి అంజి బోద కెత్తనాంకి మొదలిస్తో. 15 అస్కె యూదుర్కు: ఈండు సదుమ ఇల్లోవాండు అత్కన్న థేమటె పుస్తకాతె రాసి మందనవంత బేలా కెచ్చనొ ఇంజి సేన ఆచర్యపర్తోరు. 16 యేసు ఓరిని ఊడి: నన్న కెత్త మాట నాయగ్గనుంచి వాథిల్లె గోని

నానిన్ రోత్తోనథ్గాసి మింథె. 17 బేనొ అతుకు ఓని ఇస్టతిని తుంగవాలె ఇంజి మినోండొ ఓండు నన్న కెత్తాని ఈ మాటా థేమటె థోరింపిసె వత్తాకో ఇల్లుకు నా సొంత మాటకెనా ఇంజి తెలుస్కుంటొ. 18 సొంత మాటాన్తోటె తిరియనోండు ఓనికె గొప్ప వాదనాటు ఊడిత్తొ. ఒరోని రోత్తోని గొప్పతనతిని ఊడనోండు నిజాయుతిగ మందనోండాసి మినొ. ఓనమటె అబదమ్ బాత ఇల్లె. 19 మోసె మీకు ఆగ్నియకిని ఇత్తో గథా? ఆలా మత్కన్న మీయమటె బేనో గుడ ఆ ఆగ్నియకిన్ పెయుసి నడదటమ్ ఇల్లె. ఆలా మన్నంగ మీరు బారి నానిన్ అమకనాంకి పయతనమ్ తుంగనీర్ ఇంజోరె తలప్తోోత. 20 జనాకు ఓనిని ఊడి: నిమ్మ థెయ్యమ్ పెయుత్తోండు. బేనొ నీనిన్ అమకనాంకి పయతనమ్ తుంగనోరు ఇంజోరె కెత్తోరు. 21 యేసు ఓరిని ఊడి: నన్న నొక్కు థినాతె ఒరొ పని తుంగ్తాన్. థాని పెయుసి మీరంథోరు ఆచర్యపరసనీర్. 22 గోని మీరు బాత తుంగనీరి? సున్న తి తుంగవాలె ఇంజి మోసె మీకు కెచ్చి మినొ. గోని ఓనికన్న ముస్నె మన ముత్తాతలోరె మొట్ట మొథోటి సున్నతి తుంగనాంకి మొదలిస్తోరు. గోనొ మీరుబోనో సొక్కు థినాతె గూడ మీ పేకాంకి సున్నతి తుంగనీర్. 23 మోసె ఇత్త ఆగ్నియకిని పాటిసనాంకి మీరు నొక్కు థినాతె గూడ ఒరోంకి సున్నతి తుంగనీరితుకు, నన్న నొక్కు థినాతె ఒరోని బాగు తుంగ్తథాని పెయుసి బారి మీరు నా ఏొం్ౕరొ కసి పెయుతీరి? 24 మనుసుర్కు తుంగనాటు బయుథె పేడాని రూపతిని ఊడి మీరు తీర్పు తుంగకుండ నీతిగ తీర్పు తుంగాటి ఇంజోరె కెత్తొ. 25 అస్కె యెరుసలేమ్ పటనాతె మందనోరమటె కొంతమంథి: ఈనిసెగథా అమకవాలె ఇంజోరె పయతనమ్ తుంగోరె మినోరు?  ${f 26}$ ఊడా, ఈండు అంథోరు ఊడనాటు తిరియనొ. అత్కన్న బేనొగూడ ఈనగ్గ విత్రేకంగ బాత కెత్తటమ్ ఇల్లె. నిజంగ ఈండు కిరిస్తే ఇంజి నాయుకుర్కు కచ్చిదంగ తెలుస్కుట్టోరొబోనొ. 27 ఈండు బెగ్గనుంచి వత్తోండొ మనాడ్ తెలుస్కునుంజి మినాడు. గోని కిరిస్తు వాదనస్కె ఓండు బెగ్గనుంచి పెయుతోండొ బేనొగూడ

పున్నొ గథా ఇంజోరె కెత్తోరు. 28 అస్కె యేసు థేమటె గుడిథె బోథిసోరె: మీరు నానిన్ పున్ని మినీరి. నన్న బెగ్గనుంచి వత్తాన్ ఇంజి గూడ మీరు పున్ని మినీరి. గోని నన్న నా సొంతంగ వాథిల్లాన్, నానిన్ రోత్తోండు నమ్మకమ్ 29 ఓండు నానిన్ రోత్తో గాబట్టి నన్న వత్తాన్. గాబట్టి నన్న ఓనిని పున్ని మినాన్ ఇంజోరె కెత్తో. 30 అస్కె ఓనిని పెయుదనాంకి పయతనమ్ తుంగనోరు గోని ఓని సమయమ్ ఇంక వాథిల్లె గాబట్ట బేనొ గూడ ఓని పొం్ $^{\circ}$ రొ కయుకు వాటిల్లోరు.  $^{31}$  గోని జనాకినమటె థీబెమంథి ఓని పొం్ౕరొ నమ్మకమ్ తాసి: కిరిస్తు వాదనస్కె ఈండు తుంగ్త గొప్ప పనుంగుకన్న ఎక్కువ తుంగిత్తోండా ఇంజోరె కెత్తోరు. 32 జనాకు ఓనిని గురుంచి ఈలా గుస గుస తిరియోరె మందనద్దు పరిసేయుర్కు కేంజ్తస్కె ఓనిని పెయుసి వాదవాలె ఇంజి ఓరి సయునికుర్కిని రోత్తోరు. 33 అస్కె యేసు ఓరిని ఊడి: ఇంక కొథ్ది సేపటికి నన్న మీతోటె మంతాన్. ఆపాయ నానిన్ రోత్తోనగ్గ నన్న థెయుతాన్. 34 మీరు నానిన్ మెక్కితీరి గోని నానిన్ ఊడాలీరి. నన్న మంథాని జేగతికి మీరు వాథాలీరి ఇంజోరె కెత్తొ. 35 అస్కె యూదుర్కు: ఓనిని మనాడ్ ఊడకుండ మందనాటు ఓండు బెగ్గ థెయుతొ? మన థేసతిని విడిసి యూదుర్కు మంథాని ఏరె థేసతికి అంజి ఏరెవారికి బోద కెత్తనాంకి థెయుతోండొబోనొ. 36 మీరు నానిన్ మెక్కితీరి, అత్కన్న నానిన్ ఊడాలీరి ఇంజి, నన్న మంథాని జేగతికి మీరు వాథాలీరి ఇంజి ఈండు కెత్త మాటాని అర్ధమ్ బాత ఇంజి ఓరమటె ఓరు తిరియోరె మత్తోరు. 37 పండుంతె ఆకరి థినమ్ వత్తె. అ థినమ్ సేన ముక్కియమత్త థినమ్. అ థినాతె యేసు తేథి: ఒరోంకి డొప్పేసోంథె ఇత్కు ఓండు నాయగ్గ వాసి ఏరు ఉండవాలె ఇంజి కేయు కెత్తొ. <mark>38</mark> థేమటె పుస్తకాతె రాసి మత్తాటు బేనొ అతుకు నా ఏొం్ౕరొ నమ్మకమ్ తాసితోండొ ఓని రుదయతెనుంచి పానమ్ ఈథాని ఊట ఊరాని ఏరు ఏొంగి ఏొర్లితె ఇంజోరె కెత్తొ. 39 ఓనిని నమ్తొురు బేలాంటి ఆత్మా ఏంథితోరు ఇందంథాని గురుంచి ఈలా కెత్తో. యేసు డొల్లి అంజి మల్ల తేథి పరలోకమ్ థాయుల్లె;

ఇంక గొప్ప ఆథిల్లె గాబట్టి సుబ్బరమ్ మంథాని ఆత్మాని థేమండు ఇంక ఓనికి ఈథిల్లె. 40 థీబెమంథి జనాకు ఈ మాటకిని కేంజ్తస్కె ఈండు నిజంగ థేమండు-కెత్త-మాట కెత్తనోండు ఇంజోరె కెత్తోరు. 41 కొంతమంథిబోనొ ఈండు కిరిస్తు ఇంజోరె కెత్తోరు. ఇంక కొంతమంథిబోనొ కిరిస్తు గలిలేయతెనుంచి పెయుతోండా? 42 థావీదు గోత్రాతెనుంచి థావీదు పుట్త బెత్లేగమ్ ఇంథాని నాటెనుంచి కిరిస్తు పెయుత్తో ఇంజి థేమటె మాట కెత్తెగథా ఇంజోరె కెత్తోరు. 43 ఈలా ఓని గురుంచి జనాకినమటె బేథాకు వత్తా. 44 ఓరమటె కొంతమంథి ఓనిని పెయుదవాలె ఇంజోరె అనుకుట్టోరు. గోని బేనో గూడ ఓని పొం్ౕరొ కయుకు వాటిల్లొ. 45 ఆపాయ అ సయునికుర్కు పెద్ద పూజారినగ్గ, పరిసేయుర్కినగ్గ గిరుడ్డి వత్తోరు. ఈరు ఓరిని ఊడి: మీరు బారి ఓనిని పెయుసి వాథిల్లీరి ఇంజోరె తలప్తోరు. 46 అస్కె సయునికుర్కు: అ మనుసుండు తిరియుతాటు బేనోగూడ బెస్కె తిరియుల్లొ ఇంజోరె జవాబిత్తోరు. 47 అస్కె పరిసేయుర్కు: మీమిని గూడ ఓండు బొక్కిస్తోండా? 48 నాయుకుర్కు అత్కన్న, పరిసేయుర్కినమటె బేనొ అత్కన్న ఓనిని నమ్మి మినోరా? ఇల్లె గథా? 49 ఈ జనాకు థేమటె పుస్తకతిని పున్ని ఇల్లోరు గాబట్టి థేమండు ఓరిని పాడు తుంగితొ ఇంజోరె కెత్తోరు. 50 ఒరొ నరక యేసునగ్గ వత్త నికోథెము ఇందనోండు గూడ ఓరితోటె మత్తో. ఓండు ఓరిని ఊడి: 51 ఒరొ మనుసుండు కెత్తంథాని కేంజి ఓని పనుంగిని తెలున్కొనక మున్నె ఓని పొం్ౕరొ తప్పు వాటి తీర్పు తుంగొచ్చు ఇంజి మన పుస్తకాతె కెయుతెకా ఇంజోరె తలప్తో. 52 థానికి ఓరు: నిమ్మ గలిలేయుండిని తిస్తె తిరియనినె? థేమండు-కెత్త-మాట కెత్తాని బేనొగూడ గలిలేయూతెనుంచి వం్ౕరొ ఇంజి మింథె; థాని గురించి థేమటె పుస్తకతిని సదవి ఊడా ఇంజోరె ఓనితోటె కెత్తోరు. 53 ఆపాయ ఓరంథోరు ఓరి ఓరి లోను అత్తోరు.

1 గోని యేసు ఓలివ మారాకు మంథాని మెట్టతికి అత్తొ. 2 మరుసట్ రోజు పంగువీన ఏొథ్దిసె ఓండు గిరుడ్డి థేమటె గుడిథికి వత్తస్కె, జనాకంథోరు ఓనగ్గ వత్తోరు. ఓండు కుథి మంజి ఓరికి బోద కెత్తనాంకి మొదలిస్తో. 3 అస్కె ఆగ్నియకిని బోథిసనోరు, పరిసేయుర్కు, లంజతనమ్ తుంగ్త ఒరొ నాటోటిని గెట్టి పెయుసి ఓనగ్గ తచ్చి, థానిని అంథోరు ముస్స్టెనిలవాటి, 4 బోదకుండ, ఈ నాటోడి లంజతనమ్ తుంగోరె మన్నంగ గెట్టి పెయుత్తోరు. 5 ఈలోంటి నాటోకిని రాయుకు యెస్స్తి అమకవాలె ఇంజోరె మోసె రాస్త పుస్తకాతె మనాంకి ఆగ్నియ ఈసి మినొ. అలాయుతుకు నిమ్మ బాత కెచ్చనీన్ ఇంజోరె తలప్తోరు. 6 ఓనిని ఇరికిసి ఓని ఏొం్ౕరో తప్పు వాటవాలె ఇంజి ఈలా తలప్తోరు. గోని యేసు బోనో ఒంగి ఓని పేల్కినితోటె సేల్దె రాస్తో. 7 ఓరు ఊకె ఓనిని తలపోరె మత్కాడె, ఓండు తిన్నంగ ఊడి: మీయమటె పాపమ్ ఇల్లోవాండు బేనోండొ ఓండు మొథోటి థీని పొం $^\circ$ రొ రాయు ఎస్సాటి ఇంజోరె కెచ్చి,  $^8$ మల్ల ఓండు ఒంగి సేల్దె రాస్తో. 9 ఓరు అ మాట కేంజ్తస్కె పెద్దటోరునుంచి సిన్నటోరుథాకా ఒరొరొ అగ్గనుంచి థెమ్మిరి అత్తోరు. యేసు ఒంటరిగ మత్తొ. అ నాటొడి నడుమ నిచ్చి మత్తె. 10 అ నాటొటిస్ తప్ప ఇంక ఏరె బేనొరు ఇల్లోరు ఇంజి యేసు ఊడి: నాటోటిసె, నీ పొం్ౕరొ తప్పు వాట్తోరు బెగ్గ అత్తోరు? కనిసమ్ ఒరోండన్న నీ పొం్ౕరొ తప్పు వాటిల్లోండా ఇంజోరె కెత్తొ. 11 థానికి అద్దు: ఇల్లె పెటువ ఇత్తె. అస్కె యేసు థానిని ఊడి: నన్నగూడ నీ ఏొం్ౕరో తప్పు వాటోను. నిమ్మ అన్ను; ఇంక పాపమ్ తుంగొద్దు ఇంజోరె కెత్తో 12 మల్ల యేసు పరిసేయుర్కిని ఊడి: నస్నె లోకతె మందనోరికి పెలుంగు ఈదనోండు. నా మాట పకారమ్ నడదనోండు ఈకడిథె థాయకుండ పానమ్ ఈథాని పెలుంగిని బతికితొ ఇంజోరె కెత్తొ. 13 అస్కె పరిసేయుర్కు ఓనిని ఊడి: ఇంజె నీ గురుంచి నిమ్మె సాచ్చెమ్ కెచ్చనీన్. ఆలాయుతుకు నీ సాచ్చెమ్ నిజమ్ అయ్యో ఇంజోరె కెత్తోరు. 14 యేసు ఓరిని ఊడి: నా గురుంచి నన్నె సాచ్చెమ్ కెత్కన్న నా సాచ్చెమ్ నిజమ్

మందనద్దు. బారిత్కు నన్న బెగ్గనుంచి వత్తాన్ ఇంజి బెగ్గ థెయుతాన్ ఇంజి నన్న పున్ని మినాన్. మీరతుకు నన్న బెగ్గనుంచి వత్తాన్, బెగ్గ అంజనాన్ ఇంజి పున్ని ల్లీరి. 15 జనాకు తీర్పు తుంగనాటు మీరు తుంగనీర్. నన్స్టటేనోని గూడ తీర్పు తుంగిల్లాన్. 16 నన్న తీర్పు తుంగ్కు నా తీర్పు నిజంగ మంతె. బారిత్కు నన్న ఒంటరిగ మంథిల్లాన్. నానిన్ రోత్త నా తప్పె నాతోటె మినో. మమ్మ కలియె మినామ్. 17 ఇరుమరు సాచ్చెమ్ కెతుకు అద్దు నిజమ్ ఇంజి మీ పుస్తకాతె రాసి మింథెగథా? 18 ఆలాకె నా గురుంచి నన్న సాచ్చెమ్ కెచ్చనాన్. నానిన్ రోత్త తప్పెగూడ నా గురుంచి సాచ్చెమ్ ఈసనొ ఇంజోరె కెత్తొ. 19 అస్కె ఓరు నీ తప్పె బెగ్గ మినొ ఇంజోరె తలప్తోరు. యేసు ఓరిని ఊడి: నానిన్ పున్ని ల్లీరి; నా తప్పెని గూడ పున్ని ల్లీరి. మీరు నానిన్ పుంజి మతుకు నా తప్పెని గూడ పుంజి మంత్తీర్ ఇంజోరె కెత్తొ. 20 థేమటె గుడిథె కానికె పెట్టె మంథాని జేగ దగ్గర యేసు ఈ మాటాకంత బోథిసి కెత్తొ. ఓని సమయమ్ ఇంక వాథిల్లె గాబట్టి బేనొగూడ ఓని ఏొం్ౕరొ కయుకు వాటి ఓనిని పెయుథిల్లొ. 21 యేసు మల్ల ఓరిని ఊడి: నన్న అంజనాన్. మీరు నానిన్ మెక్కితీరి గోని మీరు మీ పాపతె డొల్లి థెయుతీర్. నన్న థాయని జేగతికి మీరు వాథాలీరి ఇంజోరె కెత్తొ. 22 అస్కె యూదుర్కిని పెద్దాకు: నన్న థాయని జేగతికి మీరు వాథాలీరి ఇంజోరె కెచ్చనోండు గథా? ఆలాయుతుకు ఓనికి ఓండె డొల్లి థెయుత్తోండా ఇంజోరె ఓరమటె ఓరు తిరియుకుట్టోరు. 23 అస్కె ఓండు ఓరిని ఊడి: మీరు ఇడుపొ మంథాని ఈ లోకతికి చెంతోరు. నన్న పొం్ౕరొటెనుంచి వత్తాన్. మీరు ఈ లోకతికి చెంతోరు, నన్న ఈ లోకతికి చెంతోండయ్యోన్. 24 అంత్కాటె మీరు మీ పాపతె డొల్లి థెయుతీర్ ఇంజోరె మీకు కెత్తాన్. నన్స్తె పొం్ౕ రోటెనుంచి వత్తాన్ ఇంజి మీరు నానిన్ నమ్మకుండ మతుకు మీరు మీ పాపతె డొల్లి థెయుతీర్ ఇంజోరె కెత్తొ. 25 థానికి ఓరు: నిమ్మ, బేనొ ఇంజోరె తలప్తోోతరు. అస్కె యేసు ఓరిని ఊడి: నన్న మొట్ట మొథోటినుంచి మీకు కెచ్చోరె మినాన్. 26 మీ గురుంచి కెత్తనాంకి, మీమిని

తీర్పు తుంగనాంకి నాకు థీబె మింథె. గోని నానిన్ రోత్తోండు నిజాయుతి మందనోండు. నన్న ఓనగ్గ కేంజ్తవంత ఈ లోకాతె మందనోరికి కెచ్చనాన్ ఇంజోరె కెత్తొ. <mark>27</mark> పరలోకాతె మంథాని ఓని తప్పె గురుంచి ఓండు కెత్తొ ఇంజి ఓరు పున్స్లిల్లోరు. 28 గాబట్టి యేసు ఓరిని ఊడి: మీరు మనుసుని మర్రిని సిలువతె హిం్రో వాట్తస్కె నస్నె ఓండింజోరె, మల్ల నన్న నొయంగ బాత తుంగకుండ నా తప్పె నాకు కెత్తాటు ఈటిని కెత్తాన్ ఇంజి మీరు అస్కె తెలిస్కుంటీరి. 29 నానిన్ రోత్త నా తప్పె నాతోటె మినొ. తప్పెంకి ఇస్టమత్త పనుంగిని నన్న బెస్కెటికి తుంగనాన్ గాబట్టి ఓండు నానిస్ ఒంటరిగ విడిసిల్లొ ఇంజోరె కెత్తొ. 30 ఈటిని ఓండు కెచ్చోరె మన్స్టంగ థీబెమంథి ఓనగ్గ నమ్మకమ్ తాస్తోరు. 31 అస్కె యేసు ఓనిని నమ్కుట్లోరిని ఊడి: నన్న కెత్త మాటాని పెయుసి మీరు తుంగ్కు, అస్కె నిజంగ నా సిసూర్కినయుతీరి. 32 థేమటె గురుంస్త నిజాయుతితిని మీరు తెలుస్కుంటీరి. అస్కె థెమటె గురుంచిన నిజమ్ మీమిని విడుదల తుంగితె ఇంజోరె కెత్తొ. 33 అస్కె ఓరు: మమ్మ ఆట్రగామ్ గొత్రాతికి చెంతోరమ్; మమ్మ బెస్కె గూడ బేనోనికన్నా బానిసుర్కిన మంథిల్లామ్. ఆలా మన్నంగ విడుదల ఏంత్తీరింజి, నిమ్మ బేలా కెచ్చనీన్ ఇంజోరె తలప్తోరు. 34 అస్కె యేసు: పాపమ్ తుంగాని పతి వాండు పాపతికి బానిసుండయుత్తో ఇంజి నిజంగ మీకు కెచ్చనాన్ ఇంజి జవాబిత్తో. 35 బానిసుండు ఒరొ లోత్తోండయ్యో గోని మర్రె ఓని తప్పెని లోతికి బెస్కెటికి చెంతోండుగ మినో. 36 గాబట్టి థేమటె మర్రి మీమిని విడుదల తుంగ్కు నిజంగ మీరు విడిదల ఏంథితీర్. 37 మీరు ఆబ్రగామ్ గ్రోతతోరింజి నాకు తెలుసు. అంత్కాటె నన్న కెత్త మాటా మీ పుర్రెతికి థాయుల్లె, గాబట్టి నానిన్ అమకవాలె ఇంజి మీరు పయతనమ్ తుంగనీర్. 38 నా తప్పెనగ్గ నన్న ఊడ్తథాన్నె మీకు కెచ్చనాన్. మీరు గూడ మీ తప్పెనగ్గ ఊడ్త థాన్నె తుంగనీర్ ఇంజోరె కెత్తొ. 39 థానికి ఓరు: ఆబ్రగామె మా తప్పె ఇంజోరె కెత్తోరు. అస్కె యేసు ఓరిని ఊడి: మీరు నిజంగ ఆబ్రగామిన్ పిల్లాకినీరాసి

మతుకు ఓండు తుంగ్తటు మీరు గూడ తుంగితీర్ గథా? 40 థేమటగ్గ నన్న కేంజ్త నిజతిని మీకు కెత్తంథాని పెయుసి మీరు నానిస్ అమకనాంకి పయతనమ్ తుంగనీర్. గోని ఆబ్రగామ్ ఈలా తుంగిల్లె గథా? 41 మీ తప్పె తుంగ్తాటు మీరు తుంగనీర్ ఇంజోరె కెత్తొ. థానికి ఓరు: మమ్మ లంజతనాతె పుట్తవారయ్యోమ్. మాకు ఒరోండె తప్పె మినొ, ఓండు థేమండె ఇంజోరె కెత్తోరు. 42 అస్కె యేసు ఓరిని ఊడి: థేమండు మీకు నిజంగ తప్పె ఆసి మతుకు నాయగ్గ పేమగ మంత్తీర్. బారితుకు నన్న థేమటగ్గనుంచి ఇగ్గ వాసి మినాన్. నన్న నా సొయంగ వాథిల్లాన్, గోని ఓండె న 43 నన్న కెత్త మాటాని బారి మీరు అర్దమ్ తుంగిల్లీరి? నా మాటకిని కేంజనాంకి మీకు ఇస్టమ్ ఇల్లోకె గథా? 44 థెయ్యమె మీ తప్పె. మీరు ఓని పిల్లాకినిరాసి మినీర్. మీ తప్పె తుంగాని పనుంగిని మీరు గూడ తుంగనాంకి ఇస్టపర్సనీర్. ఓండు పూర్పతెనుంచి మనుసుర్కిని అమకినోరె మినొ. ఓనమటె నిజమిల్లె గాబట్టి ఓండు నిజయుతితె నిలకడగ మంథిల్లొ. ఓండు ఒరొ బరుకుడుగాండు, అబద్ధానికి తప్పె ఆసి మినొ. గాబట్టి ఓండు అబద్దమ్ తిరియనస్కె సొయంగ తిరియనొ. అద్దు ఓని అలవాటు. 45 గోని నన్న మీకు నిజమ్ కెచ్చనాన్ గాబట్టి మీరు నానిన్ నమ్మటమిల్లీర్. 46 నాయమటె పాపమ్ మింథె ఇంజి మీయమటె బేనో నా పొం్ౕరో తప్పు వాటాలితొ? నన్న మీకు నిజతిని కెచ్చి మినాన్. ఆలాయుతుకు మీరు బారి నానిన్ నమ్మిల్లీరి? 47 థేమటగ్గనుంచి బేనొ వత్తోండొ ఓండె థేమటె మాటతికి లోబర్స్వని. మీరు థేమటగ్గనుంచి వాథిల్లీరి గాబట్టి ఓనికి లోబర్దిల్లీరి ఇంజోరె కెత్తొ. 48 అస్కె యూదుర్కు యేసుని ఊడి: నిమ్మ సమారియుండిన్ తిస్తె తిరియనిన్ ఇంజి, థెయ్యమ్ పెయుతోండింజి మమ్మ కెత్తటమ్ నిజమె గథా ఇంజోరె కెత్తోరు. 49 థానికి యేసు: నన్న థెయ్యమ్ పెయుతోండు అయ్యోన్. నన్న నా తప్పెనీ గొప్ప తుంగనాన్. గోని మీరు నానిన్ అవమానమ్ తుంగనీర్. 50 నాకు నన్నై గొప్ప తుంగవాలె ఇంజి నన్న ఎదురూడటమ్ ఇల్లె. గోని నన్న థానిని ఏందవాలె ఇంజి

థేమండు నాకు సాయమ్ తుంగనొ. 51 నన్న కెత్త మాటతికి ఒరోండు లోబర్తుకు, ఓండు బెస్కెటికి డొల్లి అన్నొ ఇంజి నిజంగ మీకు కెచ్చనాన్ ఇంజోరె కెత్తొ. 52 అస్కె యూదుర్కు ఓనిని ఊడి: నిమ్మ అసలు థెయ్యమ్ పెయుతోండింజి ఇంజె మమ్మ తెలుస్కుట్టామ్. ఆబ్రగామ్, థేమండు-కెత్త-మాట కెత్తరంథోరు డొల్లి అత్తోరు. గోని నిమ్మటోనో ఒరోండు నా మాట కేంజి 53 మా తప్పె అత్త ఆబ్రగామ్కన్న నిమ్మ గొప్పవానినె? ఓండు డొల్లి అత్తొ. థేమండు- కెత్త-మాటా కెత్తోరంథోరు గూడ డొల్లి అత్తోరు. ఆలా మన్నంగ నిమ్మ బేలోంటివాండు ఇంజి అనుకునుంజనీన్ ఇంజోరె తలప్తోరు. 54 థానికి యేసు: నాకు నస్నె గొప్పంగ తుంగ్కు థాంటె బాత గొప్పతనమ్ మింథె? నా తప్పె నానిన్ గొప్పంగ తుంగనో. ఓండె మీ థేమండింజి మీరు కెచ్చనీర్. 55 అత్కన్న మీరు ఓనిని పున్ని ల్లీరి. గోని నన్న ఓనిని పున్ని మినాన్. నన్న ఓనిని పున్నిల్లాన్ ఇంజి కెతుకు మీ తిస్తె నన్న గూడ ఒరొ బరుకుడుగాండు అయుతాన్. నన్న ఓనిని పున్ని మినాన్ గాబట్టి ఓని మాటతికి ల 56 మీ తప్పె అత్త ఆబ్రగమ్ నన్న వాథాని థినతిని ఆసతోటె ఎదురూడోరె మత్తొ. మల్ల థానిని ఊడి కుసేలి పర్తో ఇంజోరె జవాబిత్తో. 57 అస్కె యూదుర్కు ఓనిని ఊడి: నీకు ఇంక యేబయు ఏండ్కిసె వయుసు గూడ ఆథిల్లె గథా? ఆలా మన్నంగ, నిమ్మ ఆట్రగామిని ఊడ్తినె ఇంజోరె తలప్తోరు. 58 థానికి యేసు: ఆట్రగామ్ పుట్టోక మున్నై నన్న మినాన్ ఇంజోరె నిజంగ మీకు కెచ్చనాన్ ఇంజోరె కెత్తొ. 59 అస్కె ఓనిని రాయుకినితోటె తన్నవాలె ఇంజి ఓరు రాయుకిని పెక్తోరు. అస్క్ యేసు అనకి ఓరగ్గనుంచి థేమటె గుడిథిని విడిసి అత్తో.

9

1 యేసు అరిథె అంజోరె మన్నంగ పుట్కాతెనుంచి గుడ్డి వాండుగ మత్త ఒరొ మనుసుని ఊడ్తో. 2 అస్కె ఓని సిసూర్కు ఓనిని ఊడి: రబి, బేనొ తుంగ్త పాపతెవల్ల ఈండు గుడ్డివాండుగ పుట్తో. ఈండు తుంగ్త పాపతెవలనా? ఇల్లుకు ఈని తల్లురు తప్పే తుంగ్త పాపతెవలనా ఇంజోరె తలప్తోరు. 3 థానికి యేసు: ఈండు తుంగ్త పాపమ్ అయ్యో, ఈండు తల్లురు తప్పే తుంగ్త పాపమ్ అయ్యో గోని థేమటె సకితి ఈనగ్గ తోపిసనాంకి ఈండు ఈలా పుట్తో. 4 పయూల మందనస్కె నన్న నానిన్ రోత్తోని పనుంగు తుంగవాలె. నరక పెయుతె, అస్కె బేనొ గూడ పని తుంగాలొ. 5 లోకతె మందనస్కె నన్నె లోకతె మంథాని మనుసుర్కినికి పెలుంగాసి మినాన్ ఇంజోరె కెత్తొ. 6 ఈటిని కెత్తస్కె ఓండు సేల్దె ఉచ్చి, ఉచ్చుటతె బురద తుంగి, అ బురదతిని తీసి గుడ్డివాని కండ్కిని పొం్ౕరొ రాస్కి 7 నిమ్మ అంజి సిలోవామ్ ఇంథాని ఎరువినె నొరుమ్ ఇంజోరె కెత్తొ. సిలోవామ్ ఇంథాని మాటతికి రోత్తబర్తోండు ఇంజి అర్ధమ్. 8 అస్కె ఓని దగ్గర మత్తోరు మల్ల ఓండు గుడ్డివాండుగ మత్తస్కె ఓనిని ఊడ్డోరంథోరు: ఈండు కుథి మంజి తలపనోండుగథా ఇంజోరె కెత్తోరు. 9 కొంతమంథి: ఓండె ఇత్తోరు. ఇంక కొంతమంథి: ఓండు అయ్యో, ఓని తిస్తె మినొ ఇంజోరె కెత్తోరు. గోని ఓండుటోనొ: నస్నె ఓండు ఇంజోరె కెత్తొ. 10 థానికి ఓరు ఓనిని ఊడి: నిమ్మ బేలా ఊడనిన్ ఇంజోరె తలప్తోరు. 11 థానికి ఓండు: యేసు ఇంథాని ఒరోండు బురద తుంగి, నా కండ్కిన్ ఏొం్ౕరొ రాస్త్రి, నిమ్మ అంజి సిలోవామ్ ఎరువిన్ నొరుమ్ ఇంజోరె కెత్తొ. ఆలే నన్న అంజి నొర్తస్కె ఊడకసనాన్ ఇంజోరె జావాబిత్తొ. 12 అస్కె ఓరు: ఓండు బెగ్గ మినొ ఇంజోరె తలప్తోరు. అస్కె ఓండు: నాకు తెలియొ ఇంజోరె కెత్తొ. 13 అస్కె ఓరు గుడ్డివాండత్త ఓనిని పరిసేయుర్కినగ్గ తీసి అత్తోరు. 14 ఏొక్కు థినాతె యేసు బురద తుంగి ఓని కండ్కింకి సూపు ఇత్తొ. 15 గాబట్టి పరిసేయుర్కు ఓనిని ఊడి: నీకు సూపు బేలా వత్తె ఇంజి మల్ల తలప్తోరు. థానికి ఓండు: యేసు నా కండ్కిన్ పొం్ౕరొ బురద రాస్తో, నన్న నొర్తాన్, ఇంజె ఊడనాన్ ఇంజోరె కెత్తొ. 16 అస్కె పరిసేయుర్కినమటె కొంతమంథి: అ మనుసుండు నొక్కు రోజిని పాటిసటమ్ ఇల్లె గాబట్టి ఓండు థేమటగ్గనుంచి వత్తోండయ్యో ఇంజోరె కెత్తోరు. ఇంక కొంతమంథి:

పాపమ్ తుంగాని ఒరొ 17 మల్ల ఓరు గుడ్డివానిని ఊడి: నీకు సూపు ఇత్తోని గురుంచి నిమ్మ బాత కెచ్చనీన్ ఇంజోరె తలప్తోరు. థానికి ఓండు: ఓండు థేమండు-కెత్త-మాట-కెత్తనోన్ తిస్తె మీనొ ఇంజోరె కెత్తొ. 18 ఓండు గుడ్డి వాండుగ మంజి ఊడ్కత్తో ఇంజి యూదుర్కు నమ్మోక సూపు వత్తోనిస్ తల్లి తప్పేర్కిని కరెంగి, 19 ఓరిని ఊడి: ఈండు మీ మర్రినె? ఆలాయుతుకు ఈండు గుడ్డి వాండుగ పుట్తో ఇంజి మీరు కెచ్చనీర్ గథా? ఈండు గుడ్డి వాండుగ పుట్త మీ మర్రి అతుకు ఇంజె ఈండు బేలా ఊడనో ఇంజోరె తలప్తోరు. 20 థానికి ఓని తల్లురు తప్పే: ఈండు మా మర్రె ఇంజి మాకు ఎరక్కె; ఈండు గుడ్డివాండుగానె పుట్తో ఇంజి గూడ మాకు ఎరక్కె. <mark>21</mark> గోని ఈనికి సూపు బేలా వత్తె ఇంజి మాకు తెలియొ. బేనో ఈనికి సూపు వాదనాటు తుంగ్తో ఇంజి గూడ మాకు తెలియొ. ఈండు పెద్దోండు గథా? ఈనిని తలపాట్టి; ఈండె కెయుతొ ఇంజోరె కెత్తోరు. <mark>22</mark> ఓని తల్లురు తప్పే యూదుర్కింకి పెం్ౕతోరు గాబట్టి ఆలా కెత్తోరు. బారితుకు, యేసుని కిరిస్తు ఇంజి బేనోండన్న బయుథె ఒప్పుకుట్కు ఓనిని పాదన గుడిథెనుంచి బయుథె వాటవాలె ఇంజి యూదుర్కిని పెద్దాకు ఇద్దువరికె కట్టు వాట్తోరు. 23 అంత్కాటె ఈండు పెద్దోండు గథా ఈనిసె తలపాటి ఇంజి ఓని అయ్యూ ఎవ్వా కెత్తోరు 24 గాబట్టి ఓరు గుడ్డివాండుగ మత్త మనుసుని రొండోవ పట్టు కరెంగి: నిమ్మ థేమటెనె గొప్ప తుంగవాలె. ఈ మనుసుండు పాపమ్ తుంగనోండు. ఈండు మాకు తెలుసు ఇంజోరె కెత్తోరు. 25 థానికి ఓండు: ఓండు పాపమ్ తుంగనోండొబోనొ నాకు తెలియొ. నన్న గుడ్డివాండుగ మత్తాన్; గోని ఇంజె ఊడనాన్. ఇద్దు ఒరోటె నాకు తెలుసు ఇంజోరె జవాబిత్తొ. 26 ఓరు మల్ల ఓనిని ఊడి: ఓండు నీకు బాత తుంగ్తో? ఓండు బేలా నీకు సూపు ఇత్తో ఇంజోరె తలప్తోరు. <mark>27</mark> థానికి ఓండు: నన్న ఇద్దువరికె మీకు కెత్తాన్ గోని మీరు కేంజిల్లీరి. బారి మల్ల మల్ల తలపనీర్? మీరు గూడ ఓని సిసూర్కిన్ ఆదవాలె ఇంజి ఇస్టపర్సనీరె ఇంజోరె కెత్తొ. 28 అస్కె ఓరు ఓనిని నింథిసి: నిమ్మె ఓనికి సిసూండు అయుతిని గోని మమ్మ

అతుకు మోసేని సిసూర్కినీరమ్. 29 మోసెతోటె థేమండు తిరియుతో ఇంజి మాకు ఎరక్కె. గోని ఈండు బెగ్గనుంచి వత్తొ ఇందంథాని గూడ మాకు తెలియొ గథా ఇంజోరె కెత్తోరు. 30 థానికి అ మనుసుండు: ఓండు నాకు సూపు ఇత్తో. అత్కన్న ఓండు బెగ్గనుంచి వత్తో ఇంజి మీకు తెలియకుండ మందటమ్ నాకు ఆచర్యంగ మింథె. 31 పాపమ్ తుంగనోనిన్ పాదనాకిని థేమండు కేంజొ ఇంజి మనాడు పున్ని మినాడ్. ఒరోండు థేమటింకి పెరిసి ఓనికి దండమ్ వాటి, ఓని ఇస్టమ్ తుంగ్కు ఓని పాదనాకిని థేమండు కేంజితో. 32 ఈ లోకమ్ తుంగ్తెస్కెట్నుంచి పుటక గుడ్డివాని కండ్కింకి ఒరోండు సూపు ఇత్తాటు మనాడ్ బెస్కె కేంజిల్లాడ్ గథా? 33 ఓండు థేమటగ్గనుంచి వాదకుండ మతుకు బేథొరొట్టి గూడ తుంగొ గథా ఇంజోరె కెత్తొ. 34 అస్కె ఓరు: పాపతె పుట్టి పాపతె పెరస్త నిమ్మ మాకు కెచ్చనీనె ఇంజోరె కెచ్చి ఓనిని బయుథికి తురసిత్తోరు. 35 ఓనిని ఓరు బయుథికి తురసిత్తోరు ఇంజి యేసు కేంజి ఓనిని ఊడి: నిమ్మ మనుసుని మర్రిని పొం్ౕరొ నమ్మకమ్ తాసనీసె ఇంజోరె కెత్తొ. 36 థానికి ఓండు: అయ్యూ నన్న ఓని పొం్ౕరో నమ్మకమ్ తాసనాంకి ఓండు బేనొ ఇంజోరె తలప్తో. 37 యేసు ఓనిని ఊడి: నిమ్మ ఓనిని ఊడి మినీన్. నీయగ్గ తిరియనోండు ఓండే ఇంజోరె కెత్తొ. <mark>38</mark> జపుసె ఓండు: పెబువా నమ్మనాన్ ఇంజోరె కెచ్చి ఓనిని మొడక్తో. <mark>39</mark> అస్కె యేసు: గుడ్డివారు ఊడనాటు, ఊడనోరు గుడ్డివారు ఆదనాటు తీర్పు తుంగనాంకి నన్న ఈ లోకతికి వత్తాన్ ఇంజోరె కెత్తొ. 40 ఓనితోటె మత్త పరిసేయుర్కినమటె కొంతమంథి, ఈటిని కేంజ్తస్కె, మమ్మ గూడ గుడ్డివారమ్ ఇంజనీసె ఇంజోరె కెత్తోరు. 41 అస్కె యేసు ఓరిని ఊడి: మీరు గుడ్డివారుగ మతుకు మీకు పాపమ్ మన్నొ. గోని మమ్మ ఊడనామ్ ఇంజి మీరు కెచ్చనీర్ గాబటి మీరు పాపతె గెట్టింగ నిచ్చి మినిర్ ఇంజోరె కెత్తొ.

1 యేసు ఈలా కెత్తొ: ఒరొండు గొర్రెని థొడ్డితె మొత్త థోరింపినె అన్నకుండ వేరె అర్రిథె అత్తుకు ఓండు, థొంగాల్ నిసె థోచి ఓదనోండుగ మంతో ఇంజోరె మీకు నిజంగ కెచ్చనాన్. 2 గొర్రెని థొడ్డితె మొత్తతె థాయనోండు గొల్ల బోయుండాసి మినొ. 3 మొత్తతె కావెలి మందనోండు గొల్ల బోయుడింకి మొత తీసిత్తొ. గొర్రెకు ఓని లేంగు కేంజితా. ఓండు ఓని సొంత గొర్రెకిని పెథేరు పెయుసి కరెంగి వాటినిబయుథికి నడిపిస్తోోత. 4 ఓండు ఓని గొర్రెకంత బయుథికి తోలి తత్తస్కె వాటికన్న ముస్నె అంజి వాటిని నడిపిస్తో. అమ్వ ఓని లేంగు పున్ని మినా గాబట్టి ఓని పెరికె థెయుతా. 5 అమ్వ పేరె గొల్ల బోయుండిని పెరికె అన్నో. ఓనగ్గనుంచి ఎగవాటి మిర్రితా బారిత్కు అమ్వ ఓని లేంగు పున్నిల్లా. 6 ఈ సాటువ యేసు ఓరితోటె కెత్తో గోని ఓండు కెత్తదు బాతథింజి ఓరు అర్దమ్ తుంగిల్లోరు. 7 గాబట్టి యేసు మల్లా ఈలా కెత్తో: నస్సై గొర్రెకు థాయూని మొత్త ఆసీ మీనాన్ ఇంజి మీతోటె నిజంగ కెచ్చనాన్. \$ నాకన్న ముస్సె వత్తోరంథోరు థొంగాకు నిసె థోచి ఓదనోరాసి మినోరు గాబట్టి గొర్రేకు ఓరి మాటకిని కేంజిల్లా. 9 నన్స్టె గొర్రెకు థాయూని మొత్త ఆసి మినాన్. బేనొ అతుకు నా థోరింపినె లోపటికి థెయుత్తోండో ఓండు బద్రంగ మంత్తో. ఓండు ఓనికి ఇస్టమ్ వత్త చోటింకి అంజి కావలస్త థోడ తింజి పెయుతో. 10 థొంగాలు థొంగతనమ్ తుంగనాంకి నిసె అమకి పాడు తుంగనాంకి పెయుతో గోని పేరె బాల్దానికి వం్ౕరి. గోని నన్నత్కు ఓరు బేంథాంటె గూడ కొదవ ఇల్లకుండ ఓరు బతుకిసె కొల్ల కొల్ల ఆసి బదకవాలె ఇంజి వత్తాన్. 11 నన్నై మంచి గొల్ల బోయుండు. మంచి గొల్ల బోయుండత్త నన్న గొర్రెని కాపాడనాంకి నాటెసెంక నా పానతిని వాటిత్తాతన్. 12 గోని కూర్దికి మేతనోండు గొర్రెని సొంత గొల్ల బోయుండయ్యో. గాబట్టి పేంగోలమ్ వాదనద్దు ఊడి గొర్రెకిని విడిసి మిర్రితో గాబట్టి పేంగోలమ్ వాసి గొర్రెని పెయుసి మందతిని సిల్లగోలరమ్ తుంగిత్తె. 13 ఓండు గొర్రెకిని కూర్దికి మేత్తనోండు గాబట్టి గొర్రెకినిసెంక ఓనికి విచ్చారమ్ ఇల్లె. గాబట్టి ఓండు వాటిని విడిసి మిర్రితో. 14 నన్స్టె మంచి గొల్ల బోయుండు. నన్న నా

గొర్రెకిని పున్ని మినాన్. నా గొర్రెకు నానిస్ పున్ని మినా. 15 నా తప్పె నానిస్ టేలా పున్ని మినోండో ఆలాకె నన్న గూడ నా తప్పెని పున్ని మినాన్. మల్ల నన్న నా గొర్రెకినిసెంక నా పానతిని ఈసనాన్. 16 ఈ థొడ్డితికి చెంథిల్లో నాకు చెంత పేరె గొర్రెకు ఇంక నాకు మినా. వాటిని గూడ నన్న ఈ థొడ్డితికి తోలి తత్తవాలె. అమ్వ గూడ నా లేంగిని కేంజ్తాకు. అస్కె ఒరోటె మంద ఆసి మంత్తె. ఒరోండె గొల్ల బోయుండాసి మంత్తో. 17 నన్న గిరుడ్డి బదకనాంకి నా పానతిని వాటనాన్. ఆలా నన్న నా పానతిని వాటనాన్ గాబట్టి తప్పై నానిన్ పేమిసనొ. 18 బేనొ గూడ నాయగ్గనుంచి నా పానతిని తీస్కుండాలో. గోని నాకు ఇస్టమాసి నాకు నన్నై థానిని ఈసనాన్. థానిని ఈదనాంకి నాకు అథికారమ్ మింథె. థానిని గిరుడ్డి తీస్కుండత్కి నాకు అథికారమ్ మింథె. ఈలా తుంగవాలింజి నా తప్పె నాకు ఆగ్నియ ఇత్తో. 19 యేసు కెత్త ఈ మాటాకిని పెయుసి యూదుర్కినమటె మల్ల బేథాకు పుట్తా. 20 ఓరమటె థీటెమంథి: ఈండు థెయ్యమ్ పెయుసి మందనోండు నిసె పెడ్డెవాండు; బారి ఓని మాటకిని కేంజనీరి ఇంజోరె కెత్తోరు. 21 గోని కొద్దిమంథిబోనొ: థెయ్యమ్ పెయుతోండు ఈలా తిరియో గథా? థెయ్యమ్ గుడ్డివాని కండ్కింకి సూపు ఈథాలిత్తె ఇంజోరె కెత్తోరు. 22 ఆపాయ యెరుసలేంతె థేమటె గుడి పథిస్ట పండుమ్ వత్తె. అద్దు చలి కాలమ్ ఆసి మత్తె. 23 అస్కె థేమటె గుడిథె నొలొమొను మండపాతె యేసు నడనోరె మత్తో. 24 అస్కె యూదుర్కు ఓని సుట్టు గుంపు కలియు బెచ్చొ జేలు మా రుదయూతె అనుమానమ్ పుట్టిసనీర్. నిమ్మ కిరిస్తు అతుకు మాకు తేటంగ కెల్లా ఇంజోరె కెత్తోరు. 25 అస్కె యేసు ఓరిని ఊడి: నన్న మీకు కెత్తాన్ గోని మీరు థానిని నమ్మి ల్లీరి. నా తప్పెని అథికారతె నన్న తుంగాని పనుంగె నా గురుంచి సాచ్చెమ్ ఈత్తె. 26 అత్కన్న నన్న మీకు కెత్తాటు మీరు నా గొర్రెకిని మంద ఇల్లీరి గాబట్టి నానిన్ నమ్మకుండ మంజనీర్. 27 గోని నా గొర్రెకు నన్న కెత్తాతని మాటతిని కేంజిత్తా. నన్న వాటిని పున్ని మినాన్; అమ్వ నాకు పెరికె వాసనా. 28 నన్న వాటికి

బెస్కెటికి బతికి మంథాని జీవితతిని ఈసనాన్. అమ్వ బెస్కె గూడ పాడాసి అన్నొ. బేనో గూడ వాటిని నా కయుథెనుంచి లాగొ. 29 వాటిని నాకు ఇత్త నా తప్పె అంథోరికన్స్ గొప్పవాండాసి మినొ. గాబట్టి బేనో గూడ నా తప్పెని కయుథెనుంచి వాటిని లాగొ. 30 నన్న నిసె నా తప్పె ఇరువమ్ ఒరోటాసి మినామ్ ఇంజోరె కెత్తో. 31 అస్కె యూదుర్కు ఓనిని రాయుకినితోటె తన్ని అమకవాలె ఇంజోరె రాయుకిని పెక్తోరు. 32 అస్కె యేసు ఓరిని ఊడి: నా తప్పెని సకితి థోరింపిసె మీరు ఊడనాటు నన్న థీబె మంచి పనుంగిని తుంగ్తాతన్. అతుకు బేని పనుంగిని పెయుసి నానిన్ రాయుకినితోటె తన్నవాలె ఇంజనీర్? 33 అస్కె యూదుర్కు ఓనిని ఊడి: నిమ్మ తుంగ్త మంచి పనుంగిని పెయుసి అయ్యో. గోని నిమ్మ వట్టి మనుసుండుగ మంజి నీకు నిమ్మె థేమడింజి కెచ్చి థేమటిని ఆస్కెమ్ తుంగనీన్ గాబట్టి నీనిన్ రాయుకు 34 అస్కె యేసు ఓరితోటె: మీరు థేవారాసి మినీర్ ఇంజి థేమండు కెత్తాటు మీ పుస్తకాతె రాసి మింథె గథా? 35 థేమటె మాట ఏంత్తోరిని థేవారింజి ఓండు కెచ్చి మత్తస్కె, థేమటె పుస్తకమ్ అబద్దమ్ కెల్లో గథా? 36 ఆలా మన్నంగ, తప్పె నానిన్ తెలుస్కునుంజి ఓని పనుంగిని తుంగనాంకి ఈ లోకతికి రోత్తో గాబట్టి నన్న నానిన్ థేమటిని మర్రి ఇంజి కెత్తాన్. ఆలా కెత్తంథాని పెయుసి నన్న థేమటిని ఆస్కెమ్ తుంగ్తాన్ ఇంజి మీరు నా గురుంచి కెత్తాటమ్ బేలా? 37 నా తప్పెని పనుంగిని నన్న తుంగకుండ మతుకు నానిస్ మీరు నమ్మనక్కరిల్లె. 38 గోని నా తప్పెని పనుంగిని నన్న తుంగ్కన్న మీరు నానిస్ నమ్మిల్లీరి. నన్న తప్పెనమటె తప్పె నాయమటె కలియు మినామ్ ఇంజి మీరు తెలుస్కునుంజనాంకి కనిసమ్ ఆ పనుంగిని ఊడి మీరు నమ్మాటి ఇంజోరె కెత్తొ. 39 థీని పెయుసి ఓనిని పెయుదవాలె ఇంజి ఓరు మల్ల పయతనమ్ తుంగ్తోరు గోని ఓండుబోనొ ఓరగ్గనుంచి తప్పి అంజి, 40 యోర్గాను అబ్బెటె యోవాను బాప్తిసమ్ ఇత్త జేగతికి గిరుడ్డి అంజి అగ్గ మత్తో. 41 అస్కె థీబెమంథి ఓనగ్గ వాసి: యోవాను ఒరొ గొప్ప పనుంగు గూడ తుంగిల్లో. గోని

యోవాను ఈని గురుంచి కెత్తనవంత నిజంగా మింథె ఇంజోరె కెత్తోరు. 42 అగ్గ థీబెమంథి ఓని పొం్ౕరొ నమ్మకమ్ తాస్తోరు.

11

1 మరియూ థాని అక్కా మార్త కాపరమ్ తుంగాని బెత్తానియ ఇంథాని నాటె లాజరు ఇంథాని ఒరొ జబ్బిసె మత్తొ. 2 ఒరొ పట్టు యేసుని కాల్కింకి అత్తరు రాసి థాని కెల్కితోటె ఓని కాల్కిని ఉమ్తద్దు ఈ మరియూనె. (థాని తమ్ముండు లాజరు జబ్బినె మత్తో). 3 అస్కె ఓని అక్కాకు: పంతులు, నిమ్మ బాగు పేమిసాని నీ జతగాండు జబ్బిసె మినొ ఇంజోరె కెచ్చి యేసునగ్గ కబురు రోత్తోరు. 4 గోని యేసు అ కబురు కేంజ్తస్కె: ఈ జబ్బు ఓండు డొల్లి థాయటాంకి వాథిల్లె గోని థేమటింకి గొప్ప ఆదవాలింజి వత్తె. ఈ జబ్బిని థోరింపిసె థేమటె మర్రి గూడ గొప్ప అయుతో ఇంజోరె కెత్తో. 5 యేసు మార్తాని, థాని ఏలాటిని, లాజరుని పేమిస్తో. 6 గోని లాజరు జబ్బినె మినో ఇంథాని కబురు కేంజ్త పాయ ఓండు మత్త జేగాతె ఇంక రొండు రోజుకు ఆంగ్తో. 7 ఆపాయ ఓండు ఓని సిసూర్కిని ఊడి: మనాడ్ మల్ల యూథేయూ నాటింకి దక్కడ్ వంౕరాటి ఇంజోరె కెత్తొ.  $extbf{8}$  థానికి సిసూర్కు: పంతులు ఒన్నె గథా యూదుర్కిని పెద్దాకు నీనిన్ రాయుకినితోటె తన్నవాలింజి ఊడ్తోతరు. ఆలా మన్నంగ నిమ్మ మల్ల అగ్గ థాయొచ్చా ఇంజోరె తలప్తోరు. 9 థానికి యేసు: పయూల్ధికి పన్నెండు గంటా మింథె గథా. ఒరోండు పయూల్ పేలాతె నడుత్కు, ఈ లోక పెన్సిల్దె నడసనొ గాబట్టి ఓండు సేల్దె అరవొ. 10 గోని ఒరోండు నరక పేలాతె నడుత్కు ఓనగ్గ పెన్నిలా ఇల్లె గాబట్టి ఓండు సేల్దె అర్దితో ఇంజోరె కెత్తొ. 11 వీటిని ఓండు కెత్త పాయ ఓరిని ఊడి: మన జతగాండు, లాజరు ఉంజోరె మినో. ఓనిని తేతటాంకి నన్న థెయుతాన్ ఇంజోరె కెత్తొ. 12 థానికి ఓని సిసూర్కు: పెబువా ఓండు ఉంజోరె మతుకు తేథితో గథా ఇంజోరె కెత్తోరు. 13 యేసుబోనొ ఓండు డొల్లి

అత్తొ ఇందంథాని గురుంచి ఆలా కెత్తో. గోని ఓరుబోనొ ఉంజి ఏొక్కు తీర్పంథాని గురుంచి కెత్తొ ఇంజోరె అనుకుట్టోరు. 14 అస్కె యేసు ఓరిని ఊడి: లాజరు డొల్లి అత్తో ఇంజీ తేటంగ కెచ్చి,  ${f 15}$  మీరు నా పొం ${}^{\circ}$ రొ గెట్టి నమ్మకమ్ తాసనాంకి నన్న అగ్గ మందకుండ మందటమ్ మీకు మంచి అయుతె ఇంజి ఊడి నన్న కుసేలి పర్సనాన్. వంౕరాటి మనాడ్ ఓనగ్గ దక్కాడ ఇంజోరె కెత్తో. <mark>16</mark> అస్కె కవల ఇంథాని తోమా ఇందనోండు సిసూర్కిని ఊడి: ఓనితోటె డొల్లి థాయనాంకి మనాడ్ గూడ దక్కడ్ వంౕరాటి ఇంజోరె కెత్తో. 17 యేసు బెతానియూ వత్తస్కె, లాజరుని వీస్పెటెతె వాటి నాలు రోజుకు అత్తె ఇంజి తెలుస్కుట్టొ. 18 బెతానియూ యెరుసలేమ్ దగ్గర థాథాపు రొండు కొసుర్ దూరమ్ మత్తె. 19 థీబెమంథి యూదుర్కు మార్తా మరియూ ఓరి తమ్మానిసెంక సమా తుంగనాంకి ఓరగ్గ కూడి వత్తోరు. <mark>20</mark> యేసు వాసనొ ఇంథాని కబురు మార్తా కేంజ్తస్కె ఓనికి ఎదురు అత్తె. మరియూబోనొ లోత్తె కుథి మత్తె. <mark>21</mark> మార్తా యేసునగ్గ వాసి: పెబువా నిమ్మ ఇగ్గ మంజి మతుకు నా తమ్మాల్ డొల్లకుండా మందకో. 22 ఇంజె అత్కన్న నిమ్మ థేమటగ్గ బాత తరిపితినో థానిని థేమండు నీకు ఈతో ఇంజి నాకు ఎరక్కె ఇంజోరె కెత్తె. 23 యేసు థానిని ఊడి: నీ తమ్మాల్ మల్ల తేథిత్తో ఇంజోరె కెత్తో. 24 థానికి మార్తా: డొల్లి అత్తోరంథోరు తేథాని ఆకరి థినాతె ఓండు గూడ తేథిత్తో ఇంజి నాకు ఎరక్కె ఇంజోరె కెత్తె. 25 యేసు థానిని ఊడి: నన్నె డొల్లి అత్తోరిని తేథిసి ఓరికి పానమ్ ఈదనోండు. నా పొం్ౕరొ నమ్మకమ్ తాసనోండు డొల్లి అత్కన్న బథికితో. 26 బథికి మంజి నా పొం్ౕరొ నమ్మకమ్ తాసాని పతివాండు బెస్కెటికి డొల్లకుండా మంత్తో. ఈ నమ్మకమ్ నీకు మింథె ఇంజోరె థానిని తలప్తోత. 27 థానికి అద్దు: యూ. పెబువా నిమ్మ ఈ లోకతికి వాథాని థేమటె మ్రరి అత్త కిరిస్తు ఇంజి నన్న నమ్మనాన్ ఇంజోరె ఓనితోటె కెత్తె. 28 ఈటిని కెత్తస్కె అద్దు అంజి థాని యేలాడి మారియూని సాటిసె కరెంగి: మన

పంతులు వాసి మినొ, నీనిన్ కరెంగనొ ఇంజోరె కెత్తె. 29 థానిని కేంజ్రస్కె అద్దు జపునె తేథి ఓనగ్గ వత్తె. 30 గోని యేసు ఇంక నాటెని లోపటికి వాదకుండ మార్తా ఓనిని కలియుత జేగాతె మత్తో. 31 అస్కె లోత్తె థానితోటె మంజి థానిని సమా తుంగనాంకి వత్త యూదుర్కు, మరియూ జపుసె తేథి థాయనద్దు ఊడి: వీస్కినగ్గ అడదనాంకి అద్దు అంజోంథె ఇంజోరె అనుకునుంజి థాని పెరికె అత్తోరు. 32 యేసు మత్త జేగతగ్గ మరియూ వాస్తి, ఓనిని ఊడి, ఓని కాల్కిన్ ఏొం్ౕరొ అరిసి: పెబువా నిమ్మ ఇగ్గ మంజి మతుకు నా తమ్మాలు డొల్లకుండ మందకో ఇంజోరె కెత్తె. 33 అద్దు అడతనద్దు మల్ల థానితోటె కలియు వత్త యూదుర్కు అంథోరు అడతనద్దు యేసు ఊడ్తస్కె ఓని రుదయూతె బాదపరిస్కి 34 ఓనిని బెగ్గ వాట్తీరి ఇంజోరె తలఫ్తోత. థానికి ఓరు: పెబువా, వాసి ఊడా ఇంజోరె ఓనితోటె కెత్తోరు. 35 యేసు అడత్తో. 36 అస్కె యూదుర్కు: ఊడా, ఈండు ఓనిని బెచ్చొ పేమిస్తో ఇంజోరె ఒరోంకొరొ కెత్తోరు. 37 గోని ఓరమటె కొంతమంథి: గుడ్డివానిని ఊడనాటు తుంగ్త ఈండు, ఈనిని డొల్లకుండా తుంగొచ్చు గథా ఇంజోరె కెత్తోరు. 38 అస్కె యేసు మల్ల ఓని రుదయూతె సేన బాదపరిసి వీస్పెటెతగ్గ వత్తొ. అ వీస్పెటె ఒరొ థొన తిస్తె మత్తె. థాని పొం్ౕరొ ఒరొ రాయు వాటి మత్తె. 39 అస్కె యేసు: అ రాయుతిని తీసి వాటాటి ఇంజోరె కెత్తొ. అస్కె డొల్లి అత్తోనిన్ అక్కా అత్త మార్తా ఓనిని ఊడి: పెబువా ఇంజె కడియు వాససె పెయుతె గథా? ఓండు డొల్లి అంజి నాలు రోజ్కు అత్తె గథా ఇంజోరె కెత్తె. 40 యేసు థానిని ఊడి: నిమ్మ నమ్మకమ్ తాస్కు థేమటె గొప్పతనమ్ బేలోంటద్దో నిమ్మె ఊడితిని ఇంజి నన్న నీకు కెత్తిల్లన ఇంజోరె కెత్తో. 41 అస్కె ఓరు రాయుతిని తీసి వాట్తోరు. అస్కె యేసు ఓని కండ్కిని ఏొం్ౕరొటికి తేచి: అయ్యూ, నిమ్మ నా మొర కేంజ్తిన్ గాబట్టి నీకు దండాకు వాటనాన్. 42 నిమ్మ బెస్కెటికి నా మొర కేంజనీన్ ఇంజి నాకు తెలుసు. అత్కన్న నిమ్మ నానిన్ రోతిన్ ఇంజి ఇగ్గ

సుట్టు నిచ్చి మందనోరు నమ్మకమ్ తాసనాంకి ఈలా కెచ్చనాన్ ఇంజోరె కెత్తొ. <mark>43</mark> ఇవ్వంత కెత్తెస్కె: లాజరు బయుథికి వం్ౕరా ఇంజి కూకవాటి కరెంగ్తో. 44 అస్కె డొల్లి అత్తోండు బయుథికి వత్తో. ఓని కాల్కు కయుకు తెల్లా గుడాతోటె తొచ్చి మత్తె. ఓని మొక్కుమ్ గూడ కండవాతె తొచ్చి మత్తె. అస్కె ఓరిని ఊడి: ఈని కట్కు లేచ్చిముటు ఇంజోరె కెత్తో. 45 అస్కె మరియూని ఊడనాంకి వత్తోరమటె థీబెమంథి యూదుర్కు యేసు తుంగ్త పనుంగంత ఊడ్తస్కె ఓని ఏొం్ౕరో నమ్మకమ్ తాస్తోరు. 46 గోని ఓరమటె కొంతమంథి పరిసేయుర్కినగ్గ అంజి యేసు తుంగ్తవంతా తెలియ కెత్తోరు. 47 అస్కె పెద్ద పూజారిర్కు యూథా మత పెద్దాకు అంథోరు పెద్ద పంచాథి వాటి, మనాడు బాత తుంగనాడు? ఈ మనుసుండుబోని సేన గొప్ప పనుంగు తుంగోరె మినొ. 48 మనాడు ఈలా ఈనిని విడిసితుకు జనాకంథోరు ఈని పొం్ౕరొ నమ్మకమ్ తాసిత్తోరు. అస్కె రోమియుర్కు వాసి థేమటె గుడిథిని నాస్నమ్ తుంగి మన జనాకిని సెరపిత్తోరు ఇంజోరె కెత్తోరు. 49 అస్కె ఓరమటె ఒరోండత్త కయుపా ఇందనోండు, ఆ ఏండు పెద్ద పూజారిగ మంత్తోండు. ఓండు ఓరిని ఊడి: మీకు బాత తెలియుల్లె. 50 జనాకంథోరు పాడాసి థాయకుండా జనాకినిసెంక ఒరోండు డొల్లి థాయటమ్ మంచిథి ఇంజి మీరు బారి ఆలోసిసిల్లీరి ఇంజోరె ఓరితోటె కెత్తో. 51 ఈలా ఓనికి ఓండె కెల్లకుండా అ ఏండినె ఓండు పెద్ద పూజారిగ మత్తో గాబట్టి ఆలా కెత్తో. మల్ల ఓండు: యేసు యూదుర్కినిసెంక డొల్లి థెయుత్తో ఇంజి, 52 ఓరిసెంక మ్రాతమె అయ్యోక, సిల్లగోలరమ్ ఆసి అత్త థేమటె జనాకు కలియు మందనాంకి గూడ ఓండు డొల్లి థెయుతొ ఇంజి థేమండు కెత్త మాటకిని తెలియోకనె ఓండు కెత్తో. 53 అ థినాతెనుంచి యేసుని బేలా అమకవాలో ఇంజోరె తలస్తోరె మత్తోరు. 54 థీని పెయుసి యేసు అంథోరు ఊడనాటు యూదుర్కినమటె పయనమ్ తుంగకుండా అ జేగా విడిసి, యెడారి దగ్గర మంథాని ఎ్రపయుమ్ ఇంథాని నాటెంకి అత్తో. అగ్గ ఓని సిసూర్కినితోటె మత్తో. 55 అస్కె యూదుర్కిని పస్కా ఇంథాని పండుమ్ దగ్గరె వత్తె.

అ పండుంత్కన్న మున్నె థీబెమంథి ఓరిని సుబ్బరంగ నొర్దనాంకి పల్లె నాకినుంచి యెరుసలేమ్ పటనాతికి వత్తోరు. 56 అగ్గ ఓరు యేసుని మెక్కోరె థేమటె గుడిథె నిచ్చి, ఓండు పండుంతికి వెయుతోండొ బోనో మీకు బేలా అనిపిస్తె ఇంజోరె ఒరోంకొరొ తిరియుత్తోరు. 57 పెద్ద పూజారిర్కు నిసె యూథా మత పెద్దాకు ఓనిని పెయుదవాలె ఇంజి ఆలోసిసి మత్తోరు గాబట్టి బేనోండన్న యేసు మంథాని జేగా తెలిసి మతుకు థానిని తెలియ కెత్తవాలె ఇంజోరె ఆగ్ని యపిసి మత్తోరు.

### 12

1 పస్కా ఇంథాని పండుమ్ వాదనాంకి ఆరు రోజుకిన్ ముస్సై డొల్లి అంజి మల్ల త్యెత లాజరు మత్త బెత్తానియూ నాటింకి యేసు వత్తో. 2 అగ్గ ఓనికి బంతి వాట్తోతరు. మార్తా పని తుంగ్తె. లాజరుగూడ యేసునితోటెె బంతితె కుథి మత్తో. 3 అస్కె మరియ సేన కరిదత్త అచ్చమ్ అత్తరు సీసా పమ కిలో పెయుసి వాసి యేసుని కాల్కిని పొం్ౕరొ తొస్సి, థాని తలకయు కెల్కినితోటె ఓని కాల్కిని ఉంత్తె. అ లోను అంతా అత్తరు వాసెనితోటె కమ్మి మత్తె. 4 గోని ఓనిని పెయుసి ఈదనాంకి మత్త (సీమోంతె మర్రి అత్త) యూథా ఇస్కరియోతు ఇంథాని ఓని సిసూండు: 5 థీనిని మూడు వందల యెండి డబ్కింకి అమ్మి పేథోర్కింకి ఈథొచ్చుగథా ఇంజోరె కెత్తో. 6 ఓండు పేథోరిస్సెంక బాదపరిసి ఈలా కెల్లకుండా ఓండు థోంగాసి మత్తో గాబట్టి ఆలా కెత్తొ. మల్ల డబ్కిన్ సంచీ ఓనగ్గ మత్తె గాబట్టి థాంటె వాట్తథాన్ని తీసి ఓని సెంక ఓండు కర్సు తుంగోరె మత్తో గాబట్టి ఆలా కెత్తో. 7 అస్కె యేసు: థాని జోల్దికి థాయొదు; నానిస్ మిస్సాని థినాతెసెంక థీనిని తాసి మత్తె. 8 పేదవారితుకు మీతోటె బెస్కెటికి మినోరు గోని నన్నబోనో మీతోటె బెస్కెటికి మన్నోన్ ఇంజోరె కెత్తొ. 9 అస్కె థీబెమంథి యూదుర్కు ఓండు అగ్గ మినొ ఇంజి తెలుస్కునుంజి, యేసుని కోసమ్ అయ్యోక, ఓండు సావినుంచి తేథిస్త లాజరునిగూడ ఊడనాంకి వత్తోరు. 10

లాజరుని పెయుసి సేనమంథి యూదుర్కు యేసునగ్గ అంజి ఓని ఏొం్ౕరొ నమ్మకమ్ తాస్తోరు. 11 గాబట్టి లాజరునిగూడ అమకవాలె ఇంజి పెద్ద పూజారిర్కు ఆలోసన తుంగ్తోతరు. 12 మల్లొరొ రోజు యేసు యెరుసలేమ్ వాసనొ ఇంజి పండుంతికి వత్త థీబెమంథి జనమ్ కేంజ్తస్కె, 13 ఈత్త మారాకిన్ మట్ట నరికి పెయుసి ఓనిని కలియనాంకి ఓనికి యెదురుంగ అత్తోరు. అంజోరె థేమటింకి దండమ్, థేమటె పెథెటె వాథాని ఇ్రసయేల్కిని రాజు గొప్పవాండు ఇంజోరె కెయు కెయు కెత్తోరు. 14 మల్ల, సియోన్ పట్నా తె మంథాని జనాకినీరె పెర్తోదు. మీ రాజు గాడిథె పిల్ల తర్రి వాసనో ఇంజి థేమటె పుస్తకాతె రాసి మత్తాటు, 15 యేసు ఒరొ గాడిథె పిల్లాని ఊడి థాని పొం్ౕరో తర్రి అత్తొ. 16 ఏటిని గురుంచి ఓని సిసూర్కు అస్కె తెలుస్కుండిల్లోరు. గోని యేసు సావినుంచి తేథి గొప్ప ఆత ్తపాయ ఓని గురుంచి ఈలా రాసి మత్తె ఇంజి, మల్ల ఓరు ఓనికి బాత తుంగ్తోరింజి అస్కె గ్యాప్కమ్ తుంగ్తోరు. 17 ఓండు లాజరుని వీస్పెటెతెనుంచి బయుథికి కరెంగి సావినుంచి ఓనిని త్యెతొ ఇంజి ఓనితోటె మత్త జనాకు ఓని గురుంచి సాచ్చెమ్ కెత్తోరు. 18 ఓండు ఈలోంటి గొప్ప పని తుంగ్తో ఇంజి జనాకు కేంజ్తోరు గాబట్టి ఓనిని ఊడవాలె ఇంజి ఓనికి యెదురు అత్తోరు. 19 అస్కె పరిసేయుర్కు ఒరోంకొరొ: ఊడా, మనాడు తుంగనదంతా వట్టిడాసి థెయుతె. ఊడా, లోకమంతా ఓని పెరికె అత్తె ఇంజోరె కెత్తోరు. 20 అ పండుంతె థేమటిని మొడకనాంకి వత్త జనాతె కొంతమంథి గిరికు బాస తిరియనోరు గూడ మత్తోరు. 21 ఓరు గలిలేయూ థేసతె మత్త బెత్సాయుథా నాటెనోండత్త పిలిపునగ్గ వాసి: అయ్యూ, మమ్మ యేసుని ఊడవాలె ఇంజి ఇస్టపర్సనామ్ ఇంజోరె కెచ్చి ఓనిని తలప్తోరు. 22 పిలిపు అంజి థానిని ఆంథ్రేయతోటెౌ కెత్తో. ఆపాయ ఆంథ్రేయూ పిలిపు ఇరుమరు కలియు థానిని యేసునితోటెౌ కెత్తోరు. 23 అస్కె యేసు ఓరిని ఊడి: మనుసుని మర్రి గొప్ప ఆథాని సమయమ్ వత్తె. 24 గోదుమ గింజా సేల్గె అరిసి డొల్లకుండా మతుకు అద్దు ఆలే

ఒరోటెగానె మంతె. గోని అద్దు డొల్లి అతుకు థీబే పంటా ఈతె ఇంజోరె నిజంగా మీకు కెచ్చనాన్. 25 బేనొ అతుకు ఓని పానతిని పేమిసనోండొ ఓండు థానిని మాపితొ. గోని బేనొ అతుకు ఈ లోకాతె ఓని పానతిని పేమిసకుండా మంతోండొ ఓండు థానిని బెస్కెటికి తాసిత్తో. 26 ఒరోండు నాకు పని తుంగవాలితుకు ఓండు నా పెరికె వాదవాలె. నన్న మంథాని నోటే నా పనివాండు గూడ మంత్తో. ఒరోండు నాకు పని తుంగ్కు తప్పె అత్త థేమండు ఓనికి బమమానమ్ ఈసి ఓనిని గొప్ప తుంగితో. 27 ఇంజె నా రుదయమ్ సేన బాదపరసోంథె. నన్న బాత కెత్తవాలె; అయ్యూ ఈ బాదతెనుంచి నానిన్ తప్పిసా ఇంజోరె కెయుతానా? అయ్యో. ఆలా కెల్లన్. థీనిసెంక గథా నన్న వత్తాన్. 28 అయ్యూ నీ పెథేటిని నిమ్మ గొప్ప తుంగా ఇంజోరె కెత్తొ. అస్కె: గొప్ప తుంగ్తా్తన్; ఇంకా గొప్ప తుంగిత్తాన్ ఇంథాని మాట ఆకాసతెనుంచి కేంజకత్తె. 29 అగ్గ నిచ్చి మత్త జనాకంథోరు థానిని కేంజి: మరుంత్తె ఇంజోరె కెత్తోరు. ఇంకా కొంతమంథి: థేవ దూతా ఓనితోటె తిరియుతో ఇంజోరె కెత్తోరు. 30 యేసు ఓరిని ఊడి: మీసెంక ఈ మాటా వత్తె గోని నాసెంక ఈ మాటా వాథిల్లె. 31 ఇంజె ఈ లోకాతికి తీర్పు వాసి మింథె. ఇంజె ఈ లోకాతికి రాజుగా మత్త సయుతాను బయుథికి తురసబరితొ. 32 జనాకు నానిన్ సేల్దెనుంచి సిలువతె ఏొం్ౕరొ వాటనస్కె అంథోరిని నాయగ్గ సేర్పుకుంటాన్ ఇంజోరె కెత్తొ. 33 ఓండు బేలోంటి సామ అరదవాలొ థానిని తోపిసనాంకి ఓండు ఈలా కెత్తొ. <mark>34</mark> అస్కె జనాకు ఓనిని ఊడి: కిరిస్తు బెస్కెటికి మీనో ఇంజి థేమటె పుస్తకాతె కెత్తాటు మమ్మ కేంజ్తూతమ్. ఆలా మన్నంగా మనుసుని మర్రి సిలువతె పొం్ౕరో వాటవాలింజి కెచ్చనీనె, అద్దు బేలా? ఈ మనుసుని 35 థానికి యేసు: ఇంకా కొంత సమయమె పెన్సి లి మీయగ్గ మంత్తే. గాబట్టి సీకట్లె మీరు థొర్కిసకుండా పెన్ని లి మీయగ్గ మంథాని జేపు థాంటె నడుముటు. సీకట్లె నడదనోండు ఓండు థాయూని సోటు బేథో ఓనికి తెలియో. 36 పెన్నిల మీయగ్గ మన్నంగె మీరు పెన్నిల్తోరాసి మందనాంకి పెన్నిలతిని నమ్మాటి

ఇంజోరె కెత్తో. యేసు ఈలా కెత్తస్కె ఓరిని విడిసి అనక్తో. 37 ఓండు ఓరు ఊడనాటు ఇచ్చో గొప్ప పనుంగు తుంగ్కన్న గూడ ఓరు ఓని పొం్ౕరో నమ్మకమ్ తాసిల్లోరు. 38 పెబువా నిమ్మ కెత్త కబుటిని బేనో నమ్తో? థేమటె బలాతిని బేనో గిరగిస్తో ఇంజి యేసాయూ కెత్త మాటా సెరపేర్సనాంకి ఈలా జరగ్తె. 39 అంత్కాడె ఓరు నమ్మకమ్ తాసకుండా అత్తోరు. <mark>40</mark> బారిత్కు ఓరు కండ్కిన్తోటె<sup>ా</sup> ఊడి, రుదయూతె అర్దమ్ తుంగి, మనుసు మార్సి నా థోరింపిసె బాగు పర్దకుండా, ఓండు ఓరి కండ్కిని గుడ్డి తుంగి, ఓరి రుదయతిని గెట్టి పరస్తో ఇంజి యేసాయూ మల్ల కెచ్చి మత్తో. 41 యేసాయూ ఓని గొప్పతనతిని ఊడ్తో గాబట్టి ఓని గురుంచి ఈలా కెత్తో. 42 అత్కన్న థీబెమంథి యూదుర్కిని పెద్దాకు గూడ ఓని ఏొం్ౕరో నమ్మకమ్ తాస్తోతరు. గోని పరిసేయుర్కు ఓరిని పాదన గుడిథెనుంచి తీసి వాటిత్తోరొబోనొ ఇంజోరె పెర్స్టి ఓరి మున్స్టై థేమటిని నమ్తాప్ 43 ఓరు థేమటె థోరింపిసె వాథాని గొప్పతనత్కన్న మనుసుర్కిని థోరింపిసె వాథాని గొప్పతనతిని ఓరు ఎకువ ఇస్టపర్తోరు. 44 అస్కె యేసు కూక వాటి ఈలా కెత్తో: నాయగ్గ నమ్మకమ్ తాసనోండు నాయగ్గ అయ్యో గోని నానిన్ రోత్త తప్పెనగ్గ నమ్మకమ్ తాసనో. 45 నానిన్ ఊడనోండు నానిన్ రోత్తోనిని ఊడనొ. 46 నా ఏొం్ౕరొ నమ్మకమ్ తాసాని పతివాండు సీకడ్దె మందకుండా మందనాంకి, నన్న ఈ లోకతికి పెన్నిలాసి వత్తాన్. 47 బేనో అతుకు నా మాట కేంజి నమ్మకమ్ తాసకుండా మంతోండొ నన్న ఓనికి తీర్పు తుంగోను. బారితుకు నన్న ఈ లోకతిని తీర్పు తుంగనాంకి వాథిల్లాన్ గోని ఈ లోకతిని కాపాడనాంకి వత్తాన్. 48నానిన్ విడిసి వాటి నా మాటాని ఒప్పుకుండిల్లోవానికి తీర్పు తుంగనద్దు ఒరోటి మింథె. నన్న కెత్త మాటకిని పెయుసె నన్న ఓనిని ఆకరి థినాతె తీర్పు తుంగిత్తాన్. 49 బారిత్కు నాకు నస్నె సొంతంగ బాత తిరియుల్లాన్. నన్న బాత తిరియ్యవాలో, బాత కెత్తవాలో నానిన్ రోత అయ్యూల్ నాకు ఆగ్నియ ఈసి మినో. 50 ఓండు ఇత్త ఆగ్స్తియతె బెస్కెటికి మంథాని జీవమ్ మింథె ఇంజి నాకు తెలుసు. గాబట్టి

## *13*

1 పస్కా ఇంథాని పండుంతికి ముస్స్, యేసు ఈ లోకతిని విడిసి గిరుడ్డి ఓని అయ్యూనగ్గ థాయూని సమయమ్ వత్తె ఇంజోరె తెలుస్కుటో. ఈ లోకాతె ఓనికి చెంత్తోరిని పేమిస్కి ఆకరిథాకా ఓరిని ఓండు పూర్తిగ పేమిస్తో. 2 యేసు ఓని సిసూర్కిన్తోటెె ములుపె థోడా తింజోరె మన్నంగ, యేసుని ఒపగిసవాలె ఇంజి సయుతాను ఇద్దు వర్కె సీమోను మర్రి అత్త యూథా ఇస్కరియోతుని రుదయతె సెడ్డ ఉపాయమ్ తుంగి మత్తో. 3 ఆయ్యూలత్త థేమండు ఓని అథికారమంతా ఓనగ్గ ఒపగిస్తొ ఇంజి మల్ల ఓండు థేమటగ్గనుంచి వత్తో ఇంజోరె, గిరుడి ఓండు థేమటగ్గ థాయవాలె ఇంజోరె యేసు తెలుస్కుటొ. 4 అస్కె యేసు బంతితెనుంచి తేథి, ఓని చొక్క కుచ్చి వాటి, ఒరొ కండవాతిని నడిమిని తొచ్చి, 5 ఒరొ పల్లేతె ఏరు తొస్సి, సిసూర్కిని కాల్కిని నొరిసి, ఓని నడిమిని తొచ్చి మంథాని కండవాతిని లేచి, ఓరి కాల్కిని ఉమ్తో. 6 ఓండు సిమోన్ పెతురు దగ్గర వత్తెస్కె, పెతురు ఓనిని ఊడి: పెటువా, నిమ్మ నా కాల్కిని నొర్దితిసె ఇంజోరె తలష్తోత. <mark>7</mark> థానికి యేసు: నన్స బారి థీనిని తుంగనాన్ ఇంజి ఇంజె నీకు తెలియొ. గోని మున్సైటికి నిమ్మ తెలుస్కుంటిన్ ఇంజోరె కెత్తొ. 8 థానికి పెతురు: నిమ్మ బెస్కెగూడ నా కాల్కిని నొర్తాలిన్ ఇంజోరె కెత్తొ. థానికి యేసు: నన్న నీ కాల్కిని నొర్వకుంట మతుకు నాతోటె నీకు పొత్తిల్లె ఇంజోరె కెత్తొ. 9 థానికి సిమోన్ పెతురు: పెబువా, నా పాథాకు మ్రాతమె అయ్యోకా నా కయుకు, నా తల్కయు అంతా నొర్దవాలె ఇంజోరె కెత్తొ. 10 థానికి యేసు: ఏరు పూంతోని ఒల్లు సుబ్బరంగ మంతె గాబట్టి ఓండు ఓని కాల్కిని మటింకె నొర్తుకు సాలు. అస్కె ఓండు పూర్తిగ సుబ్బరంగ మంత్తో. ఒరోండు తప్సా మీరంథోరు సుబ్బరంగ మినీర్ ఇంజోరె కెత్తొ. 11 బారితుకు ఓనిని ఒపగిసనోండు బేనొ ఇంజోరె

యేసుంకి తెలియు మత్తె గాబట్టి మీరంథోరు సుబ్బరంగ ఇల్లీర్ ఇంజోరె కెత్తోత. 12 ఓరి పాదకిని నొర్తెస్కె ఓండు ఓని గుడా కెర్సి మల్ల బంతితె కుథి మంజి, ఓరిని ఊడి: నన్స్ తుంగ్తదు బాత ఇంజోరె మీరు తెలుస్కుట్టీరె? 13 మీరు నానిన్ బోదకుండింజి, పెబు ఇంజి కరెంగనీర్. మీరు నానిన్ ఆలా కరెంగటమ్ మంచిథె; బారితుకు నన్న నిజంగ ఆలోంటోనే. 14 గాబట్టి బోదకుండు, పెబు అత్త నన్న మీ కాల్కిని నొర్తాన్ ఇతుకు మీరు గూడ ఒరోని కాల్కు ఒరొ నొరదవల్సికె మింథె. 15 నన్న తుంగ్తాటుగా మీరు గూడ తుంగవాలె ఇంజోరె మీకు ఒరొ గురుతుని తోపిస్తాేతన్. నన్న తుంగ్తాటు మీరు గూడ తుంగాటి. 16 జీతగాండు ఓని యెజమానికన్న గొప్పవాండయ్యో. కబురు తీనోథాని యూపారి ఓనిని రోత్త పోయుంకన్న గొప్పవాండయ్యో ఇంజోరె నిజంగా మీకు కెచ్చనాన్. 17 ఈదంతా మీకు తెలిసి మింథె గాబట్టి థాని పకారమ్ తుంగవాలె; అస్కె మీకు గొప్ప సంతోసమ్ పెయుతె. <mark>18</mark> మీ అంథోరు గురుంచి నన్స్ కెత్తటమ్ ఇల్లె. నన్న బేలోటి మనుసుర్కిని తెలుస్కుటన్ ఇందనద్దు నాకు తెలుసు. అత్కన్న థేమటె మాట కెత్తాటు నాతోటె థోడా తిత్తోండే నా పేలు తీసి నానిసే కొట్టితొ. 19 అద్దు జర్గోక ముస్సై ఇంజె థాని గురుంచి మీతోటె కెచ్చనాన్. అద్దు జరగ్తెస్కె, నన్నె బెస్కెటికి మందనోండు ఇంజి మీరు నమ్తీరి. 20 నానిన్ రోత్తోనిని దగ్గర తీస్తోతండు నానిన్ గూడ దగ్గర తీసితో. నానిన్ దగ్గర తీస్తోతండు నానిన్ రోత్తోనిసె గూడ దగ్గర తీస్తో ఇంజి నిజంగ మీతోటె కెచ్చనాన్ ఇంజోరె కెత్తో. 21 ఇవ్వంత యేసు కెత్తస్కె ఓని రుదయూతె సేన బాదపరిసి మీతోటె మందనోండు ఒరోండు నానిన్ పెయుసి ఒపగిసితొ ఇంజోరె మీతోటె నిజంగ కెచ్చనాన్ ఇంజోరె కెత్తొ. 22 అస్కె సిసూర్కు అనుమానపరిసి ఒరోనాకె ఒరొ ఊడి: బేనోని గురుంచి ఈండు కెచ్చనొ ఇంజోరె అనుకుట్టోరు. 23 ఓని సిసూర్కిన్తోటెౌ యేసు పేమిస్త ఒరోండు, యేసుని రొమ్మిని రోయు మత్తో. 24 అస్కె సిమోన్ పెతురు ఓనికి కయు సయుగ తుంగి, ఓండు బేనోని గురుంచి కెచ్చనొ ఇంజి ఓనిని తలప్తోత. 25 అస్కె

యేసుని రొమ్మిని రోయు మత్త ఆ సిసూండు, యేసునాకె ఊడి: పెబువా బేనోని గురుంచి ఆలా కెచ్చనీన్ ఇంజోరె తలప్తోోత. 26 థానికి యేసు: నన్న ఈ ఆరి ముక్కతిని ఈ గిన్నాతె ముచ్చి బేనోంకి ఈతానో ఓండే నానిన్ ఒపగిసిత్తో ఇంజోరె కెచ్చి, గిన్నా తె ముచ్చి సిమోను మర్రి అత్త యూథా స్కరియోతుంకి ఇత్తో. 27 యూథా అ ఆరి ముక్కతిని ఏంతస్కె సయుతాను ఓని రుదయతికి వత్తొ. అస్కె యేసు ఓనిని ఊడి: నిమ్మ తుంగవర్సింథాని జపుసె తుంగా ఇంజోరె కెత్తొ. 28 ఓండు బారి ఆలా కెత్తొ ఇంజోరె అగ్గ మందనోరమటె బేనోగూడ తెలుస్కుండిల్లోరు. 29 డబ్బిని సంచి యూథా స్కరియోతునగ్గ మత్తె గాబట్టి పండుంతికి కావలస్తవంతా తీసనాంకి, పేథోరికి సాయమ్ ఈదనాంకి కెత్తోండొబోనో ఇంజోరె కొంతమంథి సిసూర్కు అనుకుట్టోరు. 30 యూథా అ ముక్కతిని ఏంచి జపునె బయుథికి పెయుసి థెమ్మిరి అత్తో. అస్కె నరక ఆసి మత్తె. 31 యూథా, బయుథికి అత్తస్కె యేసు ఈలా కెత్తో: ఇంజె మనుసుని మర్రిని గొప్పతనమ్ బయుథె పేడకయుతె. మనుసుని మర్రిని థోరింపిసె థేమటె గొప్పతనమ్ బయుథె పేడకయుతె. 32 మనుసుని మర్రి థేమటిని గొప్ప తుంగి మినొ గాబట్టి థేమండె ఓని థోరింపినె మనుసుని మర్రిని గొప్ప తుంగితొ. జపుసె ఓనిని గొప్ప తుంగితొ. 33 నాకు పేమగ మందనోరె, ఇంక కొథ్ది రోజుకు నన్న మీతోటె మంతాన్. మీరు నానిన్ మెక్కితీరి; గోని నన్న థాయూని సోటింకి మీరు వాథాలీరి ఇంజి నన్న యూదుర్కిని పెద్దాంతోటె కెత్తాటే మీతోటె ఇంజె కెచ్చనాన్. 34 మీరు ఒరోంకొరొ పేమిసాటి. నన్న మీమిని పేమిస్తాటు మీరుగూడ ఒరోంకొరొ పేమిసవాలె ఇంథాని కొత్త మాటా మీకు ఈసనాన్. 35 మీరు ఒరోంకొరొ పేమగ మతుకు థాని పెయుసి మీరు నా సిసూర్కు ఇంజోరె థీబె మంథి తెలుస్కుంటోరు ఇంజోరె కెత్తొ. 36 సిమోన్ పెతురు ఓనిని ఊడి: పెబువా, నిమ్మ బెగ్గ అంజనీన్ ఇంజోరె తలప్తోోత. అస్కె యేసు: నన్న థాయని నోటింకి ఇంజె నిమ్మ నా పెరికె వాథాలిన్. ఆపాయ నా పెరికె పెయుతిన్ ఇంజోరె

జవాబిత్తో. 37 అస్కె పెతురు ఓనిని ఊడి: పెబువా, నన్న బారి ఇంజె వాథాలోన్? నీసెంక నన్న డొల్లీ థెయుతాన్ ఇంజోరె కెత్తో. 38 యేసు ఓనిని ఊడి: నిమ్మ నాసెంక డొల్లి థెయుతినె? కొర్రు కూనోక మున్నె ఓండు బేనోండొ నాకు తెలియొ ఇంజోరె మూడు సుటుకు నిమ్మ నా గురుంచి కెయుతిన్ ఇంజోరె నిజంగ నీకు కెచ్చనాన్ ఇంజోరె కెత్తో.

#### 14

1 యేసు ఓని సిసూర్కిని ఊడి ఈలా కెత్తొ: మీ రుదయతె మీరు కంగార్ పర్తకీరి. ఆయ్యూలత్త థేమటిని నమ్మాటి. నానిని గూడ నమ్మాటి. 2 నా అయ్యూని లోతె బెచ్కో అంకడాకు మినాకు. ఆలా ఇల్లకుండా మతుకు నన్న మీతోటె కెత్తకోన్. మీకు ఒరొ జేగా తయూర్ తుంగనాంకి నన్న అంజనాన్. 3 నన్న అంజి మీసెంక జేగా తయూర్ తుంగ్తస్కె మల్ల వాసి నన్న మంథాని జేగాతె మీరు గూడ మందనాంకి మీమిని నాయగ్గ తీనొయుతాన్. 4 నన్న థాయని జేగతికి అర్రి మీకు తెలియు మింథె ఇంజోరె కెత్తొ. 5 అస్కె తోమా ఓనిని ఊడి: పెబువా, నిమ్మ్మ బెగ్గ అంజనీనొ మాకు తెలియో. ఆ అర్రి మాకు బేలా తెలియుతె ఇంజోరె ఓనిని తలప్తొ. 6 థానికి యేసు: నన్నై థేమటగ్గ థాయూని అ్రరి ఆసి మినాన్, నన్నై నిజమ్ కెత్తనోండు, నన్నె పానమ్ ఈదనోండాసి మినాన్. నా థోరింపినె అంథోరు అయ్యూనగ్గ థాయవాలె. 7 మీరు నానిని పున్ని మతుకు నా అయ్యూని గూడ పున్ని మంతీర్. ఇంజెటినుంచి మీరు ఓనిని తెలుసుకునుంజి ఓనిని ఊడి మినీరి ఇంజోరె కెత్తో. 8 అస్కె పిలిపు ఓనిని ఊడి: పెబువా అయ్యూని మాకు తోపిసా; మాకు అచ్చుటె సాలు ఇంజోరె కెత్తొ. 9 థానికి యేసు: పిలిపు నన్న ఇచ్చో రోజుకు మాయగ్గ మత్తుకన్న నిమ్మ నానిస్ తెలుసుకుండిల్లీసె? నానిని ఊడ్తోండు అయ్యూని గూడ ఊడి మినొ. ఆలా మన్నంగా, అయ్యూని మాకు తోపిసా ఇంజి నిమ్మ బేలా

కెచ్చనీన్? 10 నన్న అయ్యూనమటె, అయ్యూలు నాయమటె కలియు మినామ్ ఇంజి నిమ్మ నమ్మటమ్ ఇల్లీసె? నన్న మీతోటె కెత్త మాటా నాకాసి నన్న కెత్తిల్లాన్. గోని నాయగ్గ మంథాని అయ్యూలు ఈ గొప్ప పనుంగు తుంగనొ. 11 నన్న అయ్యూనమటె అయ్యూలు నాయమటె కలియు మినామ్ ఇంజోరె నమ్మాటి. ఇల్లుకు నన్న తుంగాని పనుంగిని ఊడికన్న మీరు నానిన్ నమ్మాటి. 12 నన్న అయ్యూనగ్గ అంజనాన్ గాబట్టి నానిన్ నమ్తోండు నన్న తుంగాని పనుంగిని ఓండుగూడ తుంగితో. ఓండు వీటికన్న గొప్ప పనుంగు తుంగితో ఇంజోరె నిజంగా కెచ్చనాన్. 13 మీరు నానిన్ నమ్మనీర్ గాబట్టి నా పెదటె బాత తలిపితీరొ, నా థోరింపినె అయ్యూంకి గొప్ప ఆదనాటు నన్న థానిని మీకు ఈతాసన్ ఇంజి నిజంగా కెచ్చనాన్. 14 నా పెదటె మీరు బాత తలప్కన్న థానిని నన్న ఈతాన్. 15 మీరు నానిన్ పేమిసి మతుకు నా మాటతికి లోబరిసి మంతీర్. 16 నన్న అయ్యూని తరిపిత్తాన్. అస్కె మీతోటెె బెస్కెటికి మంజి మీకు సాయమ్ తుంగాని ఇంకొరోని ఓండు రోతితో. 17 ఓండె థేమటిని గురుంచి నిజామ్ కెత్తాని సుబ్బరమ్ మంథాని ఆత్మా ఆసి మినొ. ఈ లోకాతె ఓనికి విరోదంగా మంథాని జనుర్కు ఓనిని దగ్గడికి తీనోరు బారితుకు ఓరు ఓనిని ఊడోరు, ఓనిని పున్నోరు. గోని మీరతుకు ఓనిని పున్ని మినీరి గాబట్టి ఓండు మీయమటె కలియు మీతోటె మంత్తో. 18 నన్న థాయనస్కె మీమిని థిక్కిల్లో వోరు తిస్తె విడిసి అన్నో ను. నన్న గిరుడ్డి మీయగ్గ పెయుతాన్. 19 ఇంకా కాసేపు అత్తపాయ ఈ లోకాతె మందనోరు నానిన్ బెస్కెటికి ఊడోరు. గోని మీరతుకు నానిస్ ఊడితీరి. నన్న బథికి మినాస్ గాబట్టి మీరు గూడ బథికితీరి. 20 అ రోజు వత్తెస్కె నన్న అయ్యూనమటె, మీరు నాయమటె, నన్న మీయమటె కలియు మంతాన్ ఇంజి మీరు తెలుస్కుంటీరి. 21 బేనోండతుకు నా మాటని ఓని రుదయూతె తీస్కునుంజి లోబరిథితోండో ఓండు నానిన్ పేమిస్తో. నన్న గూడ ఓనిని పేమిసి నన్న బేలోంటోండో ఓనికి తోపిసిత్తాన్. 22 అస్కె యూథా

(ఈండు యూథా స్కారియోతు అయ్యో) ఓనిని ఊడి: పెబువా, నీనిన్ నిమ్మ ఈ లోకాతె మందనోరికి తోపిసకుండా మావరికి తోపిసుకు బేలా ఇంజోరె తలఫ్తోత. 23 థానికి యేసు ఈలా కెత్తో: ఒరోండు నానిన్ పేమిసి మతుకు నా మాటతికి లోబరిథితొ. అస్కె అయ్యూలు ఓనిని పేమిసితొ. అస్కె అయ్యూలు నిసె నన్న ఇరువమ్ వాసి ఓనితోటెె కాపరమ్ మంతామ్. 24 నానిన్ పేమిసోవాండు నా మాటతికి గూడ లోబరవో. మీరు కేంజ్త మాటా నావదయ్యో గోని నానిన్ రోత్త తప్పెనథాసి మింథె. 25 నన్న మీయగ్గ మందనస్కె ఈ మాటాకంత కెత్తాన్. 26 మీకు సాయమ్ తుంగాని సుబ్బరమ్ మంథాని ఆత్మతిని అయ్యూలు నా పెదటె రోతితో. ఓండు మీకు అన్ని బోథిసి నన్న కెత్తనవంతా మీకు గురుతు తుంగితో. 27 సేంతిని మీసెంక విడిసి థెయుతాన్. నా సేంతినె మీకు ఈసనాన్. ఈ లోకాతె మంథాని మనుసుర్కు ఈదనాటు నన్న మీకు ఈదటమ్ ఇల్లాన్. గాబట్టి మీ రుదయూతె కంగార్ పెర్తకీరి. 28 నన్న కెత్తనవంతా మీరు మల్ల గురుతు తుంగాటి. నన్న మీమిని విడిసి థెయుతాన్. అత్కన్న మల్ల నన్న గిరుడ్డి పెయుతాన్. మీరు నానిని నిజంగా పేమిసి మతుకు నన్న అయ్యూనగ్గ అంజనాన్ ఇంజి కేంజి మీరు కుసేల్ పరితీరి. బారితుకు అయ్యూలు నాకన్న గొప్పవాండాసి మినొ. 29 ఇవ్వంతా జరగోక ముస్సై మీకు ఇంజె కెత్తాన్. బారితుకు అమ్వ జర్గతస్కె మీరు నా ఏొం్ౕరొ నమ్మకమ్ తాసితిరి. 30 ఇంకా నన్న మీతోటె ఎక్కువ తిరియూలోన్. బారితుకు ఈ లోకతికి చెంత పెద్దవాండత్త సయుతాను వాసనో. నా ఏొం్ౕరో ఓనికి బాత అథికారమిల్లె. 31 గోని నన్న అయ్యూని పేమిసనాన్ ఇంజి, అయ్యూలు నాకిత్త ఆగ్నియకింకి లోబర్సనాన్ ఇంజి ఈ లోకాతె మందనోరు తెలుస్కునుంజనాంకి ఈలా జరిగితా. తేథా, ఇగ్గటెనుంచి దక్కాన్ థెయుటు ఇంజోరె కెత్తొ.

1 నన్నె నిజమత్త థాచ్చ యెట్టిన్ తిస్తె మినాన్. నా తప్పె తోటాతె పని తుంగాని తోట మాలిని తిస్తె మినొ. 2 నాయమటె పండి ఆథో కొనుంగిని ఓండు నరికి వాట్స్ . పండి ఆథాని కొనుంగిని అద్దు ఇంకా థీబె పండి ఆథాలింజి థానిని సుబ్బరమ్ తుంగనొ. 3 నన్న మీకు కెత్త బోదతిన్ పెయుసి మీరు ఇంజె సుబ్బరమాసి మినీరి. 4 నాయమటె మీరు కలియు మంథాటి. మీయమటె నన్న కలియు మంత్తాన్. కొనుంగు థాచ్చ యెట్టిన్ కలియు మన్న కుండా మతుకు థానికి అద్దె పండి ఆథో. ఆలాకె మీరు గూడ నాయమటె కలియు మన్న కుండా మతుకు పండి ఆథిరి. 5 నన్న థాచ్చ యెట్టిన్ తిస్తె మినాన్. మీరు కొనుంగిన్ తిస్తె మినీరి. ఒరోండు నాయమటె కలియు మంజి నన్స్ట ఓనమటె కలియు మతుకు ఓండు థేబె పండి ఆథితో. నా సాయమ్ ఇల్లకుండా మీరు బాత తుంగాలీరి. 6 బేనోండతుకు నాయమటె కలియకుండా మంత్తోండో ఓండు బయుథె పొచ్చీదబరస్త వత్తి అత్త కొనుంగిని తిస్తె మంత్తో. ఆలా పొచ్చిత్త చెత్తకిని కుప్ప తుంగి కిస్ధె పొడిస్తోతరు, అమ్వ పేసి థెయుతా. 7 మీరు నాయమటె నన్న కెత్త మాటా మీయమటె కలియు మతుకు, మీకు కావలస్తథానిని తలపాటి. అస్కె తప్పె థానిని మీకు ఈతో. 🖇 మీరు థీబె పండి ఆదటమ్వల్ల నా తప్పె గొప్ప అయుతో. అస్కె మీరు నా నిజమత్త సిసూర్కు ఇంజి రుజు పరిసితీరి. 9 తప్పె నానిన్ పేమిస్తాటు నన్న గూడ మీమిని పేమిసనాన్. మీ పొం్ౕరో మంథాని నా పేమతె నిలకడగా మంథాటి. 10 నన్న నా తప్పెని ఆగ్నియకిని పాటిసి ఓని పేమతె కలియు నడత్తాటు మీరు గూడ నా ఆగ్చి యకిని పాటిసుకు నా పేమతె కలియు నిలకడగా మంతీరి. 11 నాకు మంథాని కుసేలి మీయమటె మందనాంకి, మీరు గూడ మీ కుసేల్గె సంపూర్నంగా మందవాలింజి ఇవ్వంతా మీకు కెచ్చనాన్. 12 నన్న మీమిని పేమిస్తాటు మీరు గూడ ఒరోని ఒరొ పేమిసాటి ఇంథాని నా ఆగ్నియ మీకు ఈసనాన్. 13 ఒరోండు ఓని జతగాకిస్సెంక పానమ్ ఈథాని పేమక్కన్న గొప్ప పేమా బాతిల్లె. 14 నన్న మీకు

ఆగ్నియపిస్తాేతటు మీరు తుంగ్తుకు, అస్కె మీరు నా జతగాకయుతీరి. 15 ఇంక నన్న మీమిని జీతగాకు ఇంజోరె కరెంగోను బారితుకు యెజమాండు బాత తుంగితోండొ అద్దు జీతగానికి తెలియో. గోని నన్న తుకు మీమిని నా జతగాకు ఇంజోరె కరెంగనాన్. బారితుకు నా తప్పెనగ్గ నన్న కేంజ్తథాన్ని మీకు కెచ్చి మత్తాన్. 16 మీరు నానిస్ తెలుస్కుండిల్లీరి గోని నన్న మీమిని తెలుస్కుట్టాన్. మీరు నా పెదటె తప్పెని బేదు తలిపితీరో థానిని ఓండు మీకు ఈదనాంకి మీరు అంజి బెస్కెటికి మంథాని పండి ఆదవాలింజి మీమిని ఏర్పరస్తాన్. 17 మీరు ఒరోంకొరొ పేమిసవాలె ఇంజి ఇవ్వంతా మీకు ఆగ్ని యపిసనాన్. 18 ఈ లోకతె మంథాని జనుర్కు మీమిని కసి పెయుసి మతుకు మీక్కన్న మున్స్టెఓరు నానిని గూడ కసి పెయుసి మత్తోరు ఇంజి మీరు తెలుస్కునుటు. 19 మీరు ఈ లోకాతికి చెంత్తొరాసి మతుకు ఈ లోకమ్ మీమిని పేమిసిత్తె. గోని మీరతుకు ఈ లోకతికి చెంత్తోరయురి. నన్న మీమిని ఈ లోకతెనుంచి ఏర్పరస్తాన్ గాబట్టి ఈ లోకమ్ మీమిని కసి పెయుసి మింథె. 20 జీతగాండు ఓని యెజమానింకన్న గొప్పవాండు అయ్యో ఇంజి నన్న మీకు కెత్త మాటాకిని గురుతు తుంగాటి. లోకాతె మందనోరు నానిన్ బాథా వాట్తోతరితుకు మీమిని గూడ ఆలాకె బాద వాటిత్తోరు. ఓరు నా మాట కేంజి థాని పకారమ్ నడతుకు మీ మాటాకిని గూడ కేంజి నడిథిత్తోరు. 21 మీరు నావారాసి మినీరి గాబట్టి ఈ లోకతె మంథాని జనుర్కు ఇవ్వంతా తుంగి మీమిని బాద వాటిత్తోరు. బారితుకు నానిస్ రోత్తోనిని ఓరు పున్ని ల్లోరు. 22 నన్న వాసి ఓరితోటె తిరియకుండా మతుకు ఓరు పాపతె మంత్కోరు. గోని ఇంజెబోనో ఓరు పాపతె గురుంచి బాతన్న జవాబు కెచ్చి తప్పి థాయనాంకి ఓరికి అర్రి ఇల్లె. 23 నానిన్ కసి పెయుదనోండు నా తప్పేని గూడ కసి పెయుథితొ. 24 బేనో తుంగో గొప్ప పనుంగిని నన్న ఓరి నడుమ తుంగకుండా మతుకు ఓరు పాపతె మంత్కోరు. గోని ఇంజెబోనో ఓరు గొప్ప పనుంగిని ఊడి మినోరు. అత్కన్న ఓరు మనుసు మార్సకుండ నానిని

నా తప్పెని పొం్రో కసి పెయుసి మినోరు. 25 ఉట్టిగా నా పొం్రో పగ పెయుతోరు ఇంజి రాసి మత్త ఆగ్నియూ సెరపేర్సతాటు ఈలా జరగ్తేత. 26 గోని తప్పెనగ్గనుంచి మేలు తుంగాని ఆత్మతిని నన్న మీయగ్గ రోతితాన్. ఓండు తప్పెనగ్గనుంచి వాథాని నిజమత్త ఆత్మా గాబట్టి నాగురుంచి సాచ్చెమ్ కెయుతో. 27 మొథోటినుంచి మీరు నాయగ్గ మత్తీర్ గాబట్టి మీరు గూడ నా గురుంచి అంథోరికి సాచ్చెమ్ కెయుతీరి.

# *16*

1 మీరు నమ్మకాతె థొసలకుంటా గెట్టింగా మందవాలింజి ఈ మాటకిని మీతోటె కెచ్స్స్ . 2 ఓరు మీమిని సమాజ గుడిథెనుంచి బయుథికి సెట్టితోరు. మీమిని అమకాని పతివాండు, నన్న థేమటె సేవ తుంగనాన్ ఇంజి అనుకుండాని రోజు వానోరె మింథె. 3 ఓరు తప్పేని నిసె నానిన్ పున్నిల్లోలరు గాబట్టి మీకు గూడ ఆలే తుంగిత్తోరు. 4 గోని అమ్వ జరగాని సమయమ్ వాదనస్కె నన్న్లమీమిని జాగర్గ తుంగితాన్ ఇంజి మీరు గ్యాపకమ్ తుంగవాలె ఇంజోరె మీకు కెత్తాన్. నన్న మీతోటె మత్తాన్ గాబట్టి మొథొటినుంచి వాటిని కెత్తిలాన్. 5 గోని ఇంజె నన్న నానిన్ రోత్తోని దగ్గడికి థెయుతాన్. అత్కన్న నిమ్మ బెగ్గ అంజనీన్ ఇంజి మీయమటె బేనో గూడ నానిన్ తలిపిల్లీరి. 6 అత్కన్న నన్న ఈ కబుర్కిని మీతోటె కెత్తాన్ గాబట్టి మీరు సేన బాదతె మినీరి. 7 గోని నన్న ఒరొ మాట మీకు నిజంగ కెచ్చనాన్. అద్దు బాతథితుకు, నన్న థాయటమ్ మీకు మేలు అయుతె. బారితుకు నన్న థాయకుండా మతుకు మీకు సాయమ్ తుంగాని ఆత్మా మీ దగ్గెటికి వం్ౕరొ. గోని నన్న అతుకు ఓనిని మీయగ్గ రోతితాన్. 8 ఓండు వాసి పాపకిని గురుంచి, నిజాయుతిటిని గురుంచి, థేమటె తీర్పిని గురుంచి ఈ లోకాతె మంథాని మనుసుర్కింకి రుజు తుంగి తోపిసితో. 9 ఈ లోకాతె మంథాని జనాకు నానిన్ నమ్మిల్లోరు గాబట్టి ఓరు పాపకిని గురుంచి, 10 నన్న తప్పెనగ్గ థెయుతాన్, ఇంక

మీరు నానిన్ ఊడాలిరి గాబట్టి నిజాయుతిటిని గురుంచి, 11 ఈ లోకతిని పాఠిసాని థెయ్యతిని థేమండు ఇద్దువరికె తీర్పు తీర్పతో. గాబట్టి థేమటె తీర్పిని గురుంచి ఒప్పుకుండనాటు తుంగితో. 12 నన్న మీకు కెత్తవలస్త కబురు ఇంకా బెచుకో మినాకు. గోని ఇంజె మీరు వాటిని ఓపిక పెయుథాలిరి. 13 గోని నిజమత్త ఆత్మా వత్తపాయ ఓండు మీమిని అన్ని నిజాయుతితె నడిపిసితొ. ఓండు ఓని సొంత అథికారతె బాత కెల్లో. గోని ఓండు కేంజతవాటిని, మల్ల వాథాని రోజ్కిన్ జరగంథాని గురుంచి మీకు తెలియ కెయుతొ. 14 ఓండు నావదంతా తీసి మీకు తెలియపరిసి నానిన్ గొప్ప తుంగితో. 15 తప్పేంకి కలగ్తవంతా నావాకె. అంత్కాటె ఆత్మా నావదంతా తీసి మీకు తెలియ పరిసితొ ఇంజోరె నన్న కెత్తాన్. <del>16</del> ఇంక కొద్ది రోజ్కు మీరు నానిన్ ఊడీరి. మల్ల కొద్ది రోజ్కు అత్తపాయ మీరు నానిన్ ఊడితీరి. బారితుకు నన్స్ తప్పెనగ్గ థెయుతాన్ ఇంజోరె కెత్తొ. 17 అస్కె ఓని సిసూర్కినమటె కొద్దిమంథి, ఇద్దు బాతథి, ఇంక కొథ్ది రోజ్కు నానిన్ ఊడీరింజి, మల్ల కొథ్ది రోజ్కు అత్తపాయ నానిన్ ఊడితీరింజి, మల్ల, మీరు నానిన్ ఊడీరి బారితుకు నన్న తప్పెనగ్గ అంజన 18 కొద్ది రోజ్కు ఇంజి కెచ్చనోండె థాని బావమ్ బాతథి? ఓండు బాతథాని గురుంచి తిరియనోండో మనాంకి తెలియొ ఇంజోరె తిరియుత్తోరు. 19 థీని గురుంచి ఓనిని తలపకాడా ఇంజి ఓరు అనుకుండనోరు ఇంజి యేసు పున్ని, ఓరితోటె ఈలా కెత్తో: ఇంకా కొద్ది రోజ్కు నానిస్ ఊడీరింజి మల్ల కొద్ది రోజ్కు అత్తపాయ నానిస్ ఊడితీరింజి నన్న కెత్తంథాని గురుంచి మీరు ఒరోంకొరొ ఆలోసిసనీర్ గథా? 20 నన్న నిజంగా మీకు కెత్తనద్దు బాతథితుకు: మీరు అడిసి సోకిసోరె మంతీర్ గోని థేమటింకి విరోదంగ పని తుంగాని ఈ లోకతె మంథాని మనుసుర్కుబోనో కుసేల్దె మంత్తోరు. మీరు సోకిసోరె మంత్తీర్ గోని మీ సోకమ్ కుసేలిగ మారి థెయుతె. 21 ఒరొ నాటోడికి థానికి కానుపు వాదనస్కె బెచ్చొ బాదపర్తితె. గోని పేకాలు పుట్త పాయ ఈ లోకాతె ఒరొ పేకాల్ పుట్తో ఇంథాని కుసేల్గె థాని బాదకిని గురుతు తుంగుకున్నో. 22 ఆలాకె

మీరు గూడ ఇంజె దుక్కినోరె మినీరి. నన్న మల్ల వాసి మీమిని ఊడిత్తాన్. అస్కె మీరు బెచ్చొ కుసేల్గె మంతీరి. బేనోగూడ మీయగ్గ మంథాని కుసేల్గిని తీసోథాలోరు. 23 ఆ రోజు వత్తెస్కె మీరు నానిన్ బాత తలిపీరి. గోని నన్న మీకు ఇత్త అథికారతిని పెయుసి తప్పెని మీరు బాత తలప్తకన్న ఓండు మీకు ఈతొ ఇంజి నన్న మీతోటె నిజంగా కెచ్చనాన్. 24 ఇచ్చో జేలు మీరు నా పెదటె తప్పెని బాత తలిపిల్లీరి. తలపాటి అస్కె ఓండు మీకు ఈతో. అస్కె మీరు కుసేల్దె నిండి మందనాటు ఏంతీరి. 25 ఈ కబుర్కంతా మీతోటె థాసవాటి నన్న కెచ్చోరె మత్తాన్ గోని ఒరొ రోజు పెయుతె. అస్కె నన్న మీతోటె ఇంక థాసవాటి కెల్లకుండా తప్పెని గురుంచి మందనద్దు మందనాటె తేటంగా కెయుత్తాన్. 26 ఆ రోజిని మీరే నా పెదటె తలిపితీరి. మీసెంక తప్పెని నన్న తలిపితాన్ ఇంజి మీకు కెత్తని అవసరమిల్లె. 27 బారితుకు నన్న తప్పెనగ్గనుంచి వత్తాన్ ఇంజి మీరు నానిన్ నమ్మి పేమిస్తీర్ గాబట్టి తప్పె గూడ మీమిని పేమిసనొ. 28 నన్న తప్పెనగ్గనుంచి లోకతికి వాసి మినాన్. మల్ల ఈ లోకతిని విడిసి తప్పెనగ్గ అంజనాన్ ఇంజి ఓరితోటె కెత్తొ. 29 అస్కె ఓని సిసూర్కు: ఇద్దో, ఇంజె నిమ్మ థాసవాటి బేదు కెల్లకుంటా తేటంగా తిరియనిన్ ఇంజోరె కెత్తోరు. 30 నీకు అన్ని తెలియుకె మినా ఇంజి ఇంజె మాకు తెలుసు. బేనోగూడ నీనిన్ బాత తలపాని అవసరమిల్లె. బారితుకు ఓరు బాత తలసనోరొ నిమ్మ పున్ని మినీన్. థీనిని పెయుసి నిమ్మ థేమటగ్గనుంచి వత్తిన్ ఇంజి మమ్మ నమ్మనామ్ ఇంజోరె కెత్తోరు. 31 థానికి యేసు: ఇంజెన్న మీరు నానిన్ నిజంగా నమ్మనీరే? 32 ఇద్దొ మీరు సిల్లగొల్లరమాసి నానిస్ ఒంటరిగ విడిసి పతివాండు ఓని ఓని లోను థాయూని రోజు పెయుతె. అద్దు ఇంజే వాసి మింథె. అత్కన్న నన్న ఒంటరిగ మందటమిల్లె. నా తప్పె నాతోటె మంత్తో. <mark>33</mark> మీరు నాతోటె కలియు మందటమ్ థోరింపిసె మీకు నిమ్మథి కలగవాలింజి ఈ మాటకిని మీతోటె నన్స్టకెత్తాన్. ఈ లోకాతె మందనోరు మీకు బాథాకు వాటితోరు. అత్కన్న మీరు దయుర్నంగా

## *17*

1 యేసు ఈ మాటకిని కెత్తస్కె ఆకాసతాకె ఓని కండ్కిని తేచి ఊడి, తప్పెనగ్గ ఈలా మొర వాట్తోత: అయ్యూ, నా సమయమ్ వాసి మింథె. నిమ్మ నీ మర్రిని గొప్ప తుంగా. మర్రి గూడ నీనిని గొప్ప తుంగితో. 2 బారితుకు నిమ్మ నాయగ్గ ఇత్తోరంథోరికి, నన్న ఓరికి బెస్కెటికి మంథాని బదుకిని ఈదనాంకి మనుసుర్కంథోరి హిం్రో నాకు అథికారమ్ ఈసి మినీన్. 3 బెస్కెటికి మంథాని బదుకు బాతథితుకు, ఒరోండే నిజమత్త థేమండాత్త నీనిని, నిసె నిమ్మ ఈ లోకతికి రోత్తా యేసు కిరిస్తు అత్త నానిని పున్ని మందటమె బెస్కెటికి మంథాని బతుకు ఆసి మింథె. 4 నిమ్మ నాకు ఇత్త పనుంగిని ఆకరిథాకా తుంగిసి ఈ సేల్దె పొం్ౕరొ నిమ్మె గొప్పవాండింజి నన్న నీకు మరియూద తుంగ్తాన్. 5 అయ్యూ, ఈ లోకతిని తుంగోక ముస్పె నిమ్మ నానిని నీయగ్గ గొప్ప తుంగ్తాటు ఇంజె నానిని నీతోటె గొప్ప తుంగా. 6 ఈ లోకతె మంథాని జనాకినమటెనుంచి నిమ్మ ఏర్పరిసి నాక్కిత్త ఈరికి నీనిని తోపిస్తాేతన్. ఓరు నీవారాసి మత్తోరు. గోని నిమ్మ ఓరిని నాకు ఈసి మినీన్. ఓరు నీ మాటత్కి లోబరిసి మినోరు. 7 ఇంజె నిమ్మ నాకు ఇత్తవంత నిజంగ నీయగ్గనుంచి వత్తా ఇంజి ఓరు పున్ని మినోరు. 8 బేలాయుతుకు, నిమ్మ నాకు కెత్తవంత నన్న ఓరికి కెచ్చి మినాన్. ఓరు వాటిని నమ్మి నన్న నీయగ్గనుంచి ఈ లోకతికి వత్తాన్ ఇంజి ఓరు నిజంగ తెలిసి మినోరు. నిమ్మ నానిన్ రోత్తిన్ ఇంజి ఓరు నమ్మనోరు. 9 నన్న ఓరిసెంక మొర వాటనాన్. నీనిన్ యెథిరిసనోరి సెంక నన్న మొర వాటటమిల్లె గోని నిమ్మ నాకు ఇత్తోరిసెంక నన్న మొర వాటనాన్. బారితుకు ఓరు నిజంగ నీవారాసి మినోరు. 10 నావారాసి మందనోరంథోరు నీవారాసి మినోరు. నీవారాసి మందనోరంథోరు నావారాసి మినోరు. నన్న బెచ్చొ గొప్పవాండు ఇంజోరె ఓరు

తోపిసనోరు. 11 నన్న ఈ లోకతిని విడిసి థెయుతాన్. గోని ఈరుబోనో ఈ లోకాతె నీనిన్ ఎథిరిసాని జనాకినమటె మంత్తోరు. నన్న్త ఈరిని విడిసి జపుసె నీయగ్గ వాసనాన్. సుబ్బరంగ మంథాని అయ్యూ, నిమ్మ నీ సకితితోటె ఓరిని జాగర్గగ కాపాడా. బారితుకు ఓరిని నిమ్మ నాకు ఇత్తిన్. నన్న నిమ్మ కలియు మందనాటు ఓరు గూడ ఒరోంకొరొ కలియు మందవాలె ఇంజి మొర వాటనాన్. 12 నన్న ఓరితోటె మత్తస్కె నిమ్మ నాకు ఇత్తోరమటె బేనోగూడ పాడాసి థాయకుండ నీ పెదటె ఓరిని నన్న జాగర్గగ కాపాడ్తాన్. థేమటె పుస్తకాతె రాసి మత్తదు నెరవేర్పతాటు పాడాసి థాయనాంకి ఓనికి ఓండే సురుకు వాటి డొల్లి అత్త ఒరోని తప్పా మిగల్తోతరిని నన్న జాగర్దగ కాపాడ్తాన్. 13 గోని ఇంజె నన్న నీయగ్గ మందనాంకి పెయుతాన్. ఓరు నా కుసేల్దె సంపూర్నంగ నిండి మందవాలె ఇంజి నన్న ఈ లోకాతె మందనస్కె వీటిని గురుంచి నన్న కెచ్చనాన్. 14 నిమ్మ నాకు కెత్త మాటాక్కంత నన్న ఓరికి కెచ్చి మినాన్. ఈ లోకాతె మందనోరు ఓరిని కసి పెయుతోరు. నన్న్ల ఈ లోకతికి చెంతోండయ్యోన్ గాబట్టి ఓరు గూడ ఈ లోకతికి చెంతోరయ్యోరు. 15 ఈరిని ఈ లోకాతెనుంచి నిమ్మ తీసి ఓమ్ ఇంజి నన్న మొర వాటటమిల్లె. గోని నిమ్మ ఓరిని దుస్టుండత్త థెయ్యతె సకితితెనుంచి కాపాడవాలింజి నన్న మొర వాటనాన్. 16 నన్స్ట్ర బేలా ఈ లోకతికి చెంతోండయ్యోనో ఆలాకె ఈరు గూడ ఈ లోకతికి చెంతోరయ్యోరు. 17 నీ మాటె నిజమాసి మందనద్దు. నిజంగ మంథాని ఆ మాటకినివల్ల ఓరిని నీ పనిథెసెంక పేరె వాటవాలె. 18 నిమ్మ నానిస్ ఈ లోకతె మంథాని మనుసుర్కిని నడుమ రోత్తాటు నన్న గూడ ఈరిని ఓరి నడుమ రోచి మినాన్. 19 ఓరు నిజంగ ఓరిని ఒపగిసి నీ పని తుంగి పేరె మందనాంకి ఓరిసెంక నన్స్ట పేరుగ మందనాంకి ఒపగిసనాన్. 20 నన్స్ట ఈరిసెంకె మొర వాటటమిల్లె. గోని ఈరు నా గురుంచి కెత్త మాటకిని నమ్తోరంథోరిసెంక గూడ నన్న మొర వాటనాన్. 21 ఓరంథోరు ఒరోంకొరొ కలియు మందవాలె. అయ్యూ, నిమ్మ నాయమటె నన్న

నీయమటె కలియు మందనాటు ఓరంథోరు గూడ ఒరోంకొరొ మనయమటె కలియు మందవాలె ఇంజి మొర వాటనాన్. ఆలా ఓరు కలియు మందటమ్వల్ల నిమ్మ నానిన్ ఈ లోకతికి రోత్తిన్ ఇంజి ఈ లోకాతె మందనోరు అంథోరు నమ్మితోరు. 22 మనాడు కలియు మందనాటు ఓరు గూడ ఒరోంకొరొ కలియు మందవాలింజి నిమ్మ నానిన్ గొప్ప తుంగ్తాటు నన్న గూడ ఓరిని గొప్ప తుంగ్తాతన్. 23 నన్స్ట ఓరమటె నిమ్మ నాయమటె కలియు మినాడ్ గాబట్టి ఓరు గూడ ఒరోంకొరొ నిండు మనుసుతోటెె కలియు మంత్తోరు. నిమ్మ నానిన్ రోత్తిన్ ఇంజి ఈ లోకాతె మందనోరు తెలుస్కుండనాంకి నిమ్మ నానిన్ పేమిస్తాటు ఓరిని గూడ పేమిసనీన్. 24 అయ్యూ, ఈ లోకతిని తుంగోక ముస్సె నిమ్మ నానిస్ పేమిసి గొప్పంగ మరియూద ఈసి మినీన్. నిమ్మ నాకు ఇత్తోరు అ గొప్పతనతిని ఊడనాంకి, నన్న బెగ్గ మంతానో అగ్గ ఓరుగూడ నాతోటె మందవాలి 25 నిజాయుతిగ మంథాని అయ్యూ, ఈ లోకతె నీనిన్ ఎథిరిసనోరు నీనిన్ పున్నలోరు. గోని నన్న నీనిన్ పున్ని మినాన్. నిమ్మ నానిన్ రోత్తిన్ ఇంజి ఈరు గూడ పయన్ని మినోరు. 26 నిమ్మ, బేలోంటోంనినో ఓరికి తోపిస్తాేతన్. ఇంకడికి నన్న నీ గురుంచి ఓరికి తోపిసిత్తాన్. నిమ్మ నా పొం్ౕరొ తాస్త పేమతిని ఓరి పొం్ౕరొ గూడ తాసవాలింజి నన్న గూడ ఓరమటె కలియు మందవాలె ఇంజోరె కెత్తొ.

## 18

1 యేసు ఈ మాట కెత్తెస్కె ఓని సిసూర్కినితొటె కెథ్రోను ఇంథాని వాంగిని అబ్బెరి అత్తొ. అగ్గ ఒరొ తోటా మత్తె. యేసు నినె ఓని సిసూర్కు థాని లోపటికి అత్తోరు. 2 యేసు ఓని సిసూర్కినితోటెె సేన సుట్టు అగ్గ అంజోరె మత్తొ గాబట్టి ఓనిని పెయుసి ఈథాని యూథానికి గూడ అ జేగా తెలియు మింథె. 3 గాబట్టి యూథా, సయునుర్కిని గుంపిని నినె పెద్ద పూజారిర్కిని, పరిసేయుర్కు రోత్త బంటుర్కు

అంథోరిని కరెంగిస్తి, గుంజాకు, థీపేకు, కసేర్కు, లొద్ద పెయుసి అగ్గ వత్తో. 4 అస్కె యేసు ఓనికి బాత జరిగిత్తె ఇంజి తెలుస్కునుంజి, ఓరికి ఎదురుగ అంజి: మీరు బేనోని మెక్కనీరి ఇంజోరె తలప్తోోత. 5 థానికి ఓరు: నాజరేతు నాటెని యేసుని మెక్కనామ్ ఇంజోరె కెత్తోరు. థానికి యేసు: నస్నె ఓనిని ఇంజోరె కెత్తొ. ఓనిని పెయుసి ఇత్త యూథా గూడ ఓరితోటె నిచ్చి మత్తో. 6 నన్నె ఓనిని ఇంజి ఓండు ఓరగ్గ కెత్తస్కె, ఓరు పెరికె ఒగ్గి సేలె అంౕతోరు. 7 ఓండు మల్ల ఓరిని ఊడి: మీరు బేనోని మెక్కనీరి ఇంజోరె తలప్తోోత. థానికి ఓరు: నాజరేతు నాటెని యేసుని మెక్కనామ్ ఇంజోరె కెత్తోరు. 8 థానికి యేసు: నన్నై ఇంజోరె కెత్తాన్ గథా. మీరు నానిన్ మెక్కనీరితుకు ఈరిని థాయనీముటు ఇంజోరె కెత్తో. 9 నిమ్మ నాకు ఇత్తోరిని బేనోని గూడ నన్న మాపిథిల్లాన్ ఇంజి ఓండు కెత్తాటు ఈలా జరగ్తేత. 10 అస్కె సీమొను పెతురు ఓనగ్గ మత్త కసేరి తీస్కి పెద్ద పూజారిని పనివానిస్ తిన కెమథిని నరక్తో. ఆ పనివానిన్ పెథేరు మల్కు. 11 అస్కె యేసు పెతురుని ఊడి: నీ కసేటిని ఒర్రతె వాటా. నా అయ్యూలు నాక్కిత్తిిిిిిిి బాదకిని నన్న అర్తవాలె గథా ఇంజోరె కెత్తొ. 12 అస్కె సయునుర్కు, ఓరి పెద్దా, యూదుర్కిని బంటుర్కు అంథోరు కలియు యేసుని పెయుస్, ఓనిని తొచ్చి. మొథోటె అన్నా నగ్గ ఓనిని తీసి అత్తోరు. 13 బారితుకు ఓండు అ సమయతె పెద్ద పూజారిగ మత్త కయుపాంకి మామాలు అత్తొ. 14 జనాతెసెంక ఒరోండు డొల్లి థాయటమ్ మంచిథి ఇంజోరె యూదుర్కింకి సలా కెత్తోండు ఈండే. 15 సీమొను పెతురు, పేరె సిసూండు ఇరుమరు కలియు యేసుని పెరికె అత్తోరు. ఆ పేరె సిసూండు పెద్ద పూజారికి మంచి నిలువత్తోండు గాబట్టి యేసునితోటెె పెద్ద పూజారిని లోను లోపటికి అత్తొ. <u>16</u> గోని పెతురు బయుథె వాకిల్దె నిచ్చి మత్తో. అస్కె పెద్ద పూజారికి నిలువత్త పేరె సిసూండు బయుథికి వాస్త్రి, వాకిల్గె కావలి మంథాని నాటోడితోటె తిరియు పెతురుని లోపటికి తీసి ఒత్తో. 17 అస్కె వాకిల్దె కావలి తుంగాని నాటోడి పెతురుని ఊడి: నిమ్మ గూడ

ఆ మనుసుని సిసూర్కిన్తోటెె ఒరోండు గథా ఇంజోరె కెత్తె. థానికి ఓండు: నన్స్ట అయ్యోన్ ఇంజోరె కెత్తొ. 18 అస్కె సలి మత్తె గాబట్టి పనివారు, సయునుర్కు అంథోరు బొగ్గుతె కిస్సు మాస్తి, నిచ్చి సలి కాంగోరె మత్తోరు. ఓరితోటె పెతురు గూడ నిచ్చి సలి కాంగోరె మత్తొ. 19 అస్కె పెద్ద పూజారి యేసునగ్గ ఓని సిసూర్కిని గురుంచి, ఓని బోద గురుంచి తలప్తో. 20 అస్కె యేసు: జనాకంథోరు ఊడనాటు నన్న తిరియుత్తాన్ గథా? పాదన గుడిథె గూడ నన్న బెస్కెటికి బోద కెచ్చోరె మత్తాన్ గథా? సాటినె నన్న బాత కెత్తిల్లాన్ గథా? 21 ఆలా మన్నంగా మీరు బారి నానిన్ తలపనీరి? నన్న కెత్తవంత కేంజ్తోతరగ్గ తలపాటి. నన్న బాత కెత్తానొ ఓరు పున్స్టి మినోరు గథా ఇంజోరె ఓనికి కెత్తొ. 22 ఈలా ఓండు కెత్తస్కె, ఓని దగ్గర నిచ్చి మత్త బంటుర్కిసె ఒరోండు: పెద్ద పూజారింకి ఈలే నిమ్మ జవాబు కెయుతిసె ఇంజోరె కెచ్చి యేసుని చంపతె పొం్ౕరొ తంతో. <mark>23</mark> అస్కె యేసు ఓనిని ఊడి: నన్న సెడ్డ మాట కెచ్చి మతుకు ఆ సెడ్డ మాట బాతో నాకు కెల్లా. గోని నన్న మంచి మాట కెచ్చి మతుకు బారి నానిన్ తన్తిన్ ఇంజోరె కెత్తొ. 24 ఆపాయ అన్నా యేసుని తొచ్చి పెద్ద పూజారి అత్త కాయపానగ్గ రోత్తో. <mark>25</mark> సీమోను పెతురు నిచ్చి సలి కాంగోరె మత్తోత. అస్కె కొంతమంథి ఓనగ్గ: నిమ్మ గూడ ఓని సిసూర్కినమటెె ఒరోండు గథా ఇంజోరె తలష్తోతరు. థానికి ఓండు: నన్న అయ్యోన్, నాకు అసలే తెలియో ఇంజోరె కెత్తో. 26 పెద్ద పూజారిని పనివారమటెౌ ఒరోండు అగ్గ మత్తో; ఓండు పెతురు కెమథిని నరక్త ఆ పనివానికి సుట్టమ్ అయుతొ. ఓండు పెతురుని ఊడి: నిమ్మ ఓనితోటె ె అ తోటాతె మత్తస్కె నన్న నీనిని ఊడ్తాతన్ గథా ఇంజోరె కెత్తొ. 27 అస్కె పెతురు: నాకు తెలియొ ఇంజోరె మల్ల కెత్తొ. జపునె పుంజు కూస్తె. 28 అస్కె తెల్లవీథాని సమయూతె ఓరు కయుపానగ్గనుంచి యేసుని ఆ థేసాతె పెద్దతె లోను తీసి అత్తోరు. అంటు తగలకుండ పస్కా థోడా తిందవాలింజి ఓరు అ థేసాతె పెద్దాతె లోను లోపటె అన్న కుండా వ 29 గాబట్టి పిలాతు ఓరగ్గ బయుథికి వాసి: ఈ మనుసుని ఏొం్ౕరొ

బాత తప్పు వాటనీర్ ఇంజోరె తలప్తో. 30 థానికి ఓరు: ఈండు బాత తప్పు తుంగకుండా మతుకు ఈనిని మీయగ్గ తీసి తం్ౕరోమ్ ఇంజోరె ఓనికి జవాబు కెత్తోరు. 31 అస్కె పిలాతు ఓరిని ఊడి: ఆలాయుతుకు మీరె ఈనిని తీనోసి మీ ఆగ్స్ యకిని పెయుసి తీర్పు తుంగాటి ఇంజోరె కెత్తొ. థానికి యూదుర్కు: మా అగ్నియకిని పెయుసి మమ్మ బేనోని అమకనాంకి మాకు అథికారవ్ 32 ఓండు బేలాంటి సామ అరిథితో ఇంజి యేసు ఇద్దువరికె కెత్త మాట జరగనాంకి ఆలా కెత్తోరు. 33 అస్కె పిలాతు లోత్తె లోపటికి అంజి, యేసుని కరెంగి: నిమ్మ యూదుర్కిని రాజుసే ఇంజోరె తలప్తోోత. 34 థానికి యేసు: నీకు నిమ్మె ఈలా కెచ్చనీసె? ఇల్లుకు పేరెవారు నా గురుంచి ఈలా మీకు కెత్తోరా ఇంజోరె ఓనిని తలప్తో. 35 అస్కె పిలాతు: నన్న యూదుండయ్యోన్ గథా. నీ సొంత కులత్తోరు నిసె పెద్ద పూజారె గథా నీనిన్ నాయగ్గ ఒపగిస్తోరు. నిమ్మ బాత తుంగ్తిన్ ఇంజోరె కెత్తో. 36 థానికి యేసు: నా థేసమ్ ఈ లోకతికి చెంతదయ్యో. నా రాజ్యమ్ ఈ లోకతికి చెంతథితుకు, నానిన్ యూదుర్కిన్ కయుథె ఒపగిసకుండ నా పనివారు నాసెంక మయుథితోరు. గోని నా థెసమ్ ఈ లోకతికి చెంతదయ్యో ఇంజోరె జవాబు కెత్తో. 37 అస్కె పిలాతు ఓనిని ఊడి: ఆలాయుతుకు నిమ్మ రాజునే ఇంజోరె కెత్తొ. థానికి యేసు: నిమ్మ కెత్తాటె నన్న రాజునే. నిజాయుతి గురుంచి సాచ్చెమ్ కెత్తనాంకి నన్న పుట్తాన్. థీని గురుంచె నన్న ఈ లోకతి 38 థానికి పిలాతు: నిజాయుతియుతుకు బాత ఇంజోరె తలప్తోోత. ఆలా తలప్తపాయ ఓండు యూదుర్కినగ్గ గిరుడ్డి బయుథికి వాసి: నన్న ఓనగ్గ బాత తప్పు ఊడిల్లాన్ ఇంజోరె కెత్తొ. 39 గోని పస్కా పండుంతె నన్న మీసెంక ఒరోని విడుదల తుంగటమ్ ఒరొ మాములు మింథె గథా? ఆలాయుతుకు యూదుర్కిన్ రాజుని నన్న విడుదల తుంగటమ్ మీకు ఇస్టమేనా ఇంజోరె తలప్తో. 40 అస్కె ఓరంథోరు కలియు: ఈనిని ఒద్దు గోని బరబాని విడుదల తుంగా ఇంజోరె గెట్టింగా కూక వాటి కెత్తోరు. అ బరబా ఇందనోండు ఒరొ థొంగాసి

1 అస్కె పిలాతు యేసుని పెయుసి సెర్న కోలాతె తన్ని స్త్రోత. 2 సయునుర్కు కొయ్యకిసె ఒరొ కిరిటమ్ అల్లిసి ఓని తలకయు ఏొంౕరొ వాటి, యెర్ర గుడాని ఓనికి కెర్సిస్, 3 ఓనగ్గ అంజి యూదుర్కిస్ రాజు జెయు జెయు ఇంజోరె కెచ్చి ఓనిని చంపతె పొం్ౕరొ తన్నోరె మత్తోరు. 4 పిలాతు మల్ల బయుథికి వాసి: ఊడా, నన్న ఈనగ్గ బాత తప్పు ఊడిల్లాన్ ఇంజి మీరు తెలుస్కుండవాలె ఇంజోరె ఈనిని నన్న మీయగ్గ బయుథికి తచ్చనాన్ ఇంజోరె కెత్తొ. 5 యేసు కొయ్యకిన్ కిరిటమ్ వాటి, యెర్ర గుడా కెర్సి బయుథికి వత్తో. అస్కె పిలాతు ఓరిని ఊడి: ఇద్దో ఈ మనుసుండు ఇంజోరె కెత్తొ. 6 పెద్ద పూజారిర్కు, నిసె బంటుర్కు ఓనిని ఊడతస్కె: సిలువతె ఏొం్ౕరొ వాటా సిలువతె ఏొం్ౕరొ వాటా ఇంజోరె కూక వాట్తోతరు. థానికి పిలాతు: మీరె ఈనిని తీనోసి సిలువతె పొం్ౕరొ వాటాటి. నన్న ఈనగ్గ బాత తప్పు ఊడిల్లాన్ ఇంజోరె కెత్తొ. 7 అస్కె యూదుర్కు ఓనిని ఊడి: మాకు ఒరొ పద్దతి మింథె. ఆ పద్ధతిని పెయుసి ఈండు డొల్లి థాయవాలె. బారితుకు ఈండు ఓనిని థేమటె మర్రి ఇంజోరె కెత్తొ. 8 ఈ మాట కేంజ్రస్కె పిలాతు సేన పెర్స్, 9 గిరుడ్డి లోత్తె లోపటికి అంజి యేసుని ఊడి: నిమ్మ బెగ్గనుంచి వత్తిన్ ఇంజోరె తలప్తో. గోని యేసు ఓనికి బాత జవాబు కెత్తిల్లో. 10 అస్కె పిలాతు: నిమ్మ బారి నాతోటె తిరియటమిల్లీన్? నీనిన్ సిలువతె పొం్ౕరొ వాటనాంకి నాకు అథికారమ్ మింథె; నీనిన్ విడుదల తుంగనాంకి గూడ నాకు అథికారమ్ మింథె ఇంజి నీకు తెలియో ఇంజోరె 11 థానికి యేసు: పరలోకాతెనుంచి నీకు ఈదకుండా మతుకు నా ఏొం్ౕరొ నీకు బాత అథికారమిల్లె. గాబటి బేనో అతుకు నానిస్ మీయగ్గ ఒపగిస్తోతండో ఓనికి సేన పాపమ్ మంతె ఇంజోరె కెత్తో. 12 అస్కెట్నుంచి పిలాతు యేసుని విడుదల తుంగవాలె ఇంజోరె

యెదురూడోరె మత్తొ. గోని యూదుర్కు ఓనిని ఊడి: నిమ్మ ఈనిని విడుదల తుంగ్కు నిమ్మ రోమా చక్కరవర్తింకి జతగానిన్ అయ్యున్. బేనొ అతు 13 అస్కె పిలాతు ఈ మాట కేంజ్తస్కె యేసుని బయుథికి కరెంగిసి బండ పీటా ఇంథాని జేగతె (ఎ్రబి బాసాతె గొబతా ఇంత్తోరు) విచ్చార్న తుంగనాంకి కుథి మత్తో. 14 ఆ రోజు పస్కా పండుంతికి తయూరాదని రోజు. పయూల సమయతె పిలాతు యూదుర్కిని ఊడి: ఇద్దొ మీ రాజు ఇంజోరె కెత్తొ. 15 థానికి ఓరు: ఈండు మాకు ఒద్దు; ఈనిని తీసి వాటా; ఈనిని సిలువతె పొం్ౕరొ వాటా ఇంజోరె కెయత్తోరు. థానికి పిలాతు: మీ రాజుని నన్న సిలువతె పొం్ౕరొ వాటొచ్చా ఇంజోరె కెత్తొ. థానికి పెద్ద పూజారిర్కు: చక్కరవర్తి తప్పా మాకు పేరె రాజు ఇల్లో ఇంజోరె జవాబు కెత్తోరు. 16 అస్కె ఓనిని సిలువతె పొం్ౕరొ అమకనాంకి పిలాతు యేసుని ఓరగ్గ ఒపగిస్తో్త. ఓరు యేసుని తీసి అత్తోరు. 17 అస్కె యేసు ఓని సిలువతిని మోనోరె, ఎ్రబి బాసాతె గొల్గొతా ఇంజి కరెంగాని పుర్రె ఇంథాని జేగతికి అత్తొ. 18 అగ్గ ఓనిని సిలువతె ఏొం్ౕరో సీల వాటి కొట్తోరు. ఓనితోటె ఇంకా పేరె ఇరుమరిని ఒరోని ఒరొ పక్కతె, ఇంకొరోని ఇంకొరొ పక్కతె సిలువతె పొం్ౕరో సీల వాటి కొట్తోతరు; యేసుబోనో ఓరిరుమరు నడుమ 19 పిలాతు ఒరొ చక్కతె నాజరేతు నాటె యేసు యూదుర్కిన్ రాజు ఇంజోరె రాపిసి సిలువతె పొం్ౕరొ పేలాడ్ వాటిస్తొ. 20 యేసుని సిలువతె పొం్ౕరొ వాట్త జేగా నాటెంకి దగ్గర మత్తె గాబట్టి సేనమంథి యూదుర్కు అ చక్కతె రాసి మత్తదు సదవ్తోతరు. అద్దు ఎ్రబ్లి, గిరీకు, లాతిన్ బాసాతె రాసి మత్తె. 21 అస్కె యూదుర్కు నినె పెద్ద పూజారిర్కు పిలాతుని ఊడి: యూదుర్కిన్ రాజు ఇంజి నిమ్మ రాసకుండా, నన్న యూదుర్కిన్ రాజు ఇంజి ఓండు కెత్తాటు నిమ్మ రాపిసా ఇంజోరె కెత్తోరు. 22 థానికి పిలాతు: నన్న రాస్తదు రాస్తథే ఇంజోరె కెత్తొ. 23 సయునుర్కు యేసుని సిలువతె ఏొం్ౕరొ వాట్తపాయ, ఓని గుడా తీసి నాలు వాటా వాటి ఒరోరొ ఒరొ వాటా తీస్కుట్టోరు. పొం్ౕరొ కెర్తాని సన్న గుడాగూడ తీస్తోోతరు. అద్దు కుట్టు ఇల్లకుండా

ఏొం్ౕరొనుంచి ఇడుపొథాకా నేత వాటి మత్తె. <mark>24</mark> గాబట్టి ఓరు: మనాడు థీనిని ఏంతకుండ బేనోనికి పెయుత్తె ఇంజోరె థీన్స్టి గురుంచి చీటి వాటకాడా ఇంజోరె ఒరోంకొరొ తిరియుత్తోరు. నా గుడాకిని ఓరమటె వాటా వాటి, నా గుడా గురుంచి చీటి వాటిత్తోరు ఇంజి థేమటె మాట కెత్తాటు సయునుర్కు ఈలా తుంగ్తోతరు. 25 గోని యేసుని సిలువ గుంజె దగ్గెరి ఓని యెవ్సా, థాని యేలాడి, కిలోపా ముత్తె మరియూ, మగదలె మరియూ అంథోరు నిచ్చి మత్తోరు. 26 అస్కె యేసు ఓని యెవ్సా, మల్ల ఓండు పేమిస్త సిసూండు దగ్గర నిచ్చి మందనద్దు ఊడ్తస్కె, యేసు ఓని యెవ్వాని ఊడి: యెవ్వా ఈండె నీ మర్రి ఇంజోరె కెత్తొ. 27 ఆపాయ అ సిసూని ఊడి: అద్దొ నీ యెవ్వా ఇంజోరె కెత్తొ. జపుసె అ సిసూండు థానిని ఓని లోను తీసొత్తొ. 28 ఆపాయ అంతా ఆసత్తె ఇంజోరె యేసు తెలుస్కునుంజి థేమటె మాట సెరవేర్చవాలె ఇంజి నాకు డొప్పెనోంథె ఇంజోరె కెత్తొ. 29 అగ్గ ఒరొ గిస్సెతె పుల్లటి థాచ్చ రసమ్ మత్తె. గాబట్టి సయునుర్కు దూథి తీసి గిన్నెతె ముచ్చి ఇనొపు ఇంథాని దుడ్డిథె పేలాడ్ తాసి ఓని పమటికి ఉండనాంకి అంథిస్తోరు. 30 యేసు థానిని తీస్కుట్ల పాయ, అంతా ఆసి అత్తె ఇంజోరె కెచ్చి, తలకయు వొంచి ఊపిరి విడస్తోోత. 31 అ రోజు పెద్ద సొక్కు థినాతికి ముస్పెటి రోజు. అద్దు తయూర్ తుంగాని రోజు. అద్దు ఒరొ గొప్ప రోజు. అ సొక్కు థినాతె పీనుగుకు సిలువతె పొం్ౕరొ మందగూడో గాబట్టి యూదుర్కిని పెద్దాకు పిలాతున 32 గాబట్టి సయునుర్కు వాస్కి యేసునితోటె సిలువతె వాట్త ఒరోని కాల్కిని పయుసి విత్తోరు. ఆలాతసికె ఇంకొరొని కాల్కిని గూడ పయుసి విత్తోరు. 33 గోని ఓరు యేసునగ్గ వాసి ఊడ్తస్కె, ఓండు డొల్లి అత్తో ఇంజి తెలుస్కునుంజి ఓని కాల్కిని ఓరు పెయుథిల్లోరు. 34 అత్కన్న, సయునుర్కినమటె ఒరోండు బర్సెతె ఓని పక్కతె కోడత్తో. జపుసె సెత్తురు ఏరు బయుథికి వత్తె. 35 జరగ్తవంత ఊడ్తోండు వీటిని గురుంచి సాచ్చెమ్ కెత్తో. ఓండు కెత్త సాచ్చెమ్ నిజంగా మీంథె. మీరు వాటిని నమ్మనాంకి ఓండు కెత్తవంతా నిజంగా

మింథె ఇంజి ఓండు పున్ని మినొ. 36 ఓని బూలాకిని ఒరోటి గూడ పయుసి అన్నొ ఇంథాని థేమటె మాట సెరపేర్సనాంకి ఇవ్వంతా జరగ్తా. 37 ఇథ్దె అయ్యోకా, ఓనిని కొట్తోరె ఓనిని ఊడిత్తోరు ఇంజి థేమటె మాట కెచ్చి మత్తె. 38 ఆపాయ. అరిమతియ నాటినోండత్త యోసేపు ఇందనోండు ఒరో మత్తో, ఈండు యూదుర్కింకి పెర్సి రాసియంగ యేసుని సిసూండుగ మత్తోండు. ఈండు పిలాతునగ్గ అంజి యేసుని ఒల్దిని తీనోదనాంకి మనివి తుంగ్తోత. పిలాతు ఒప్పుకుట్టో గాబట్టి ఓండు వాసి యేసుని ఒల్దిని తీసి అత్తో. 39 మొట్ట మొథోటి ఒరొ నరక యేసునగ్గ వత్త నికథేము ఇందనోండు బోలమ్ కలప్త అత్తరు ముప్పయు నాలు కిలో పెయుసి వత్తొ. <mark>40</mark> ఓరు యేసుని ఒల్దిని తీసి, యూదుర్కు మిస్సాని అలవాటిని పెయుసి అత్తరు రాసి సన్స గుడాతె ఓనిని ఉత్తోరు. 41 ఓనిని సిలువతె పొం్ౕరొ వాట్త జేగా దగ్గర ఒరొ తోటమ్ మత్తె. ఆ తోటా ఒరొ కొత్త వీస్పెటె మత్తె. థాంటె బెస్కె బేనోని వాటిల్లోరు. 42 ఆ వీస్పెటా దగ్గరె మత్తె. అద్దె అయ్యోకా యూదుర్కిని నొక్కు థినాతికి తయూర్ తుంగాని రోజు దగ్గర వత్తె గాబట్టి యేసుని ఆ వీస్పెటాతె వాట్తోరు.

20

1 ఆథివారమ్ రోజు తెల్లవీయు పొడుదు పెత్తాని పేలతికి మగదల మరియూ వీస్కినగ్గ అంజి వీస్పెటెతె పొం్రో వాట్త గుమ్మతె రాయు తీసి వాట్తదు ఉడ్డె. 2 జపుసె అద్దు సీమొను పెతురునగ్గ, యేసుంకి పేమగ మత్త పేరె సిసూండుతగ్గ మిర్రి అంజి, పెటుని వీస్పెటెతెనుంచి బేనోరో తీసొత్తోరు. ఓనిని బెగ్గ వాట్తోరో మాకు తెలియొ ఇంజోరె కెత్తె. 3 అస్కె పెతురు, పేరె సిసూండు ఇరుమరు కలియు వీస్పెటెతగ్గ మిర్రత్తోరు. 4 పెతురుకన్న పేరె సిసూండు గబ గబా మిర్రి అంజి మొథోటి వీస్కినగ్గ వాస్కి 5 థాని లోపటె ఒంగి ఊడి, అగ్గ సన్న గుడా అర్సి మత్తదు ఊడ్తోత. గోని ఓండు లోపటికి థాయుల్లె. 6 ఆపాయ సీమోను పెతురు ఓనికి పెరికె వాసి, వీస్పెటెతె

లోపటికి అంజి, గుడా అర్సి మత్తదు ఊడ్తో. 7 యేసుని ఒల్దె ఏొం్ౕరో వాట్త గుడా అర్సి మత్తె. ఓని తలకయు గుడా అ గుడాని పక్కతె అయ్యోకా పేరె ఉత్తి వాట్తదు ఓండు ఊడ్తో. 8 మొథోటి విస్కినగ్గ వత్త పేరె సిసూండు అస్కె లోపటికి వాసి ఇవ్వంతా ఊడి నమ్తో. 9 ఓండు సామతెనుంచి తేత్తో ఇంజి ఇంతక మున్నె థేమండు కెత్త మాటకిని ఓరు ఇంకా అర్ధమ్ తుంగిల్లోరు. 10 ఆపాయ ఆ సిసూర్కు ఓరి ఓరి లోను మలిసి అత్తోరు. 11 గోని మరియ వీస్కినగ్గ వాసి బయుథె నిచ్చి అడసోరె మత్తె. ఆలా అడసోరె అద్దు ఒంగి వీస్పెటె లోపటె ఊడి, 12 యేసుని ఒల్దిని వాట్త జేగాతె తెల్ల గుడా కెర్త ఇరుమరు దూతాకు మత్తోరు, ఒరొండు తలకయు పక్కతె, ఇంకొరొండు కాల్కిన్ పక్కతె కుథి మందనద్దు ఊడ్తేత. 13 ఓరు థానిని ఊడి: యెవ్వా, బారి నిమ్మ అడసనీన్ ఇంజోరె తలప్తోోతరు. థానికి అద్దు: నా పెబుని ఓరు తీసత్తోరు; ఓనిని బెగ్గ వాట్తోతరో నాకు తెలియుల్లె ఇంజోరె కెత్తె. <mark>14</mark> ఈలా కెచ్చి అద్దు పెరికెడికి ఉడ్డి యేసు నిచ్చి మందనదు ఊడ్తేత గోని ఓనిని యేసు ఇంజోరె గురుతు తుంగిల్లె. 15 అస్కె యేసు థానిని ఊడి: యెవ్వా బారి నిమ్మ అడసనీస్? బేనోనిస్ నిమ్మ మెక్కనీన్ ఇంజోరె తలప్తోోత. థానికి అద్దు ఓనిని తోటాతె పని తుంగనోండు ఇంజి అనుకునుంజి: అయ్యూ, నిమ్మ ఓనిని తీసి మతుకు 16 యేసు థానిని ఊడి: మరియూ ఇంజోరె కెత్తొ. అద్దు గిరుడ్డి ఊడి: రబుని ఇంజోరె ఎ్రబి బాసాతె కరెంగ్తేత. (రబుని ఇంథాని మాటతికి బోదకుండు ఇంథాని అర్ధమ్). 17 యేసు థానిని ఊడి: నానిన్ కేటొద్దు. బారితుకు నన్న ఇంకా నా అయ్యూనగ్గ థాయుల్లాన్. నిమ్మా నా సిసూర్కినగ్గ అంజి, నన్న, నా అయ్యూలు నిసె మీ అయ్యూలు, నా థేమండు నిసె మీ థేమండు మంథాని జేగాతికి అంజనాన్ ఇంజోరె ఓరికి కెల్లా ఇంజోరె కెత్తొ. 18 ఆలే మగదల మరియూ అంజి అద్దు పెబుని ఊడ్తథాని గురుంచి మల్ల పెబు థానితోటె కెత్త మాటక్కంతా సిసూర్కినితోటె కెత్తె. 19 ఆథివారమ్ రోజు ములుపట్ పేలాతె సిసూర్కు అంథోరు ఒరొ అంకడాతె కలియు మత్తోరు. ఓరు యూదుర్కింకి

పెం్ౕతోరు. గాబట్టి మొత వాటి లోపటె మత్తోరు. గోని యేసు ఓరు నడుమ వాసి నిచ్చి మీకు సుబొమ్ ఇంజోరె కెత్తొ. 20 ఓండు ఈలా కెచ్చి ఓని కయుకిని పక్కతిని ఓరికి తోపిస్తోోత. సిసూర్కు పెబుని ఊడి కుసేల్ పర్తోతరు. 21 యేసు మల్ల ఓరిని ఊడి: మీకు సుబొమ్ ఇంజోరె కెత్తొ. తప్పె నానిన్ రోత్తాటు నన్న గూడ మీమిని రోచ్చనాన్ ఇంజోరె కెచ్చి, 22 ఓరి పొం్ౕరొ ఊథి, సుబ్బరంగ మంథాని ఆత్మతిని మీరు ఏనాటి. 23 బేనోని పాపకిని మీరు సెమిసనీరో ఓరి పాపకిని థేమడు గూడ సెమిసిత్తొ. బేనోని పాపకిని మీరు సెమిసకుండా మంతీరో ఓరి పాపకిని థేమడు గూడ సెమినో ఇంజోరె కెత్తొ. 24 యేసు ఓరగ్గ వత్తెస్కె పన్నెండు మంథి సిసూర్కినమటె ఒరోండత్త కవల ఇంథాని తోమా ఇందనోండు అగ్గ మంథిల్లొ. 25 గాబట్టి పేరె సిసూర్కు: మమ్మ పెబుని ఊడ్తాతమ్ ఇంజోరె ఓనితోటె కెత్తోరు. థానికి ఓండు: నన్న ఓని కయుకిని మేక్కిన్ కొట్త గాయమ్ ఊడి, అ గాయూతె నా వేలు వాటి, ఓని పక్క గాయూతె నా కయు వాట్తుకే గోని నన్న నమ్మనె నమ్మోను ఇంజోరె కెత్తొ. 26 ఆపాయ ఎనిమిథి రోజ్కు అత్తపాయ ఓని సిసూర్కంథోరు లోత్తే మత్తోరు. తోమాగూడ ఓరితోటె మత్తొ. మొత వాటి మత్తె. గోని యేసు ఓరి నడుమ వాస్కి నిచ్చి: మీకు సుబొమ్ ఇంజోరె కెత్తో. <mark>27</mark> తరవాతా ఓండు తోమానాకె ఊడి: నిమ్మ నీ పేలు ఇగ్గ వాటి నా కయుకిని ఊడా. నీ కయుథిని నా పక్కతె వాటా. అపనమ్మకమ్ మందకుండా నమ్మకంగా మందవాలె ఇంజోరె కెత్తో. 28 అస్కె తోమా: నా పెబువా, నా థేమండా ఇంజోరె కెత్తో. <mark>29</mark> థానికి యేసు: తోమా, నిమ్మ నానిన్ ఊడ్తిన్ గాబట్టి నమ్తిన్ గోని ఊడకుండా నమ్మనోరె గొప్పవారు ఇంజోరె కెత్తొ. 30 ఈ పుస్తకాతె రాసిల్లో పేరె అచ్చర్యపర్దాని గొప్ప పనుంగు ఇంకా బెచుకో మినాకు. అవ్వంతా యేసు ఓని సిసూర్కిన్ మున్నె తుంగ్తో. 31 యేసే, కిరిస్తు ఇంజోరె నిసె థేమటె మర్రి ఇంజోరె మీరు నమ్మ్కి ఆలా నమ్మట్టమ్ థోరింపిసె ఓని పెథాటె బెస్కెటికి మంథాని బతుకిని ఏందవాలె ఇంజి ఇవ్వంత రాసి మినా.

1 ఆపాయ యేసు తిబేరుయూ సముథ్రాతె ఒడ్డినె ఓని సిసూర్కింకి మల్ల పేడకత్తో. అద్దు బేలాయుతుకు: 2 సీమోను పెతురు, కవల ఇంథాని తోమా, గలిలేయూతె కానా ఇంథాని నాటినోండత్త నత్తానియేలు, జెబథేయుని మర్కు, ఓని సిసూర్కినమటె పేరె ఇరుమరు ఈరంథోరు కలియు మందనస్కె, 3 సీమోను పెతురు ఓరిని ఊడి: నన్న కీకె పెయుదనాంకి థెయుతాన్ ఇంజోరె కెత్తొ. అస్కె ఓరు: మమ్మ గూడ నీతోటె పెయుతామ్ ఇంజోరె కెత్తోరు. ఓరు థెమ్మిరి అంజి ఒరొ పడవ తర్రి అత్తోరు. గోని అ నరక ఓరికి బాత థొర్కిల్లె. 4 పంగువీయుత పాయ యేసు ఒడ్డినె నిచ్చి మత్తో. అత్కన్న ఓండు యేసు ఇంజి సిసూర్కు గురుతు పెయుథిల్లోరు. 5 అస్కె యేసు ఓరిని ఊడి: జతగాకినీరె, మీరు కీకె బాతన్న పెయుతీరే ఇంజోరె తలప్తో్త. థానికి ఓరు: ఇల్లె ఇత్తోరు. 6 అస్కె ఓండు: మీరు పడవతె తినపక్కతె వల వాటాటి; అస్కె మీకు థొర్కితా ఇంజోరె కెత్తొ. ఆలాకె ఓరు వల వాటి థీబె కీకె పెయుత్తోరు గాబట్టి వలని గుంజాలిల్లోరు. 7 గాబట్టి యేసుంకి పేమగా మత్త సిసూండు పెతురుని ఊడి: ఓండు యేసే ఇంజోరే కెత్తో. సీమోను పెతురు కేంజ్రస్కె, ఓండు బం్ౕరోల్దై మత్తో గాబట్టి ఓని గుడా కెర్సి సముథ్రాతె దూక్తో. 8 గోని మిగల్త సిసూర్కు ఒడ్డినుంచి థాథాపు మూడు వందల అడుగు దూరమ్ మత్తోరు గాబట్టి పడవతె కుథి మంజి కీకేకు మంథాని వలని గుంజోరె వత్తోరు. 9 ఓరు ఒడ్డినె డిగ్గి వత్తెస్కె కిస్సు తనిమి మంజి థాని ఏొం్ౕరో ఆరి కీకె వాటి మత్తద్దు ఓరు ఊడ్డోతరు. 10 యేసు ఓరిని ఊడి: ఇంజె మీరు పెయుత కీకెనమటెనుంచి కొంత పెయుసి వంౕరాటి ఇంజోరె కెత్తో. <mark>11</mark> అస్కె సీమోను పెతురు పడవ తర్రి వలని ఒడ్డింకి గుంజ్తో. థాంటె నూట యేబయు మూడు పెద్ద కీకెకు మత్తా. ఇచ్చో కీకేకు మత్త్కన్న వల ఈంగి థాయుల్లె. 12 యేసు ఓరిని ఊడి: వంౕరాటి, థోడా

తినుటు ఇంజోరె కెత్తొ. సిసూర్కు ఓనిని పెబు ఇంజొరె తెలిసి మత్కన్న నిమ్మ బేనో ఇంజి తలపనాంకి ఓరమటె బేనోంకి గూడ దయుర్స్మమాథిల్లె. 13 అస్కె యేసు వాసి ఆరి తీసి ఓరికి ఇత్తొ. ఆలాకె కీకెని గూడ సథిరి ఇత్తొ. 14 యేసు సామతెనుంచి త్యాత పాయ ఓని సిసూర్కింకి ఈలా మూడోవ సుట్టు ఓనిని ఓరికి తోపిస్తో. 15 ఓరు థోడా తిత్త పాయ, యేసు సీమోన్ పెతురుని ఊడి: యోనానిన్ మర్రి అత్త సీమోను, ఈరికన్న ఎకువా నిమ్మ నానిస్ పేమిసనీసె ఇంజోరె తలప్తొ. థానికి ఓండు: యూ పెటువా, నన్న నీనిన్ పేమిసనాన్ ఇంజి నీకు తెలుసు ఇంజోరె కెత్తొ. థానికి ఓండు: నా గొర్రె పిల్లాని మేము ఇంజోరె కెత్తొ. 16 రొండోవ సారి యేసు ఓనిని ఉడి: యోనానిస్ మర్రి అత్త సీమోను, నిమ్మ నానిస్ పేమిసనీసె ఇంజోరె తలప్తోోత. థానికి ఓండు: యూ పెబువా నన్న నీనిన్ పేమిసనాన్ ఇంజోరె నీకు తెలుసు ఇంజోరె కెత్తొ. థానికి ఓండు: నా గొర్రెంకి కాపల మంథా ఇంజోరె కెత్తొ. 17 మూడోవ సుట్టు యేసు ఓనిని ఊడి: యోవానిన్ మర్రి అత్త సీమోను, నిమ్మ నానిన్ పేమిసనీసె ఇంజోరె తలఫ్తోోత. నానిన్ పేమిసనీసె ఇంజి యేసు మూడోవ సుట్టు ఓనిని తలపకాడె పెతురు సేన బాదపరిసి: పెబువా, నీకు అన్ని తెలుసు. నన్న నీనిన్ పేమిసనాన్ ఇంజోరె గూడ నీకు తెలుసు ఇంజోరె కెత్తొ. థానికి యేసు: నా గొర్రెని మేము ఇంజోరె కెత్తొ. 18 నిమ్మ వయసువాండుగ మత్తస్కె నీకు నిమ్మె గుడా కెర్సి నడుమ్ పట్టెడ్ వాటి నీకు ఇస్టమ్ మత్త జేగా నడిసి ఉడ్డోరె వత్తిన్. గోని నిమ్మ ముక్కాలదనస్కె నీ కయుకిని ఆలిత్తిన్. అస్కె పేరెవాండు నీ నడుమ్ పట్టెడ్ తొచ్చి, నీకు ఇస్టమయ్యో సోటింకి నీనిన్ తీసొయుతొ ఇంజోరె నిజంగ నీకు కెచ్చనాన్ ఇంజోరె కెత్తొ. 19 ఓండు బేలోంటి సామ అరిసి థేమటిని గొప్ప తుంగితొ ఇందంథాని తోపిసనాంకి ఈలా కెత్తొ. యేసు ఈలా కెత్త పాయ ఓనిని ఊడి: నాతోటె వం్ౕ రా ఇంజోరె కెత్తొ. 20 గోని పెతురు పెరికె ఊడి: యేసుంకి పేమగ మందనోండు, థోడా తిందనస్కె యేసుని రొమ్మిని రోయు: పెబువా బేనో నీనిన్ ఒపగిసిత్తొ ఇంజి తలప్తోోతండత్త సిసూండు పెరికె

వాదనద్దు ఊడ్తోత. 21 ఆలా ఓనిని ఊడోరె పెతురు యేసునాకె ఊడీ: పెబువా ఈనిని గురుంచి నిమ్మ బాత కెచ్చనీన్ ఇంజోరె తలఫ్తోత. 22 థానికి యేసు: నన్న గిరుడ్డి వాథాని జేపు ఈండు బథికి మందవాలె ఇంజి నన్న ఇస్టపర్తుకు థాని పెయుసి నీకు బారి. నిమ్మ నాతోటె వం్రా ఇంజోరె కెత్తొ. 23 గాబట్టి ఈ సిస్తూండు డొల్లి అన్నో ఇంజి సిస్తూర్కు ఓరమటె ఒరోంకొరొ తిరియుకుట్టోరు గోని ఓండు డొల్లి అన్ని ఇంజి యేసు కెల్లకుండా నన్న వాథానిథాకా ఈండు మందవాలింజి నన్న ఇస్టపరతుకు థానిపెయుసి నీకు బారి ఇంజి కెత్తొ. 24 ఈ సిస్తూండు వీటి గురుంచి సాచ్చెమ్ ఈసి వీటిని రాస్తోత. ఓండు కెత్త సాచ్చెమ్ నిజమ్ ఇంజి మమ్మ పున్ని మినామ్. 25 యేసు తుంగ్త పేరె పనుంగు ఇంకా థీటె మినా. వాటిని ఒరొరొథాని రాసవాలితుకు టెచ్కొ పుస్తకాకు అయుతా. ఆ పుస్తకాకిని వాటనాంకి ఈ బూమి గూడ ఆలో ఇంజోరె అనుకునుంజనాన్. ఆమెన్